



PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL
248
R38S5

Ra'uf, Mehmed
Siyah inciler

4132

18/461

سَيِّدَا الْبَيْتِ

ادبیات جدیدہ کتب خانہ سنک اجزای سائرہ سی

- ن مخیل ، کوچک حکایہ لر ، حسین جاہد بکک . (موجودی یوقدر)
 شکستہ ، مجموعہ اشعار ، توفیق فیکرت بکک . (ایکنبجی طبعی)
 تاریخی ، کوچک حکایہ لر ، خالد ضیا بکک . (ایکی بیکنبجی)
 ممنوع ، بیوک حکایہ ، خالد ضیا بکک .
 ایچندہ ، بیوک حکایہ ، حسین جاہد بکک .
 ، بیوک حکایہ ، محمد رؤف بکک .
 و کتابلر ، تدقیقات ادبیہ ، احمد شعیب بکک .
 ون دمت ، کوچک حکایہ لر ، خالد ضیا بکک .
 تان وکستان ، کوچک حکایہ لر ، احمد حکمت بکک .
 ایچیلر ، مشور شعرلر ، محمد رؤف بکک .

طبع اولنمقدہ :

- وسیاہ ، بیوک حکایہ ، خالد ضیا بکک .
 حیائلر ، بیوک حکایہ ، خالد ضیا بکک .
 و کتابلر ، تدقیقات ادبیہ ، احمد شعیب بکک . (ایکنبجی جلد)
 خیال ، کوچک حکایہ ، خالد ضیا بکک .

طبع اولنمق اوزره :

- تسلیلر ، مجموعہ اشعار ، فائق عالی بکک .
 کولککلر ، اشعار ، جلال ساہربکک .
 حقیقیہ صحنہ لر ، کوچک حکایہ لر ، حسین جاہد بکک .

Ra'uf, Mehmed

محمد رؤف

سیاہ انجیل

مشور شعری


Siyāh inciler

معارف نظارت جلیلہ سنک رخصتیلہ

استانبول — عالم ، مطبعہ ، احمد احسان و شرکائی

۱۳۱۷

PL
248
R38 S5




کتاب

خالد ضیا بک

اڪ اسڪي يازيلرمدن برى اولان كليكي
امشالى كجى محو ايتمه يوب بورايه درج ايديشم
اونى بكنديكم ايچون دكل، بيم ايچون مادام الحيات
متصور اولميان اڪ بويوك بر التفاتى بش سنه
اول سزدن بكا جلب ايتديكى ايچوندر . كليك
ايله ماسقانيك موسقيسنك تشبيهنده نه قدر
خارق العاده بزم بالغه اولديغى كمسه بيم قدر
تقدير ايده مر ، حاليوكه بن ايشته اومبالغه بي
قازانديغم ايچون بختيارم .

م . ر .

طرايه ، قيش ۱۳۱۷



Digitized by the Internet Archive
in 2009 with funding from
Ontario Council of University Libraries



كلبك

بتون كائناتك كوزلرينه ، بر خواب عميقدن اويانيور
 كې ، برس-كون مطلق ايچنده از مهرار لر كلير ؛ كوش
 سحر پريس-نك يناقلىرى بر بوسه غرام ايله قيزارتير .
 زهره ، بو پرسر شك نگاه اشتياق ، سمانك كارنك توللرينك
 آره سنده ، اوزرنده صالاندينى تپه نك آرقه سندن فيشقرا
 شوقا شوق سيالات شمسده مخمور و سرمست ، رقصلىر ،
 تبشيشلرله ييقانير . سواحله ماحمى ، نافذ بر رايحه
 دولاشير . آغاچلارك اويالرى آره سنده خنده كار ضيالر
 اويناشمغه ، شيوه كار فيصلدىلر سويلشمكه باشلار ؛ بتون
 طبيعى اورتن اورقيق رداى رطيب شب تميمع ايدر :

شبنملر پارلدار ، کون آغر آغر اسنه یور کبی هر یانده
 بطی بر جریان هوا قلدانیر . بر ظل ملال ایله طالعین
 طوران اطرافده آره صره عکس انداز خروس نعره لری
 رفع آواز ظنین یدر ، هر شهیده بر حیات تیتیر ، آهنگ
 کائنات رقص محظوظانه سنه باشلار ؛ بردن بره ، کره
 شمس هیبت مشعشه سیله تپهنگ اوزرنده انعکاسلر آره سنده
 ظهور ایدر ...



اوزمان بر نفخه فجر کبی پر هوا کلک ، بیلیم
 نره دن طوغار ، آبکون قنادلرینی بر تلاطم مایع زرین
 ایله ییقایان کونشک ایلم نورلرینه قارشى پردوق ، نشوه داره
 حریر آلود ، رقصه باشلار .

شمدی وریقه لرنده ژاله لرك کیزلی کیزلی تبسم ایتدیکی
 نازک بر شکوفه یه تیتیره تیتیره تماس ایتک ایستیر ،
 اطرافدن دوکولن ضیالرك آغوش پرستشده بختیار ،
 سرمست ، دالغه لانه دالغه لانه شناورلك ایدر ؛ شمدی
 اوزرینه کونشک آتشلری آلتنده بیتاب بر بخارک ییغیلوب
 سریلدیکی آلتون باشاقلری قوقلایه جق ، امه جک کبی

برتمایل عاشقانه ایله سیلاننه خفت کتیره زك پراحتراز ،
 تیتره ، برنور موجه دار کی معلقده تیتره ، شمعی یینه
 اوچار ، کاسنك آغوشنده صیقلمش کی هواده نالان ،
 گوشك طوران برغنجیه یا قلاشیر . بر سرشك پرستشی
 آندیران قطره لرله محمول باپراقلرک اطرافنده اهتزاز لرله
 دوز ، دوز ؛ آه اوپك هوایدر ، اونك بر بوشی ،
 یالکز بر بوشیله قاچار ، اوپك بی آرامدر ، اوچار کیدر .
 اوزمان غنجه بر آه حرمانله سینه سی قیاریبور کی
 ساقك اوزرنده صاللانهرق صانکه حزین ، ممدود ،
 عاشقانه بر ننگه نمنك ابتلا ایله باقار .



دینیلیرکه کلبك بر خموریت عاشقانه ایله تقریر سودا
 ایدن بهار پر یلرینك رایحه لرندن تحدت ایتمش برائیر ،
 طبیعتك اك روح پرور رنگلرندن تیتره مش بر شهپر ، پر یلرک
 تماسیله قطره لشمش برسیسدن مهتر برنور سیالدر ؛
 دینیلیرکه کلبك بر هوادر ، اسیور ، بر نفسدر ، آه
 ایدیور . بر قطره در تلاطم ایتمش ، بر خنده در تبلر
 ایتمش ، بر تبسمدر تقطر ایتمش ؛ دینیلیرکه کلبك بر

سودادر بی قرار ، برنسیمدر معنبر ، بر بوسشدر
ذی روح ، برشعردر ، رقصان ...

آلتون باشلی ، لاجورد کوزلی ، کل دوداقلی بر
مینى مینی چوجوق کوزلری بریره آقش ، بونی کورر ،
نظرنده بر شعله حرص تیتیره ، آغزی آجیق ، کوزلری
مرکوز ، یوزی پنبه لشمش ، قولاری بو اوچان چیچکی
طوتمق ایچون آچیلشمش ، حایقریر : — آننه ، کلبک !
بیلمم نصل اولور ، برخنده اشتیاق دوکولور ، بو آتشدن
دوداقلر تیتیره ، چوجوق قوشمغه باشلار . اوخ ، اما
نه کوزل ، نه کوزل ! اوزون ، صاری ، دمت دمت
اوینایان صاچلرینی تر آلنه یاپشدریر ، یاناقلری قیزاریر ،
قیزاریر ، نفسی کسلیلیر ، آرتق سندهلهیه سندهلهیه قوشمغه
باشلار . اوف ... طوته میورکه ... آننه سی حایقریر :
«اوغلوم ، قوشمه ، دوشرسک ... کلبک ، او ، پریشان ،
بی توان ، لرزان پر ، سرسری ، قاچار ، شمدی دینیلیرکه
کلبک برضیادر ، دوکونیور ، اوقدر سریعدر ... نهایت ،
بی مجال ، کریه ناک ، برچیچکه دوشر ، اورایه صوک بر
غیرت مذبحخانه ایله یایدشیر ؛ شمدی دینیلیرکه کلبک بر
دوداقدیر ، قوقله یور ، برقدیر ، اوپیور ، بر عشقدیر ،
امیور ، اوقدر حریصدر ...

چو جوق نشئه‌لی برصدا ایله حایقیریر : — اوخ ،
 یا قالدوم . « سرورندن تیتره‌ین الاری اوزانیور . امان
 یاربی، کندینه برنکاه نومیدانه ایله نکران اوله رقرعشه‌ناک
 او وجوده لاجورد کوزلرنده هیبج رحم، هیبج آمان یوق!
 اوخ ، براق ، براق ! باق بن سکا سویله‌یم، اودها
 بوصباح، ایشیدیور میسک؟ دها بوصباح - حرک بوسشندن،
 حریرک لرزشندن دوغدی . اودها بوصباح یشامغه
 باشلادی . اودها یکی اوچدی ...

براق ، براق ! باق بن سکا سویلیورم . اوده طبق
 سنک کیدر ، اوده پردوق یشامق ایستر ، باق شوچیچکه
 هیبج قونمادی ... براق ، براق ، اوخ براق !
 چو جوق مظفرانه قوشار، معذب برخنده شطارتله
 النی اوزاتیر، کلرنک پارمقلرینک آره‌سنده برتوز ازیلیر،
 رقیق ، زرین ، رایحه‌دار ، اثیری برتوز ... شمعدی
 دینیلیرکه کلبک برغبار رنکیندر !





کنجلاک

— حسین جاہدہ —



لوعهٔ شباب

— هرکوزل شی قلیده باشقه بر یاره آچهرق کچر —

بعضاً فدای حیات ایچون او یله شدتلی احتیاجلر حس
ایدیورم که بتون حیات بشریه اختیارمده اولسه یدی بنم ایچون
کافی کلزدی . بتون بونظرلر ، بتون بوتصادفلر ، آنی ، برقی
برتصادم انظار که ، وؤبد بر سکر وصلتله مدهوش ایدر ...
کوپریدن کچرکن ، واپورله کیدرکن ، بریرده کزرکن ،
نهایت بوتصادف ناکهانی زمانلرنده تشنهٔ غرام ایکی روحک
بوانجذاب غیر اختیاری ثانیه لرنده دوداقلرمک لرزشنده ،
کوزلر مک بوسشنده سونن حیاتم « اونو بکاویر ! » دیه نکدر .
آل ، اوت اوسنکدر کنج قیز !
فقط نه یاز قدر که اونک هیج بردگری یوقدر ! یاربم ،

نه اولوردی حیاتمک فدا سیله اولسون برت بسمه ، بر تشکره
دکری اولسه یدی ...

بتون اونلر ، بتون اونلر ، شوکنج قزلر ، هر بریسی
غرا ، علوی برر شعر ذی حیات که یالکیز زوجلری
اوقویه بیله جکلر در . بتون بوش-عزلری اوزون کدرلر ،
بی پایان المارله حس ایدرک تتره یوب صیزلایوب ده اوقویه نغنه
محکوم اولمق نه اشکنجه !

بویکرمی یاشه مخصوص حسیاتله طبیعتک کوزلله کلرندن
اولسون محظوظ اولمق ایسته دجه تماشا لرندن الیم بر
محرومیتدن باشقه هیچ برشی حس ایتیه یورم . هپ بو محاسن
طبیعییه و صنعیه ، بتون بو کوزل شیلره ، سماره ،
دکزلره ، قیرلره باقه رق زیان اولمیرینه اغلا یورم .
زیرا ، سز سز بن بو نغمور صبا حلی ، یشیل دکزلری ،
مکوکب کیجه لری نه یاپیم ؟

یمین وفا

ایلاک یمینمی ، یمین عشقمی شیمدی ماضی ، پاك
اوزاق برماضی اولمش برمایس صباخنده ، او حشراتك
ولوله سیله مست ولرزان قورولقده اوباك و بیاض کنج
قزه ایتدم ، روحنك ایلک وریقه غرامی بنم ایلک بوسه مك
قانادلریله لرزشدار هیجان اولان اواثیری کنج قزه ...
وقابك اك صمیمی برلسانیله ایدیلن بو « آریلیرسه م
اولورم ! » یمینلری شیمدی زمانك دست تهكمنده آجی ،
منفور بریالان حانه کیردکجه اونی ، اوبنی هیچ برقادینك
سومدیکی صاف وقوی بر عشقله سومش پاك و بیاض
کنج قزی دوشونورم ، اوروحنك ایلک وریقه غرامی

نیم ایلك بوسه مك قانادريله لرزشدار هیجان اولان ائیری
کنج قزی ... و اونك نكاه مجروح سرزنشی حضورنده
اغلامق ایستهرم .

ما تملرم

— بتون اونلره —

بعضاً تصادفك نفیخه ترتیبیله شوراده بوراده نا کهان
 طلوع ایدوب هر شیریلره ، ادالری ، رفتارلری ، ممتازیتلریله
 بتون روحیزی مقاوم تسوز براشتیاق النده تیره تن ،
 برقاق ثانیه ده اوزون بر عشق محروم خسرانی ویره رک
 بزی مفارقت الملری ارمه سنده براقوب کیدن قیزلر ...
 بو بزم ایچون ابدیاً ، آرتق ابدیاً افول ایتدیکنی بیلدیگمز
 کنج قیزلر ... بو سه سه جگمزی ، اوله جگمزی حس
 ایدوب ده بر نظر لرینه بیله مالک اولدیغمز کوزل قادینلر ...
 آه بو چهره لر ، بو حافظه مدن سلیک بر خیال کی اوچوشه رق
 کچن روزکارلی وجودلر ، حیات آمالک بویتمز توکنمز
 ما تملری ...

بىم اولسەيدىك

بىم اولسەك ، آھ بولمىكن اولسەيدى ... سنى اوزاق ،
اوزاق ، بو انسا-انلردن پك اوزاق بريرە كوتورردم ؛
اويلە بريرە كوتورردم كە اورادە يالەكز طبيعتلە قاليردق .
دكزلە ، سما ايلە ، صحرا ايلە قاليردق ... سادە ايەكز
قاليردق ...

اورادە ، يالەكز ، اورماندە باپراقىرلە ايەكەين مەھور
روزكارك ، اوزاقدە دالغەلرلە دوكونن مەھوش دكزك ،
كوكدە شەمشەكلىلە كورلەين خەشەين يىلدىرمك سەيىلە
قاليردق ... سادە ايەكز قاليردق ...
سادە ايەكز ، اونوتىش ، اونوتىش ، ھەردلو قىددن

آزاددە ايکى موجود كې ياشاردق ، ايلك انسانلر كې
 ياشاردق . بىم اولسەيدك فلاكتلرينە ، مرارتلرينە ، آفتلرينە
 تحمىل ايچون قوت بولور ، حياتك سېنى آكلاردىم ؛ بىم
 اولسەيدك حياتى سوردىم .

۱۳۱۴

قیثدن صوکره

هفته لرجه سورن الیم و ماتم آلود قیش کونلرندن
صوکره لقای شمس ، برکون بردن مست و مخمور ، تلاء لؤ
ایدر ؛ اوزمانه قدر ملول و غمکین طوران سما بردن
نامتناهیلک لرینی عرض ایدیزک انسانلری صاف ولاجورد
خولیا یه ، عشق و وصاله دعوت ایدر ؛ بهار بتون شو
خلقلری ، بتون شیدالقلری ایله سرمست نشئه و خنده در .
اوزمان اوطه لرده غربق مالال قالمش انسانلر درین
براشتیاق حیات ایله طیشاری فیرلارلر ؛ هرکسک کوزلرینی
ذوق حیات نازلی تبسملرله اوپر ؛ اک ملول قلبلرده بیله
امید تیتره ؛ هرکس بربرینی شن ، مسعود ، کوزل

بولور ؛ بتون قادینلر شوخ ، نفیس و کوزلدر .
 اوزمان بن بونلرک آره سنه کیره رک الم طوپالارم .
 چونکه قادینلر ، یعنی امیدلر ، هیج-انلر ،
 معاشقه سز سویورم ؛ چونکه بتون قادینلری بردن ابتلا
 ایله سویورم ، و باشقه لرینک برقاچندن چکدکاری محرومیت
 الم لرینی صانکه آری آری هپسندن چکیورم . بر نظر لر یله
 صانکه بتون بر حیات یاشیورم ، و بونظر دن اویانجه کندمی
 ینه یالکز ، یالکز ، وابدیاً یالکز اغه محکوم کوریورم .
 و بهاردن قاجیورم ، اوندن قورقیورم ؛ زیرا بتون
 کوزل شیلردن آلمش یاره لرم اوقدر چوقدرکه تعدادی
 قابل دکلدر ؛ بو اوزون و یالکز قیشک و یردیک مالادن
 صوکره روحم بتون اشتهاق تهیجیله بهار حضورنده
 اوقدر تحسس ایدرکه تحمل ایدم ، قورقارم که اوزمانده
 نیم شتای آمالم الم شکنده تزه ایدر .

زیرا قادین اولماز سه بهاری نه باپمالی ؟ سمالری ،
 دکزلری ، قیرلری ... بتون بو کوزل شیلری ... نهایت ،
 بو حیاتی ، بو اوزون حیاتی نه باپمالی ؟

ابدیاً سن : ابدیاً

بتون کوزل شیر ، الیم ، مقاومتسوز برانجذاب ایله
بنی موته سوق اییدیور ؛ بدبختلرک زبون حیات قالدیقه
طویدقلمری اولوم آرزولرینی بن حسن وسعادتك حضورنده
حیران ومشتاق ازلدیکم زمانلر حس اییدیورم ؛ حیرانانغم
یاواش یاواش آغ-یر برحزنه ، ازیحیی برحزن والمه منجر
اولیور ؛ صنعتك ، طبیعتك بنی مدهوش ایدن کوزلابکلرینه
فارشى بنی مست مالل براقیور . نحسسم او قدر شدیدکه
المه تماس اییدیور . ایشته بونک ایچون بو آرزولره حیاتی
اک چوق س-ودیکم زمان دوش-یورم ، نشئه لرم اولوم
آرزولریله بیتاب پرواز قالیور .

فقط مههم آرزولر ، عصرلردن بری ارضه آئجق
 واصل اولان ضیای نجوم کی صانکه نامتناهیلاکدن کلن اوزاق
 آرزولر ، صانکه ایلاک جدمده باشلا یوب بتون اجداد مک
 تعب و خمرانندن بریکمش مغموم آرزولر : ایشته بونک
 ایچون بتون سعادتلرم یورغون ، ملول و معلول اولیوره
 چونکه ، آه چونکه سن یوقسک سن ؛ وسن
 اولدجه بتون بو کوزلاککار ، حیاتی سودیرن ، یاشامق
 ایچون نهایتسز املار ویرن کوزلاککار بنی خراب کسلان
 براقیور ؛ سن ، سن که کیم ونصل اولدیغکی ، نرده
 بولوندیغکی بیلمدیکم حالد هپ سنک ایچون یاشیورم ،
 هپ سنک ایچون ، سکا لایق اولمق ایچون اوغراشیورم ؛
 سن که نه وقت کله جککی بیلمدیکم حالد بتون حیاتم
 ظهور که برانتظار الیم و مؤبدن باشقه برشی دکل ؛ برکون
 کله جککی ، و بنی سوه جککی ، کندکی براشتیاق شیدا ایله
 بکا س-ودیره جککی بیلیورم ؛ فقط کیورسک ، حالا
 کیورسک .

آراق انتظارلرم عمیق فتورلرله ایکلیور . نشئه لرم
 ملول و شکسته بال ، هپ سنی بکیورم ؛ سنی ، هپ سنی ؛
 بتون حیاتم سنی ، بتون آمالم سنی ؛ وسن کیورسک ،

حالا کلبورسك. يوقسه کليه جكميسك، هيچ کليه جكميسك؟
يوقسه هيچ کليه جكميسك ده بوني حس ايتديكم ايجونمى
اولمك ايسته نورم؟

قادين احتياجي

— كندينه —

بر احتياج ، درين ، مقاومتسوز ، ظالم بر احتياج ،
اله كچمسي محال اولان بر قادين احتياجي روحى ياقبور ؛
بر قادين ، قلبمك بتون ياره لرني صاره جق نازك اللرله ،
غير قابل تسلى ماتلمرى اونوتديره جق حرارتلى نظرلرله ،
روحك بوجوف ملانى طولديره جق رقيق بر قلبه - اله بر
قادين ؛ بر قادين كه بتون خراب اولمش كنجلكمه صميمي
ياشدرله اغلاسين ، ديزنده حياتمك بتون المريني اغلايه -
بيلهيم ؛ بر قادين كه بويالانجي وعدلرك ، اغلايان امللرك ،
آه ايدن اميدلرك ماتلمريني شفقت و صداقتي ايله تسلى
ايتسين. بوو فاسز ، بو قابسز قادينلردن ، حتى عشقلريله ،

حتی وفالریله بیله زهرلی یاره لر آچان ، شـبابمک بتون
حرارت و پرستشی سوندیرن بوقادینلردن کلن مرارتلرمی
کوکسنک اوستنده اغلایه اغلایه اونوتهیم ...

بویله برقادین احتیاجیله بتون کنجلیکم ایشته محو
اولیور : اولیورم . برقادین که بر همشیره اولسون ، بر
زوجه اولسون ؛ یوق ، یوق بر والده اولسون ، بر
والده که هرشییله برقادین ، فقط قلبیله ، وفاسیله بر
والده !

بیم قلبم

قلبم بر رباب کیدرکه روح نامتناهی تلارنده ایگر ،
اونوتمش ، اونوتولش ، کیمسه سز ، قیریق بر رباب ؛
یالکز اولدیغی ایچون نالان ، اوکسوزم دییه پر ماتم ،
اوقدر حساس وخته بر رباب که اک خفیف نفخه لرله
بيله پریشان اهتزازدر : اوقدر غیر محسوس اهتزازلرکه
هیچ کیمسه طویه ماز ، صانکه کیزلی آهله ، مست و ملول
تلارنده غمخور و کریان آهله ...

بکا اويله کلیر که بویه یالکزجه صیزلایان کدرلر ،
مشتاق ترنمکن اهل ایدلمش ربابک بو زوالی محروم
املری ، بو آتشین اشتیاقلرله نغمه لره ، ارتق تلارنده

تغنی ایتمین نغمه لره آه ایدیورلر ، اونلره حسرت
چکیورلر ؛ تیترده تیترده ، شیدا شیدا برچوق نغمه لره ،
عصبی قادین پارماقلریله کولن ، اغلایان ، اولن ، اولدیرن
نغمه لره ...

ایسته یورم که بو پارماقلرک ، پرهوس ، بلور ، نور
پارماقلرک اره سنده قابم اسیرانه ، مسحورانه ، مدهوشانه
بر او یونجاق اولسه ون ؛ تحکملرله بیتاب ستم ، جفالرله
مسعود سرزنش ، اغلا سین ، صیزلا سین ؛ حتی صوک بر
شهنه نالشله قیرملق ، پارچه لانیق محقق اولسه بیله عصبی
پارماقلر ، عصبی قادین پارماقلری التنده کوان ، اغلایان ،
اولن ، اولدیرن نغمه لره ایکه سین ... بلکه روحم بو
تللرده بتون المرینی مسعودانه صیزلارکن اونک روحیله ده
لب بر لب امتصاص اولور ؛ بلکه اوزمان تغنسی هنوز هیچ
بر بشره میسر اولمیان لحن عشق و ابتلا یله بنم قلم ایکلره

قله اوپاترا

مادام ق . ایچون

— علی سعاد بکه —

قله اوپاترا ، مصر قدیمک بولوند وحتشم ملکه سی ،
مغلوب ملال اولدینی کیجه لر مشفق و حار اسیرلرندن
برینی بتون لطفلریله ، جدا سور کی مست و مدهوش
ایدر ، و صوکره ، صانکه بویله بر کیجه دن صوکره
کندندن ایری یاشامق نصل بر اشکنجه اولدینی بیلیر
کبی « بنم ایچون ، سوه سوه دکلکی ؟ » دییه کندنی الیه
زهرلر مش ...

کل بنده سنک اسیرک اولایم ، آه ای دابر ؛ سی
مدبب آرابه لر کده لوند و انفس کوردجه ، بیکانه نظر لر کاک

آنی نورلریله یاندیغم ثانیه لر روحك انجذاب بیتابانه ســنده
 اــســیرانه بر توکل وار ؛ بنم ایچون او قدر اوزاقســك که
 قله اوپاترا قدر یوکسکسک ؛ او قدر یوکسکسک که امللرم
 بیله او قدر ترفع ایده میور ، سکا یتشه میور ؛ مشتاق نور
 وزری اولدیغی زهره یه یتشمک ایچون چبرینه دقدن ،
 چارپندقدن صوکره قانادلی قیرلمش طوپراقلره سریلان
 بر قوش کبی ساده کوزلرم ، بیگانه اولسون بر نظرکه ،
 باشقه سنه عطف ایدلمش بولونسون بر نور ابتسامکه تصادف
 اندیشه سی ، فراری اولسون بو نظرله یانمق اشته یاقیله
 ساده نظرم یوکسه لیور ، ساده نظرم کوزلرکه قدر
 یوکسه لیور ، وساده صاچلرکی ، بکامصرک اولوند و محتشم
 مــلــکه سنک تاجنی یاد ایتدیرن بوا کللی کوره بیلورم .
 اواسیرلر اوتاجک چیقدیغی یرده بر کیجه بولونمق
 ایچون جانلرینی ویررلرمش ؛ کل ســنــده بنم قله اوپاترام
 اول ، بنده بو صاچلرک چوزولدیکی یرده بر کیجه بولونهیم ،
 واسیرک اولایم .

لاغر ان ويا

مادام و . ايچون

يورغون ، بوتون ليال عشقك بقيه نشوّه مخموريه
يورغون بر نظر ، سرمست وشيدائيه لر وعد ايدن مسهوف
تحسس كوزلرك كولاكه لي نظري ... بوس-ياه كوزلرك
محرقتلر نده اويله بهم بر معنای دعوت وار كه سني
كوردجه روحم بوس-ياه دعوتلرله رعشه دار احتراض
قالور .

مادام كه عشقك تأديه اولونيور ، نه قدر يوكسك
اولورسهك اول ، بنده ، سینه سمبر كده بنده بر كيجه ،
بوتون بر كيجه ، اوزون بر كيجه اويومق ايستردم ؛ فقط
بنم بواش-تياق وعشقمله ، سني بوتون وجود وروحكاه

ایسته یین آتشمه سنک هیجانسنز انک ، سنک حرارتسنز-
 لکک ، بونلر ، بو عشقسنزلقلر بنی اولدیرر ! قلبکی تهزیز
 ایدمه دن سنی سونلر ، سکا ساده پازه ویره کله نائل اولانلر
 ایچون نشئه لک نه قدر بارد ، یالان ، دراغوشلرک نه قدر
 راستکراه ، بوسه لک نه قدر یورغون ، پر خواب اولور !
 فقط بو کوزلر ، فقط آه بوسیاه آتشلرله یانان مظلم
 کوزلر ، بونلرک مسهوف تحسس کورونن متلاشی
 ظلمت لری ... بونلرک محراقنده بولوندجه نه اولورسه
 اولسون بنده بو ظلمت لره بو غولمق ، بنده بو آتشلرله
 زهر لیمک ، بنده برکیجه بو کوزلرله سرمست آلام قالمق
 ایسته یورم .

یاسنده سوسهک ، یاربم ، یاسنده بر سوسهک ...
 اوزمان ، کور یورمیسک ، اوزمانی دوشوندجه وکدیمه
 باقوب روحی کوردجه قورقیورم ؛ وحشی برکیجه
 فیرطینه سی کبی اورانک ظلمتدن ، ظلمت متهوره سندن
 قورقیورم : مادامکه اسراف وسفا هتکه ثروتلر یتشه میو-
 رمش ، سکا دایما مالک اولمق ایچون اطرافنده کی غدار
 اوچوروملره سفیل برغدا اولمقدن قورقیورم .

خایر ، کیت ، کیت ، ایسته مم ؛ ادای بیتابیلره روحی زیر

وز بر ایدن سسکه کیت ؛ محترص بردراغوشدن چیقمش
 قدر نالان غرام مشوارکله کیت ؛ سنی ایشتمیهیم ، سف
 هیچ کورمیهیم ، وسن ، ای موسقی ، آه ای موسقی ،
 سنده صوص ... حیاتمک اک مسعود عشق برکیجه سنی
 اخطار ایدن نغمه کله ، بولاغران ویا ایله روحک فیضان
 ایدن حرارتلرینه ، شعرلرینه بحران وهیجان ویرمه ...
 زیرا کندمدن ، تحملمدن شبهه ایدیورم ، زیرا بوقادین
 ایچون هرشیئی باپویره جکمدن ، متسانمدن قورقیورم .
 شمدییه قدر طوتدبغم خط حرکتک سلامتندن ، انسا-
 نلمغدن شبهه ایدیورم ... صوص ، زیرا ، باق ، تتره-
 یورم ، زیرا باق ، اولیورم ... اولیورم ...

ھارپ

بررسم ایچون

یوق ، یوق ، یمین ایدەرم کہ باشقە برشی ایستەمم ؛
نارین وجودک ، بیضی چەرەک ، شوخ صاحبەرکە ، بونلرک
فوقندە پرواز ایدن اثیر ایتساکە او قدر مافوق الاملسک کہ
ایستەمم ؛ فقط بوتون بونلرلە اوکا ، او آرتق بی سومینە
او قدر بکزییورسک کہ بکا اونلکە براکده کچن دملری ،
اومائی سمالر آلتندە ، مقمر دکزلرە قارشى ، سەکون
آلود قورولرده نغمە ساز اوله رق کچیردیکمز دملری ،
اومسعود دملری یاد ایتدیردک .

سندە بونوردن پارماقلرکک لرزش رقصیلە ترانە دار
برھارپ اولدینی کبی اوندهده بنم قابلم واردی ؛ بوتون

قابم ، بوتون بوشیمدی ازیلن زواللی قلم اونک الده
ایدی ، ومائی سمالر آلتنده ، مقمر دکزلره قارشى ،
سکون آلود قورولرده کز رکن باشى اوموزلریمه ديار ،
کوزلرینی ، اوکوزل کوزلرینی کوزلریمه دیکر ، الی قلمه
قویهرق ترنه باشلاردی : قابم ، وعشقم باغین باغین اوکا
نغمه لر ، اوکا مسعود ، پردوق ، شوخ نغمه لر الهام
ایدردی .

هارپ سنک بونوردن پارماقلرکک بوسه لریله ، چیلغین ،
رقصان ، خمور بوسه لریله ایندار افتراق اولدیغی کبی نیم قابم ده
اوندن جدا دوشمکدن او قدر تتره ردی که کوزلرینی ،
اوکوزل کوزلرینی تبسمه لرله دوداقلریمه بخش ایتدیکی
زمان عشقم بنی موسوس ایدردی ده آریلیرز دییه
اوپه مزدم . صوکره برکیجه اومائی سمالر آلتنده ، مقمر
دکزلره قارشى ، سکون آلود قورولرده یالکیز ، یاپ یالکیز
قالدم ؛ او آرتق کلدی ، و آریلیرز دیه < کوزلرندن
اوپه مشدم .

فقط شیمدی ، آرتق شیمدی که ایشته سکا راست
کلدم ، شیمدی منسوب اولدیغک حسن مجرد نامنه
قادیغکی اونوت ، کل شاعر اولده آریلیرز دییه اوپه مدیکی

کوزلرک خاطرہ سیلہ مایوس برقابی مسعود ایت! آیاقلرکک
 آلتندہ کی قبلرہ می یاقیورسک؟ ناشکی قالدیرده کوزلرکی
 کورہیم . یوق ، یوق ، یمین ایدہرم کہ باشقہ برشی ایستہیم؛
 نارین وجودک ، بیضی چہرہک ، ش-وخ صاچلرکله ،
 بونلرک فوقدہ پرواز ایدن اثیر ابتسامکله اوقدر مافوق-
 الاملسک کہ ایستہیم...

فقط آہ ای کوزل قادین ، اگر کوزلرکده اونک
 کوزلرینہ ، اونک اوکوزل کوزلرینہ بکزییورسہ...
 اونک کی-لرینی اوپہمدم ، فقط سن کل ، ش-وخ ودلباز
 اولده مساعده ایت ، سنک کوزلرکی اوپایم ، وبوس-فر
 اولہیم...


خیالک

بعضاً کونلر، برچوق کونلر کچوردن خیالکی کورمک
ایچون ذهنی اوقدر یوردیغم حالدن هیج برشی، خایر،
نه کوزلرک، نه دوداقلرک، نه صاچلرک، هیج برشی بنی تلطیف
ایتمور؛ کویا سن یاشامامشسک، برقاچ آی حیاتکی بنده
برابر کچبرمه مشسک، نظرمه بریادکار براقامشسک کی
هیج برشی بنی تلطیف ایتمور.

صوکره ناکاه، برثانیه، هیچ اومولماز برثانیه کلیور،
بتون وجودکله، حتی بتون سحرلرک، بتون تبسملرک،
بتون غمزه لرکله تجسم ایدیورسک؛ کوزمک اوکینده
یاشیورسک، سنک حضور حرارتکده اریورم.


بوئانیه لر عجیابن عقلمکه کلدیکم نانیه لر میدر ؟ اکر او یله
ایسه آریلیرکن ویردیكك وعدلره رغماً بنی نه قدر ، نه قدر
آز دوشونیورسك ای کوزل قادین ؟

۱۳۱۳



عش

— جلال ساهره —



هجران امل

دها هیچ ، هیچ برشی ، دها هیچ برشی یوق ، ساده
برقاچ نظر ، ساده برقاچ تدم ، فقط روحم ، فقط حیاتم
بتون سنک ، بتون سنکله مشغول ، بتون سنکله معطر...
دها هیچ برشی یوق ، خیالک بیله بنم دکل ، خیالکله
بیله حقم یوق ! فقط روحم بتون هجران ، بتون هجرانله
مالامال ، بتون هجرانکله مسهوف و متحسر...

خیالک بیله بنم دکل ایکن بنی سوسه کده بنم اوله ما -
یه جفک ، بنم اولسه کده یینه غائب اوله جفک هجرانیه زهر
آلود ، بوقدر بیکس سعادتك بیله سینه سنده آجی بر
هجران وار ، بر هجران امل ، سنک املکک هجرانی ،

سَنَك هَجْرانَكك آتشی ... — فقط باری بیلسه-یدك ،
 امیدسنز ، املسنز بیله سَنَك ایچون ، مضطرب و زبون قالان
 برروح پریشان ، بر حیات مجروح اولدیغنی اولس-ون
 بیلسه-یدك ...

آجی ، پر هجران ، فقط ینه برتس-لی ، ینه همان بر
 سعادت اولوردی .

بر مسامره دن صوکره

شیمدی نور وذهب ، شیمدی ظلال و ظلام...
شیمدی ضیا ، شعر ، حیات ... شیمدی کیجه ، سکوت ،
وحدت ... شمدی قادینلر ، ارکیکلر ، نشئه ، خنده ...
شمدی ، شمدی هیچ ... شمدی بن ، ساده طبیعت و بن ...
شمدی اونک خنده لری ، غمزه لری ، اوخ ، اوزاقدن ،
ساده بر تصادف نظارله روحی تنویر ایدن تبسملری ، بلکه
بکا دکل فقط روحی تنویر ایدن اوتبسملر ... شمدی
سکون ، ظلمت و خواب ... اونسزلقلرمله بن ...
ساده بن ...

کیجه طوروله طوروله تصلب ایتیش دکزیله ، اویویه

اویویه اولمش ساحلیله ، دالغهلانه دالغهلانه غائب اولمش
 سماسیله قارشیمده ، تیتړه انوارنجومیله پرتم ... دالغین ،
 محزون باقیرکن کوزمه ایلیشن پارلاق برستارده ینه او
 تبسملرکله ، کوزلرکک نورجوالیله ، صاچلرکک بلوطیله
 سنی کوردم ؛ عجبا سنده می یالکزدک ، وعجبا سنده می او
 اوستاره یه قارشی بنی دوشونیوردک ؟

کیره ج بروننده

ساحلده هیچ کیمسیه راست کلیه رك ، يالكلزلقندن ،
قراكلقندن ، روزكاردن محظوظاوله رق تا كیره ج بروننه
قدر یورودم . کیجه اوقدر سیاه که دكله سـوا حلك
اهوال ظلامنه قاریشه رق هرشی یكپاره برظلمت اولیور .
متهور برقراكلق ایچنده کوپورن عصبی روزكار ، وحشی
برغضبله دوكونن دكل کیجه ایله متهورانه دیدینیورلر ،
اوقدرکه بتون موجودات انسانه متهور و سیاه بر دیدیمنه دن
عبارت کورونیور . اوزمان بر بوشلق ، برسیاه بوشلق
حسی وجودی بررعه شه هراس ایله استیلا ایدیور ، صانکه
عدم محسوس اولیور ...

فقط روحی سرمست النفات ایدن اونظر واركن

عدم ، الم نه اولیور ! بن عناصرك بوم صار عسی ایچنده
 سکون سعادتمی صانکه قطره قطره طاتم . سن عدملر
 احساس ایدن ظلمت لکه چارپین ، چیرپین ای دکنز ،
 روحده تبسم ایدن اونظرك اوکنده یمین ایده زم که عدملر ،
 الملر عاجز قالیر ، سکوت ایدر .

کوزلرک برهما که

کوزلرک برهما که بلوطلو ، صابکه روحکی ، بوسمانک
کونشنی کورمکه مانع اولان اسداد سحائب ایله پرظلال ؛
سفی ساده اوزاقدن کوررکن زندانلرده تترهینلرک حسرتله
سمایی هپ کونشلی دوش-ونملری کبی کوزلرکی روحسز
تصور ایده مزد م . سویله نیچون اونی صاقلادک ، روحکی
نهدن صاقلادک ؟

برقرنفلمده کی او محزون ابتسام شوخ ، اونیم
سرزانله ، اوبوی پریشان ایله پرخم تبسم ، ایشته تبسمک ...
اوقدرکه دوداقلرک برقرنفلمدر دنیلیر . فقط اوتبسم
معصوم برژاله کی رعشان شمس ونور دکل ، هپ بلوط ،
تبسمکده ، نظرکده هپ بلوط !

أوت ، بتون بلوط ، هپ بلوطسك ؛ بوكوزلرك ،
 بودوداقلرك ارقه سنده بنی بختیار یاخود مایوس ایده جك
 بر فلسفه حیات اولدیغنی دوشوندکجه « آه کورسه م ... »
 دیورم ، « بوكوزلرك کونشنی کورسه م ده لازم کلیرسه حتی
 اولسه م ... » دیورم ؛ بنی سودیککی ، هیچ اولمازسه
 سومك ایستدیککی کورسه م ، بیلسه م که بنی ایسته یورسك ،
 بونی بيلمك اوقدر فحیيع اولسه که اولسه م ...
 فقط هپ بلوط ، بتون بلوطسك ؛ تبسمکده ،
 نظرکده بتون بلوط ! نیچ-ون هپ بلوط ، نیچ-ون هپ
 کولکسك ؟ یوقسه روحك ده می پر ظلال ؟

برنجم امل

• ءبء ظن اولئان اوزون كىجهلرك سـىنه ظلامندن
نور وزرى ، بتون زىب وحشميله اوزاق بركونش كى
مشعشع طلوع ايدن زهره نك انفلاقى كى هپ بلوط اولان
كوزلركك اعماق ظلالنده بعضاً برنور تتره يور ؛ بكا
باقاركن نظر كده برنجم ، برنجم امل تبسم ايدور .

ودكز موجوديتندن نصل سما ايله خبردارايسه ، نصل
نور وزر ايچون اونك الوان وانوارينه متحسر ومفتقرسه
مسعود ياشماق ايچون سنك نظر كه محتاج اولان روحم
ايچون بولرزش نور ، نه قدر مبهم ولرزان ، نه قدر غـير
محسوس اولورسه اولسون ، بركونش شمشه سيله رخشان
امل كليور .

فقط آہ بیلسہم کہ بنور وزر صحیحدن قلبہ کدہ کی
کونشدندر ، و بنم ، سادہ بنم ایچون تبسم ایدیور ، آہ
بربونی بیلسہم ، بو بنم ایچون تیتہین نجم امل روحمدہ
مہتا بلر حاصل ایدہ جک ، پر نور و مزہر ، مخمور وزرین ،
لا جورد و مؤبد مہتا بلر ...

لأنه تلاقى

باشقه لرى ، بلكه دها بختيار ، كوروشمك ،
عشقلىرىدىن ، سعادىلىرىدىن ، امللىرىدىن ، امللىرىدىن بىر
ايتىك ، برابر كوز ياشلىرى . بىر حسرتلىرىنى تداوى
ايتىك ايچون ، مستى عاشقانهك الهام ايدىجى . بىر
چياغىلىقلىرىنى بىرلىرىنى تودىع ايدىرك مسعود اولمى ايچون
كىزلى ، خصوصى يووه لىر بولورلىر ، بورالدى ساعىلرجه ،
بىضاً كونلرجه اب بىرلر امتصاص ، قورقۇلۇچى ، مانع
عد ايدىلەجىك كىمىسە لردن اوزاق ، اونوتىش اونوتۇلمىش ،
سادە قىللىرىنىڭ سادىسىنىە منقاد ورام ، سادە روھلىرىنى
دىكىلەرك ياشارلىر ، او آندە بىتون حىيات وكائىنات اولىر كدر .

بز ، آه بدبختلر ، بز ... بز جدا ، بز بربر مزدن
 جدا ، نصل سودیکمزی ، نه قدر چوق س-ودیکمزی ،
 نه ایسته دیکمزی ، نهایت عشقمزك بتون زوالی خولیا لری ،
 سفیل المارینی ا کلاتمق ایچون تلاقیدن ، تلاق امیدندن
 جدا ، بز هراس-طه دن محروم ، هر چاره دن اوزاق ...
 کونلر ، هفته لر کچ بورده قلبی یاقه رق س-کا سویلنمک
 ایچ-ون روحمن طاشان س-وزلری ، تعزیز و پرستش
 کله لری ای-کات ایدیورم ، ساده اوزاق بر نظرله کوروشه -
 بیلرک ، اوزاق ، محروم ، جدا ...

خایر ، هیج بر زمان ، نورم ، بر نظرله ،

ساده بنم اولدیغکی س-ویلدکن ، بر ثانیه لک بر نظرله بنی
 او بر تصادفه قدر امیدله یاشاتان غدا ی سعادت ی ، بر الحده
 کونش-لری ، جهانلری ، بتون نامت-اهی بی ویردکن
 صوکره ... لیکن بزم لانه تلاقیمز ، ایسته سنک کوزلرک ...
 آه اونک بکا بتون بونلری بخش ایدن نظرلری اوکنده
 روحمن نصل مقاومه تسوز بر آرزوی فریادک یوکسلدیگکی
 بیلسهک ... بیلسهک او نضرره نصل پرستش ایدیورم ،
 اولانه تلاق بی نصل تعزیز ایدیورم بر بیلسهک ...

سن

ی اوزاق ، اوزاق بر ماضی اولان محرومیت
 حیاء... وسکا اوزاقدن هر شیئه معطوف نظرک ایچون
 بیله پرستش ایتدیکم بر زمانده بکا امید واملله انعطاف
 ایتمه باشلایان نظرلرک روحه مقاومتک خارجنده سعادتلر
 ویرمشدی؛ فقط شیمدی سندن اوزاق برکون بیله یاشایه میورم،
 حتی نظرلرکک وعد و تبسملریله روحده مهتابلر وارکن
 بیله سنسز ، بر ساعت سنسز یاشایه میورم . نینه سندن
 جدا قالمش بر شیرخوار کبی سنک نظرکدن محروم قالدیجه
 ینه او ماضی ظلمتته ، روحده هنوز شمس آمالکک
 نوروزری تموج ایتدیکی ظلمت و کردابه سقوط ایدیورم .

کیتـدجـه اکلایورم که بر آن اوله جق بکا هیـیـچ برشی
 کافی کلیمه جک ، برکون اوله جق که ساده سن لازم اوله جقسک ،
 بروجوده بر حیات کبی ساده سن لابد اوله جقسک ؛ سن ،
 حیات وروحکله سن ، بتون سن ... شیمدی محروم
 اولدیم نظرلرکی موقت بولدقجه دائمی اولسون دییه جکم ؛
 دائمی اولسه ، سسکی ، نفسکی ، رایحه کی ، صاچارکی ،
 نهایت سنی ، بتون سنی ایسته یه جکم ؛ وایسته یه جکم که
 مؤبدآ بنم اولاسک ، مؤبدآ ومنحصراً ...

بنم عشقم

بنم عشقم، بوندن خبردار اول، اکر ناچیز بر میلک
اولون وارسه بیل که، بنم عشقم مظلّم، خائن، مفتّرس
بر آشدر، بر آتش که بنی هرثانیه یاقدینی ایچون سنک
بتون ثانیه لر که وارنجیه قدر، حیاتی کاملاً ایستر؛
بنم عشقم ظالم، قیصقانچ، خودکام بر کیندر، بنی اک
آنی فکرلر مه وارنجیه قدر ضبط و قهر ایتدیکی ایچون
سنک ده اک غیر محسوس فکرلر که وارنجیه قدر شدتله،
شدت و انحصارله مالک و صاحب اولمق ایستر؛ ثانیه لر که،
نفسلر که قدر، نفسلر که، نظرلر که قدر، تعداد ایله،
انحصار ایله مالک اولمق ایستر؛ بنم عشقم بر فاجعه،

برهائله ، بربادردر ، بنم حیاتی یاقوب قاووردیغی ایچون
سنک ده حیات وروحکی قانله بیله ضبط و تسخیر ایتک
ایستر .

اوت ، بنم عشقم ، بویله رجالره ، اسارتلرله ،
منتلرله ، بتون فدا کاراقله باشلار ، او یله باشلار ، و او یله
بیتر ؛ سندن باشقه کائناتده بنم ایچون هیج برشی ، هیج ،
بر ذره ، سکا عائد اولمقدن صو کره بر ذره قالماز ، فقط
بر عشق که پک چابوق برقان اولور ، سونجه اولوملره قدر ،
اولونجه یه ، اولدیرنجه یه قدر سوه رم ... ایشته بنم عشقم !
بنمله بو ظلمتلره ، بو آتشلره ، یاخود بوفضایه ،
بوانواره کیرمک ایچون روحکده وسعت ، حیاتکده قوت
وارسه ، پکی ، اسیرکم ... فقط بیل که سنده بنم
اسیرمسک ...

شوځ

فقط آه اکر ساده بر شوځ ايسهك ... عشق
سنگ اونازك اللركده ساده بر اكلنجه ، بنم ايچون بر
نظر كله باشلايوب اولومله بيتهجك قدر فاجع ومظلم اولان
بو عشق سنده يچاره بر اويونجاق اوله جقسه ... اکر
ساده اکلنمک ايسته يورسهك ، بر خندهك نه چابوق بر
جريحه اولاييله جکفی بيلده عشقمزه آجي ...

اکر اويله ايسه ، اکر اويله اوله جقسهك ، سفيده
براقق می لازم كلهجك ، سنده می کيده جکسهك ؟ آه
سنده می حياتمه ساده آجي بر خاطره ، تصادفك كيفنه
کلن بر رؤيت منسيه اوله جقسك ؟ سنده ساده بر

ماضی اولما که قاجم تحمل ایتیم یور. اکر بو صحیح ایسه ،
 سنک ده عشقک شوخ و قابسز بر شیسسه ، آه قاج ، بندن
 قاج ، سنی کورمیهیم ، اولهیم ده کورمیهیم ، بتون بتون
 حیات وروحم اولمادن سنی اونوتهیم ، ویردیکک عشق
 بر جریحه ، ناقابل التیام بر جریحه اولمادن قاجهیم ،
 بربرمزدن قاجهلم ...

یاخود ، یوق ، زمان طورسون ، سن بی سودیکک
 قدر زمان طورسون ؛ یا هیج بر شی اولماسین ، هپ
 سنک نظرك ، هپ سنک عشقک اولسون ... یاخود ،
 اولوم !

ترانهٔ سعادت

بَنَمِيسْكَ ؟ اَرْتَقْ بَنَم ، مَنَحْصَرَا بَنَم ، اَبْدِيَا بَنَم ...
آه صَحِيحْدَنِي بَنَمِيسْكَ ؟ سَوِيلَه سَوِيلَه ، بُونِي تَبْكَرَار اَيْت ،
فَقَطْ سَادَه كُوزْلَرَكَلَه دَكَل ، اَرْتَقْ دُودَاقْلَرَكَلَه دَه سَوِيلَه ،
قَلْبَكَلَه ، اَرْتَقْ كِنْدَكَلَه دَه سَوِيلَه ... اَوْقَدِر بَنَم ، كِيْمَسَه نَك
اُولْمَدِيغَك صُورْتَدَه مِي بَنَمِيسْكَ ؟

سَن بُونِي سَوِيلَدَكَلَه ، اَوْقَدِر زَمَان سَادَه سَاكْت
وَجَامِد طُورَان دُودَاقْلَرَك بُو سَوُوزْلَرِي تَبْكَرَار اَيْتَدَكَلَه
اَغْلَامَق اَرْزُوسِيلَه بَرَابَر رُوحَه خَنْدَه لَر ، نُورْلِي خَنْدَه لَر
طُولِيُور ظَن اَيْدِيُورُم . سَنَك دَه بَنَم اُولْدِيغَكِي دُوشُونْدَكَلَه
كُومَك ، اَغْلَامَق ، چِيلْدِيَرْمَق اَيْسْتَه يُورُم .

هیچ کیمسه بیلمدیکی ، شبه ایتدیکی حالد سـاده
 بنم ایچون یاشادیغکی ، اک بیوک ذوقلرک ، سـعادتلرک بکا
 عاند شیلردن حاصل اولدیغی ، کیزلی ، بتون جهانندن
 کیزلی بر سرمرز ، بر عشقمز اولدیغی ، سـاده ایکیمزک
 اکلا دیغمز نظرلر مزده بر ثانیه ده بر بر مزه نصل وجدانکیز
 شـعرلر سـویلیه بیلدیکمزی ، بونامتناهی کائناتده هر شیئی
 عشقمزه نه کوزل فدا ایتدیکمزی دوشـوندکجه انبساط
 روحه مقاومت ایده میورم ؛ بتون دنیا بزم عشقمز
 ایچون وجود بولش کبی کلیور . سـعادتک النده عجز
 وغرورله اغلامق ایسته یورم .
 آه بنم ایچون نصل بر لانه امل اولدیغکی بیلسهک ...

بني سومه مشه

بر صباح ، صوك مستی تلاقیدن اویانوبده بوسه لركك
نه قدر حرارتینز ، قولار كك نه قدر كوشك ، قلوبك نه قدر
جامد اولدیغنی حس ایتدیكم دقیقه دن اعتبار آ ، نوازشسنز
پارماقلىر التنده نازك ایپكلر نصل اوزولورسه ، سنك
حسسنز ، سوداسنز ، وفاسنز بوسه لركك التنده بنم بونازك
روحمده اویله اوزولمكه باشلادی .

بن بواشكنجه لردن شكایت ایتدكجه اوموزلركده بر
موج خنده كزه رك « چوجوق ، « دیورسك ، « ایشته
سنكم آ ، دها نه ایسته یورسك ؟ « وایشته بنی بواولدی ریور
آه ای شوخ !

بن حتی بنی دلیجه سونلرک لرزشلریله بیتاب صفا ایکن
 بیله بونلرک کاملاً ، منحصرأ ، ابدیاً بنم اولهمیه جقلرینی ،
 بندن اول سهودکلرینی ، بندن صوکره سهو جکلرینی ،
 وحتی بن اولسه ایدم شمدی بیله سهو جکلرینی دوشونهرک
 زهرانیکن سنک بو حسسنز ، بو سهوداسنز ، بو وفاسنز
 بوسه لرکک التنده بنی نه قدر سهو مدیککی کوره رک آزمش
 ریأس ، آزمش ، قودورمش بریأس ایچنده آجی آجی سکا
 سویلنلری ، اولر ایچون بولدیغک حرارتلری ، غلیانلری
 دوشونیورم : وایشته بونک ایچون ، سندن بونک ایچون
 قاجیورم .

فقط سنی مؤبدأ ترک ایتمدن اول شونی سهویلمک
 ایسترم ، آه ای بنی سومه مش قادین ، سکا شونی سویلمک
 ایسترم که برکون سن ده بویله برروحه وقف آمال ایدرده
 سولزسهک ، اونک حسسنز ، سهوداسنز ، روحسنز بوسه لری
 آلتنده ، بوشمدی کلامدیغک بنم اشکنجه لرمله یانارسهک ،
 بویله آزمش بریأس ایچنده یانارکن بنی دوشون... بنی ،
 بوکون سکا سهولمدیکی ایچون حرارتسنز بوسه لرکدن ،
 جامد قلبکدن اغلایارق قاچان بو بدبخت چو جوغنی دوشون...

تازه بر مزار

هېډنې بېك ناز ونوازشله ، بېك شوق وتهالېكه ،
اك آتښين اشتياق لر ، پرستش لر ، اك نازك اهما لر ،
تيازلرله بويوتير ، بېك منت ، بېك فداكارلقه ، بتون
روحله ، بتون حياتمله بسله رم ؛ نامتناهي بر پرواز شعر
وخيال ايله بر تبسمنه ، بر نشئه سمنه بتون دنيايي وقف
ايدم جك قدر منحصر آسيري ، حياتمه اوندن ، اونك
دوامندن ، اونك كينندن باشقه هيچ برشي قالميه جق ،
هيچ برشي براقيه جق صورتده مملوكي اولورم .

فقط آه صوكره ، صوكره بركون مطلق كوريرم كه
اوده معلولدر ، اونك ده معلول ، اونك ده اميدسز ، شفا سز

متورم اولدیغنی کوریرم ؛ بتون اوبرلری کبی اونکده
 کیزلی ، خائن ، تداوی قبول ایتمین برقرحسی ، تاعقی
 موجودیتده قاتل برخسته انی واردر ؛ واونکده اوله جکنی ،
 اونکده بنی بیک رنج و محنت ایچنده یالکیز و محروم
 براقوب کیده جکنی اکلاقی اوقدر آجی ، تحمل سوزدرکه
 ارتق جانمی فدا ایدرک مجادله یه باشلارم .

حالبوکه هر استمداد من ، هر فریاد من ده امیدسنز
 بر صـورتده یاره لایمقدن باشقه برشی کورمم ؛ بتون
 نیازلرمک ، شکایتلرمک برشی یامدیغنی ، بتون کریه لرمک
 الملمک هپ بیهوده اولدیغنی کورمک ، ارتق مفتور ،
 زبون ، خراب ، اولوملرنده حاضر بولونورم . واولدکاریخیده
 کوریرم ، هر ثانیه باشقه بر حیرانله قیریلهرق ، باشقه بر
 احتضارله ایکیلهرک بتون بتون کیتدکاریخیده کوریرم .

اکورمم ، کیمسه کورمدن ، هیچ کیمسه حس
 ایتدن اونیده یاپ یالکیز مزارینه کوتوریر ، اونیده
 یاوروسنی کومن بر نینه حسرت و آتشـیله اغلایه رق ،
 فریاد ایدرک مزارینه براقیرم ، کورمم ؛ وکیمسه سنز ،
 بدبخت ، بر زمان اوقدر برابر ومسعود یاشادیغمزیره ،
 یالکیزلغمه ، اونسنزلغمه عودت لازم کلیر . آه بوکونلر ،

بو هجران و تخطر کونلری ، عمرمک اک مظلّم ، اک آجی ،
 اک خراب کونلری ، بویکی مزار اوستنده ده اوکسوز ،
 ماتمزه ، ماضی یی اک اوافق اک معناسز سعادتنه قدر
 آیلرجه دوشونوب ، هپسی ایچون بیـک درلو زهرلرله
 فرقتلرله ایکله دیکم ، صیزلادیغم ، اولدیکم اینن و محنت
 کونلری ...

حالبوکه حیاتم هپ بویله مزارلرله طولودر ؛ بتون
 املرمدن ، اک سوکیلی املرمدن بویله جه قلبمده ساده
 برر مزار قالمشدر ، اک سوکیلی املرمدن واک سوکیلی
 املرمک اک نازلیرلی اولان اک قیمتلی عشقلمدن ساده جه
 بویله برر مزار ... مزار ، مزار ، آه نه مزار ، نه قدر
 مزار ! زمان اولورکه بونلرک بویله عودتسز ، مرحمتسز ،
 بتون بتون ییتملرینه قابلم تحمل ایده مز ، هپسی ایچون
 آری آری ، کونلرجه ، آیلرجه اغلارم ، هپسی ایچون
 باشقه ماتم طوتارم .

فقط بوسکون یکی بر مزارم وار ، تازّه ، پک تازّه بر
 مزارکه دهادون کومدیکم اک معزز بر امل ایچون شیمدی
 اونک اوستنده ، ساده اونک ایچون کوز یاشی دوکیورم .

فیرکەتە

یادکاردن بۆت ایتدیکم زمان قویو الا کوزلرکی اویله
سرزنشلی بر نظارله چویرر ، « دیمک عقلکه آیرلق
کلیور ! » دییه اویله شکایتلره کیریشیردک ، او قدر محبتلی ،
او قدر خالص ، او قدر صمیمی ایدک که سکوت ایدردم .
برکون ، سن کیتدکدن صوکره ، یاتاغمده بر فیرکەتەکی
بولدم ؛ وسنک اولمش ، سنده بولونمش بوشیئی چالارکی
صاقلادم . هر زمان سنی بکلرکن بونی آلهرق صفای
وصلتله باقار ، سورددم .

صوکره برکون آرتق کلز اولدک ؛ « دیمک عقلکه
آیرلق کلیور ! » دین مست دوداقلرک حتی ویردیکی

حرارتلری نخطر ایتمدی ؛ بنی آرتق اوقدر سومدک که
 بریادکار بیله براقغه تنزل ایتمدک ؛ وفیرکه تک ، یالکیز او ،
 یالکیز اوبکا یادکار قالدی : زواللی ، چالمنش بریادکار !
 فقط اصل یادکارک ، مفارقتکله بیله بیله براقدیغک
 یادکار ، وفاسز سـودالر آرمـسـنده جریحـهلر طوـپـلایان
 قلبمده آچدیغک یارمدر .

صاچلرک

اگر بویادکاری ، بنی اک چوق سودیکک برزمانده
آجینمه دن کسلمش بوساچلری کندیکی اونوتدیرمامق ،
دائما یاد ایتدیرمک ایچون ویردکسه نه آجی بر غفاتده
بولونمشک ! سکا سویلیرکن بتون کائناتدن واز کچمکه ،
سندن باشقه هرشیئی اهماله ، اونوتمغه او قدر آلمشمدم که
بوکون آجی آجی سنمز قالنججه عشقکک ویردیکی سعادته
کوزمه چکیلن بوردا یلاقیدی قالقه رق بتون موجودات
صانکه اخذنار ایچون بکاشدته کورونمکه ونیچون
اونوتلدقلرینی دائما دوشوندیرمکه باشلادیلر .

اوزمان بن هرکسک یاشایشی کبی یاشامامشم ، بنم

ايچون سندن باشقه هرشي اوقدر غير موجود ايمش ،
 هرشيئي اوقدر اونو تمشم که ايشته بوکون يکرمي درت ياشنده
 مريض برده اغ ، بيکس بر قابله دنيايه يکي گلش کبي اولدم .
 هرذره نظردقتمی جلب ایدیور ، و سنی یاد ایتدیریور .
 لکن هرشي ، بتون موجودات ، حتی هوالر ، کونلر ،
 ساعتلر ، صوکره سیکله ، سندن ایشیدلمش نغمه لر ، سنک
 یانکده سیر ایدلمش ، قونوشلمش ، دیکلنمش ، دوشونلمش
 هرشي ، بتون موجودات سنی یاد ایتدیریور .

اسمم چاغراسه سنک سسکی ایشیدیریورم ؛ نه یاپسه م ،
 نه کورسه م ، نه ایشته م بيک علائقه هپ سنی اخطار
 ایدیورلر ؛ صانکه بتون حواسم سنی اخطار ايچون
 مشغول اوليور ، واوزمان یادکارک ، اوبنی اک چوق
 سودیکک بر زمانده آجینه دن کسالمش صاچلرک حاتمه
 بخش ایتدیکک برقاج مسعود ساعتی ده زهرلک ، ساده بی
 اولدیرمک ايچون ویرلمش کبی کلیور ؛ چونکه بویالکیز
 سنی دکل ، بر زمان بنی نه قدر چوق سودیککی ده یاد
 ایتدیریور .

بکا بونی ویره جاککه نیچون اوزمانکی قلبکی ، نیچون
 اوقلبی ، اوسون ، بنی سون قلبی نیچون ویرمدک ؟

عشقدن صوکره

سـنـکـه قـطـعی اوله رق بوکون آیرلـدق ، فـقـط بـی
مـضـطـرب ایدن بو اوکسوزلکم سندن دکلدر ای کوزل قـادین!
بـی سـنـسـز لـک دکل ، عـشـق مـدـن ، اـمـلـلـر مـدـن جـدا قـالـمـق اولـدـیر
یـیـور . زـیـرا بـن دـهـا اـیـلـک کـور شـد یـکـمـز کـون سـنـک دـه ، عـشـقـمـه ،
رقت شـبـا بـمـک بـو پـاک زاده خـیـال و آـمـالـنـه سـنـک دـه مـادر
اولامیه جـفـکی دـهـا اـیـلـک تـلـاقـیدـه ا کـلامـش ، دـهـا اـیـلـک
کـور شـد یـکـمـز کـونـدن اـونـک مـا تـمـنی طـو تـمـغـه باشـلا مـشـدم .
و جـود لـر مـفـتـرس بـر اـحـتـراص ایلـه دیدینیرکن او ،
عـشـقـم ، بـو هـیـچ بـر زـمـان اـنـیس رـوحـنی بـو لـامـیان زـوالـی
اوکسوز عـشـقـم تـلـاقـیدـن اول او قدر امیدلر امللر ویرن

طبیعت نسوینک رقتہ بوقدر بیکانہ اولمسندن مایوس
 اولہرق منتفر برمرارتلہ « خایر ، خایر ! » دیہ صیزلار.
 بوبر موجوددرکہ بتون اشتیاق و غرامہ قارشى دائماعینی
 قادیانہ ، یعنی وفاسزافہ ، یعنی خیانتہ ملاقی اولمقدن
 بیتاب قالمشدر. دینیلہ بیلیرکہ بن اصل تلاقیدن اول سودرم ،
 وتلاقی بنم ایچون بر مفارقندر .

اوقادینه

بکا بلا پروا اسکی سودالر کدن بحث ایتدجکه روحی ،
نازک ، نازک ، اوقدر رقیق و نازک اولان روحی یاره -
لیورسک ، اوقدر یاره لیورسک که انی اولق ایچون ابدیت
کفایت اتمز .

تیچون ، سکا هنوز معصوم و صاف ایکن ، هنوز
صومله دن نیچون راست کلمه دم ؟ آه اوزمان نه المله
دوغمیه جق ، نه کدر لر بیلنمیه جکدی ؟ حالبوکه سن بونلره
نه قدر ، نه قدر بیکانه سک ؟

سن « آدم سنده ! » دییه طبیعی بر قید سمر قلله ، بلکه
آتش لرمی ، بلکه اشکنجه لرمی کوره رک بر محظوظیت

شـوخانه ايله ماضيكي تشریح ایدرکن بن مقهور و مأیوس
باشمی اکوب دوشونیورم که سن شیمیدی ده ، بن اولماسه یدم
شیمیدی ده اب اغیاره کشاده سینه بوله نه جق ، سن ینه لاقید
وخمور ، ینه بویله ساکن وطبیعی قاله جقدك ؛ نهایت
آکلا یورم که بتون بوشیلر ایچون دوغمشسك !

بو مختلف آغوشلرک بوی بیکانکیسندن نفرت
ایتمک ایچون نه قدر صولمش بولونمک لازم اولدیغی
دوشونیورم ده سنی طانیدبغم ایچون کندمدن ، و حیاتدن ،
و کائناتدن نفرت ایدیورم . آه ای هرکسک اولان حسسز
قادین ، نصل ، نصل اولیورده بولوثلره ، بولوثلره تحمل
ایدیورسك ؟

بن ایستردم که هیچ اولمازسه سقوطک غیر اردای
اولسون ، بوندن مضطرب و متأذی اولدیغی ، نهایت ،
آلام و محنله تصفیة وجود ایتدیگی کورمک ایستردم ؛
فقط سن او قدر لاقید و هوای چیققدك که روحی ، نازک ،
نازک ، او قدر رقیق و نازک اولان روحی یاره لادک ، او قدر
یاره لادک که ابی اولق ایچون ابدیت کفایت ایتز .

سقوط

آه سـفـیل ، نـهـایت اعتراف ایتـمـک ، اوت ، نـهـایت
هـر شـیـئـی سـو یـلـمـکـمـی لـازـم کـلـه جـک ؟ اوت ، سـفـیـلـم ، زـیـرا
بـاقـ ، بـنـی کـنـد کـه نـه قـدـر یـاقـلـا شـد یـر د کـسـه اوقـدـر اوز اقلانـد یـغـمـی
کـور دـم ؛ و بـو کـون کـه اـرـتـق بـنـمـسـک ، بـو کـون اـره مـزـدـه بـر
او چـور و روم و اـر کـی کـلـیـور . او خـ ، دـرینـ ، دـرینـ بـرا و چـور و رومـ ،
خـائنـ بـرا و چـور و روم ...

بـن سـنـک اسـر اـر کـی ، ظـالـمـی ، مـشـکـلـاتـکـی ، عـشـقـکـک
شـبـه لـرینـی ، ظـلـمـتـلـرینـی ، آتـشـلـرینـی سـو یـور دـم ؛ بـن سـنـک بـنـم
اولـمـایـشـکی ، بـنـم اولـمـق اوز رـه اولـوشـکی ، بـنـم اولـمـایـشـکی ،
مـفـار قـسـمـکـک المـلـرینـی ، زـهـر لـرینـی ، یـأسـلـرینـی ، دـار غـیـنـلـقـلـر یـکـک

آجیلرینی ، دیکنلرینی ، یاره لرینی ، نهایت عشقه امین
 اولامایشمی ، بنم اولمایه جفك قورقورلرینی ، المده پك
 حریص پرواز بر قوشك اندیشه لرینی سویوردم ؛ بنی
 بیقدیرمه دن بكا عشقه بتون آجیلرینی ، قیصقانجلغك
 بتون تخرشلرینی طاتدیریشکی ، بوزهرلرله بنی قطره قطره
 مسعود ایدیشکی ، سببسز طاریله رق بر تبسمله باریشملری ،
 چیلغنجبه انفعاللمی بر نظارکله مسعود ایدیشملری ، اك
 قارا کلق امیدسز لکدن شواحق سعادتہ اصعاد ایدیشملری ،
 کوزلرک بكا هنوز بلوطلو ، تبسمك بتون بلوط اولدینی
 زمانلری ، بتون بونلری سویوردم ؛ وبوکون که ایشته
 بنمك ، بوکون اره مزده براوچورم وارکی کلور .
 بنم سـودکلرمک یرینه سـنده عادتاً برقادین وار ،
 هرقادین کی برقادین ، وایشته اوچوروم ، براوچوروم که
 سـکا مواصلت ایچون اونك ظلمت ترنده بوغولسه یدم ،
 آتشلرنده یانسه یدم ... سکا یتیشه میهرک ، خیالمک بتون
 ثروتلریله ، امللرمک بتون پرستش لریله مسهوف وهشتاق
 اولسه یدم ... بر نظارله بكا کائناتی ویررکن بر تبسمله بوکا
 کندک بیله امین اولمادیغکی افهام ایدیشکی سویوردم .
 بن بونلری سویوردم ؛ وبوکون که ایشته هرشیئی براقدک ،

بیم اولدک ، بونلرینه یتیشلمزاملار، یتشمک ایچون فدای
جان ایدیله جک املار اولدی ...

چیچکار کبی

آه چیچکار کبی اولسه لردی ... اونلری ده چیچکار
کبی سوسه یدک ، قلبمزی چیچکار کبی ربط ایتمه دن جلب
ایتسه لردی ! برچیچک رایحه سی ، رنگی ، شوخانگیله روحمه
نصل مست لرزه لر ، نصل تخمور املار ویرسه ، برچیچک
بتون کوزلا کیله ، بتون کنجلیکیله بزی نصل مفتون
وهمشتاق براقیرسه قادینلره قارشى اشتیاقزده بویله اولسه -
یدی ... بویله ساده بر اشتیاق ، رابطه سز ، المسز ،
وفا وابدیت املارندن آزاده براشتیاق ...
فقط یوق ؛ بن آنه می او قدر کوچوک غائب ایتدم ،
حیاتمه وفادن ، صیجاق ، صمیمی ، صادق وفالردن او قدر

آجی آجی محروم قالدیم که بتون سودیکم قادینلرده بویله
بروفانی ، بوصادق وفایی بولمق ایچون اولیورم . قادینلر
بنم ایچون چیچککاره مخصوص بتون کوزللیکریله برابر
بویله حرارت وجدیته بیکانه اولورلر سه نصل قادین
اولورلر دیورم .

فقط آه بو قادینلر ... فقط آه بومؤبد دالیلا ، هپ
تجربه لرمدہ اوقدر آجی یارہ لر ، هر عشقده اوقدر درین
یارہ لر ویریورلر که بی کنه دیلرندن ، حتی قادینلقدن ،
حتی والدہ لکدن شہیہ سهوق ایدیورلر ؛ هر عشقدن
صکرہ اعضای وجودی خردوخاش بر قضا زده کی بیتاب
آمال ، حتی چیچککارلرندن متنفر قالیورم .

آه چیچککار کی اولسه لردی ... اونلری ده چیچککار
کی سهوہ بیلسه یدک .

سەنك كوزلارك

سەندەن سوكرە سەودكارمى دوشوندكە حافظەمدە
تجسەم ايتك ايسەتەين رۇيالى چەرەلارك اوچوشەرق ،
اويناشەرق ، قاريشەرق ديزلەكاريى ، تەين ايتەكاريى ،
سوكرە ، اعضاءى وجهيەلرەندەن بەعضلرينك رقص ايدەرك ،
يايەلەرق ، سەلنەرك غائب اولدقلرينى ، بربلوطلانمەدن سوكرە
هەيسەنك برر جزئەندەن مەركب تەك بر چەرەيە منقلب
اولدقلرينى كوريرم كە بوچەرە سەنك چەرە كەر .

اوزمان تخطر ايدرم كە بونلارك هەيسەنى بر برينە بىكز تەديكم ،
هەيندە بر برينى اخطار ايدىن ، هەيندە اصل سەنى اخطار
ايدىر حاللر كوردىكم اولوردى . عجباً بن اونلرى كەندىلرەندە
سكا بىكزەين بوشىلر بولوندىنى ايجونمى سومشەم ؟

فقط بوچھرہ ، سـنک چھرہك اولمقلہ برابر ، بر
نقصانی وار ؛ اولہ بر نقصان کہ چھرہك روحی ، اولہ
برشی کہ بوچھرہ سنك اولمقلہ برابر ینہ سن ، سودیکم ،
اولدیکم سن دکلـسك ؛ و بونی آرایوب بولق ایستہـنجہ
کوریورم کہ بوندہ کی نقصان سنك کوزلر کدر .


انجق سـنك کوزلر کی بوہپ سـودکارمك اجزای
وجہیہ لرندن مرکب چھرہیہ قویـنجہ چھرہ کی ، اوسودیکم
اولدیکم چھرہ کی بولیورم . عجبا سنی اصل کوزلرک
ایچونمی سومشدم ؟

۱۳۱۵



سین

— فائق عالی به —



باران بهار

برکون کلیر ، مزین اغاجلر ، شوخ چیچکلر ، یشیل
چایرلر برنفخه منجمده شتا ایله قورویهرق ، صولهرق ،
صارارهرق خراب اولورلر ؛ یپراقلر دوشر ، چیچکلر
تورم ایدر ، جایرلر چاتلار : طبیعت اولور .

فقط صوکره برکون ، خنجلی یاغمورلردن صوکرهینه
برکون بو اغاجلر ، چیچکلر ، چایرلر تیره شهرك سر پایلرلر ؛
بر حیات نو ، بر عشه زندگی ، بر طراوت امل کلیر :
یکیدن بهار اولور .

نمده مزین امیدلرم ، نهایتسنر امللرم ، مسعود
عشقلم کیزلی کدرلرک ، غیر محسوس الملرک دست قهرنده

قورودی ، سولدی ، صاراردی : روحم اولدی .
فقط بنم روحك ، بنم بو زواللی روحك به-اری
کلیور .

۱۳۱۳

خلوقك كوزلى

— باباسنه —

آتشلار ایچنده یانان دومانلی ، متعفن بر باتاقلقده محبوم
ومسهرهوف قالمش بر سیاح بردن اک پاک وتازه روزکار لرله
سرمست بیاض افقلى ، مائی سمالى ، لاجورد دکزلى بر
ساحله چیقجه نه حس ایدرسه بنده خلوقك کوزلرینه
باقیجه حیاتك لوئاری ، سفلیتلری ارسنده زبون
انفعالات قالمش روحم او یله حس ایدر .

احتیاجات الیمه و ذلیله ایچنده خوار و منفعل ، سفیل
وخشین روحم ایچون بو چوجوق کوزلرینك درین
درین باقان رنك صفوتی... آه بو او یله برسمای معصومدرکه
نامتاهیدکنه باقدیجه درین بر احتیاج فغان حس ایدرم ،
بتون شبهه لرم تحسیر لرله آه ایدر .

بوکوزلر بکا اولیملری یاد ایتدیرر که قرباتی چارپوب
 قیروب خراب ایدن غدار فیرطینه لردن دونن مجروح
 کمیلر ایچون ساکن افقلری ، پاک سمالری ، مس-تریج
 دکزلریله بر سینئه سکون والتجادر .

بزمده ، بوخردوخاش کمیلر کبی ، بزمده انفعالات
 سفیله فیرطینه لردن صوکره کلوب امید و تسلی بوله جق
 بویله لیملره ، نظرلری التنده نور صفوتلریله روحیزی
 شبه لردن ، المارندن یبقایه جق بویله معصوم کوزلره نه
 قدر ، آه نه قدر احتیاجز واردر .

بجر محیطده

هفته لردن بری تهورلرله ، کوپوکلرله ، جوششلرله
کورله یین دومانلی دکزک حرص و غصبی ، بوتون بو
قودورمش دالغهلرک ، غیظلی روزکارلرک تهورلری ،
کوپوکلری ، جوششلری آرتق یورولش کبی رهین
احتضار اولمش ، بوسیاه وهول آلود نهایتسزلک ایچنده
آرتق تسلیتسز ماتملرله اولویان روزکارک ، اولو اولو
ایکله یین دکزک اینین هجرانندن باشقه بر شی قالمامشدی :
برسکون ، برسکون موت وشیون ...

وبن ، اوراده کوزمک اوکنده مغموم مغموم قاراران
کیجه نك ، افقده برقاج خون آلوداکه ایله آغلایان

غروبك قارش-یسنده ، بوایکلیه ایکیله برنهایتسنزلیکدن
کلوب برنهایتسنزلیکه کیدن داغلرک آرسنده ظن ایتدم که
ازلدن باشلایوب ابدہ کیدن برانین بشر ایچنده یم .

ابرملال

بو اوزون ويالكز قيشك ویردیکی نامتناهی ملالک
ایچنده نهایتیمز بر چولده مفتور و تشنه قالمش بر سیاح
آواره کبییم . بوبی خراب ایدن ملال اولماسهیدی
نامتناهیلاک نه اولدیغی آکلایه مازدم . جتی مسعودانه
ترجیح ایتدیره جک قدر حیاتی ضبط و قهر ایدن بر
ملال ، الم درجه سنه چیقمیوب ساده ، رنکسز قالان
براولو ملالی ، هیچ برر عشه حیاتی طامامغه محکوم میتک
ملال انتظاری ...

صوکر آرد صره ، بویوک دکرلر کاه یوکسه لهرک
یوکسه لهرک ساحلاری دالغه لرینک آلتنه آلدینی ، سیسلر

اینهرك اينهرك هر طرفی بلع ایتدیكى كى بوملالده
 آره صره طاشوب جوشه رق تحمل بشرک فوقنده صبر
 شكن ، ماحی آرام بر مجموع تشکیل ایدیور ؛ اوزمان
 بونهایتسنز چولك ، بو حیاتك ایچنده ، مفتوروتشه ، هیچ
 بر بشرک حس ایتدیكى بر یأسله زبون قالیورم .

فقط روحده ینه بر امید پر خلیج-اندر ، اك مذبح
 سهاف سیاحلرك روح زبونی آتشین هیجانلرله تتره تن
 امید ، مطلق برواحیه مواصات امیدى كى قوتلى بر امید
 پر خلیج-اندر ؛ بونهایتسنز صحرای ملاله برواحه ، برواحه
 غرام ووصلت واردر دییه چیریدان بر امیدكه بنی اساسسنز
 اساسسنز گاه پر شوق و سمرمت ، گاه ملول و مغبر بر اقیمر .
 ایسته یورم كه بو امید مسعود اولماسینده صوكره
 بونكده سعادتنه متحسر قالمیهیم : زیرا روحده او قدر
 وسنت ارزو واشتیاق واركه اونی هیچ بر سعادت اقناع
 ایده من ؛ بشریتك بتون عشقی ، سعادتى اونك ایچون
 کافی گلز ؛ صانكه روحم نامتناهی روحلردن مرکبدركه
 بتون چوللرك واحلری عطشلرینی تسکین وبتون قادینلر
 اشتیاقلرینی مسعود ایده من ، اولیه روحلر ...

سینه غرام

دوداقلرمك اوسستنده دوداقلرك تيتره ركن بركون
سنه لرك سنى نه حاله كتيره جگنى ، بربر من ايجون كيم ييلير
نه قدر بيكانه اوله جغمزى ، بتون بونا محـدودى آمالمزه
قارشى نه سفيل وعاجز اولديغمزى دوشونه رك زهرانيورم .
واولوم اولماسه يدى مسعود عشقه بويه مرار تلى اولان
بوحياته نصل تحمل ايدردك ، ديهه صيزلايورم .

اواوزون ، اوالم ، اويالكلز ليال شبا بمده بنم ايجون
بتون مقصد كائنات ، بتون هدف آمال هپ قادينـلر ،
هپ سز ايديكز ، هپ سن ايدك ؛ قادينـمز ياشامق نصل ،
نصل ممکن اولور ديهه صيزلاردم .

فقط شیمدی که وصله بویله المربولدم ، شیمدی که
قاندلرم ضربه مسکنت روحله ، عجز محبتله مجروح ونالاندر ،
ایشته شیمدی ده اولومسز یا شامق نصل ، نصل ممکن اولور
دیه صیزلایورم . موتک سینه غرامنده الی الابد غریق
خواب نسیان قالمق : ایشته شیمدی خولیا سعادتیم !

کیمسه سز لکارم

— والده مك خاطر سته —

بعضاً سـودکار مزی غائب ایتدیکمز اولوم کونلری
کبی مغموم کونلرده روحی بو بر بر یله یاشـایان انسانلرک
اره سنده کیمسه سز ، هیج بر کیمسه سز اولدیغمک ملالی
استیلا ایدر ؛ بنی الملم ، کیمسه سز لکارمله یاب یالکمز
براقوب کیدن رابطه لر مک آرقه سندن بتون ماتملرمی
دوشـونورم ؛ هپسندن آری برر سرور موفقیت حس
ایده رم .

کندمی بوسونلرک ، سویلنلرک آره سنده ، آناسز ،
باباسز ، حتی بر رفیقه سز ، بنی سون بر رفیقه سز ، هیج ،
هیج بر کیمسه سز بولمقدن وحشی ذوقلر طویارم ؛ سفیل

وسر سری ، مقهور و پریشان سو روکلدیکم بوبیکس ، بو
 غریب ، بومریض الامل حیاته بر دشمن کبی غیظ آلود
 برخنده نار ایله باقارم .

بیلمم که کیمک انتقامی کیمدن آلق ایستهرم ؟

۱۳۱۴

اوپچ مزار

ایکلایی، ایصلاق، سیاه بر قیش کونیدی، اونک اولدیکی
کوندی، اونک، او بنم دنیا ده بر تک قارده شمک اومشوم
خسته خانه ده، بر چوق سفاالتلردن صو کره ایکیله رک،
استمداد ایدم رک، « بنی قورتارک، بنی قورتارک » ديه
صیلا یه رق اولدیکی کوندی .

او اولیوردی، او کوزمک اوکنده اولیوردی؛
کوزلری قورقودن اختلاجلرله آچیله آچیله سیاه بر چوقور
اولیوردی؛ یوزینک صولوق، تلی دریمی کریله کریله
کیکلرک اوستیده بیرتیه جق کبی اغزنده بزولیوردی؛
دوداقلری قورویهرق، مورلا شهرق دری التنده دیشلری

صایله حق قدر کیکلره بایش-یوردی ؛ کوکسی صوک
خرخره لرله ، صوک ایکلیرله بوغازینه قدر چیقوب
صوکره آچالور ، آچالوردی .

وبن برشی یاپه میوردم ، هیچ برشی یاپه میوردم ، اونى
بو حاله کتیرن ، ایکله تهرک بویله غدارانه اولدیرن درده ،
بو خائن موته هیچ برشی یاپه میوردم ؛ بو عجزک النده
ازلش ، حایق رقی ایسته یوردم ، قودورمق ایسته یوردم ،
اولمک محقق اولسه بيله وحشی وحشی ، قانلر ایچنده
انتقام آلمق ایچون قودوریوردم ، فقط کیدوب سبب ،
حق صوریله حق ، کیدوب انتقام آله حق هیچ برکیمسه
یوقدی .

صوک نفسی ده ایستمه مک ایچون ، شقاقلره بایشمش
وشیمدین اولش بوزواللی پریشان صاچلرک ایچنده
بو اوقدر کوزل و سیاه کوزلرک ، بنم سفیل قرداشمک
سفیل کوزلرینک سوندیکنی کورممک ایچون قاچدم ؛
اورادن ، یانندن قاچدم ، فقط « اولدی » خبرندن ده
قاچه مادم ، اوندن قاچه مادم .

اولدی ، اوت ، اوده اولدی ، ایسته هپسی اولدی ،
اون ایکی سنه اول نینه م ، اوچ سنه اول بابام ، وشیمدی

او ، عشقى قلمىدە ھېسنىڭ يىغىنى طوتان اوده اولدى ،
 اوچىدە اولدى ؛ وېن ، اونىڭ مىزارىنىڭ ، اونلارنىڭ
 مىزارلىرىنىڭ ياتىدە آچىلان بويىنى مىزارنىڭ باشىدە بولۇپ
 ئىككىرىنىڭ بىرىنىڭ كىيىملىرىنى آرتىق بىر دەۋا كۆرمىك
 احتمالى مۇھال اولدىغى ، بولمىسىمۇ سىزنىڭ ئىچىدە سۈرۈنمەكچى
 باشقىمۇ ھېچ بىر چارەم بولۇنمىدىغى خالدا — مەجنۇنلارنىڭ ئالدىدا —
 اونلارنىڭ شىمىدى بىر بىر اولدىقلىرىنى دوشۇندۇم دەۋا شىمىدى
 سىز بىلەن آغلايىز ، سىز بىلەن ! ۋە دىيەن فرىاد ايتىم .

مهتاب

دکز قارشیک ساهلک قوملری اوستده دالغین
دالغین نفس آلیور ، منظره مخمور برسکون نام ایچنده
طلوع قمری بکلیور ، یاواش یاواش تکائف ایدن ظل ارض
بکقوزک اوستندن نبعان ایدن صباح نورلرینه بکزر
بلورین التاعارله کیجه نک اشباح ویردیکی قشر مظلم لرزان
اوزرینه برسطح انوار چکیور ؛ دکز زیبقی بررکود ایلله
خاموش ، پر خواب و سکون ؛ یالکزدالغهلر ، اوزاقلرده
درین درین ایکله یین دالغهلر ...

بر دنبره چهره قمر انفلاق ایتدی ، پاک و مخمور ،
سمانک بتون نجومی زرین برتبعمله تتره شدیلر ، صولرک

اوستنده پر نور خنده لر ترنمه باشلادی ، سواحلك سكون
مغمونانه سنه بروقار ملول كلدی ؛ قمرک کیتدکجه یاضا لاشان
ضیا-ی ، کیجه نك کیتدکجه لاجوردلشن ظلمتی ایچنده
یکی کوی دوبه سنك یشیل ضیالری مائیش-یور ، امور
یرنده کی قیرمزی ضیالر ساکت برر نکهه رجا کی باقیور ؛
قمرک ضیا-سی اوقدر دونوق که دومان ظن اولنور ، بر
مہتاب دکل برهاله ...

آه بکا بو کتوم مہتاب دوقونیور ، صرف نور
وجوهر دن مہتابلر ایسته یورم ؛ یاخود ، یوق ظلمتلر اولسون ،
هیچ بر نکهه ضیا ایله تتره ممش باکر ، صاف ظلمتلر
اولسون ؛ هیچ بر اینن بشرله صیزلامامش ازلی سکونتلر
اولسون ؛ کیده میم ، اینن آمالمی اوراده ایکله میم ، مرده زاد
امیدلرمی اورایه کومیم .

آلام وصلت

کلبکار ، فیض ازهار آرمهنده ، غنچه لک شوخی
مضربله پردوق و سرمست اوچوشورکن ، بعضاً برلرزش
تملکله برکک بوی محرمیتی مص ایتک ایسه-ترلرده
وریه لک آلتندمکی دیکنلردن بریه قانادلری بیرتیه رق
محروح ونالان قالیرلر ...

بویله جه بنم روحمده آلام مدیده حیاتیهدن صوکره
سینه نسیان و مستیدردیه وصال یاره دونجه الیم ، قهار ،
تداوی ناپذیر یاره لر آلیور ؛ قابم کندینه الم ایج-اندنه
او قدر موشکاف که بتون لیال عاشقیتیم ساده جه بررقت
مفرطه تالم و تمرضله بر سلسله غموم تولید ایدیور.

بتون سرورلردن بتون ، سعادتلردن باشقه یاره لر
 طوپالایه رق یاشادجه حیاته قارشى برکین ، او قدر متهور ،
 او قدر وحشى ، او قدر مفترس برکین حاصل اولیورکه
 قاجم اسیر طغیانی اولمقدن خراب وتباه اولدی .
 « آم بو حیات ! » دییورم ؛ اکر بکا دانشسه لردی ،
 بکا دیسه لردی که « بتون سرورلر ، سعادتلر ، بتون طنطنه لر
 سنکدر ! فقط یاشامق لازمدر ! » بکا بونی سویلسه لردی ،
 ذوق و وحشته ره دایدردم ، یاشاماق ایچون بوشیلری
 تپهر ، « بنی راحت براقك » دیردم .

۱۳۱۳

هیچ بریر

بریر ، آه بریر اولسون ؛ اوילה بریر ایستورم که
اوراده هیچ برشی اولسون ، هیچ برشی ، حیاتی ،
طبیعی تشکیل ایدن شیردن هیچ بری اولسون ؛ اوילה
بریر که بنا-کم ، بونا متناهی-کار ایچنده نامتناهی بنا-کم
اوراده محو و منعدم اولسون ، بتون قوای وجودیم یوق
اولسون ، یوقلق ایچنده یوق اولایم .

هیچ برشی قالمسون ؛ هیچ برشی ، بو حیاته ، بو
بشره ، بودنی-ایه ، بتون موج-وداته عائد هیچ برشی
قالمسون ؛ هیچ برشی ... حتی سن ، هله سن ، سن که
ساده حضورکله بتون قاچدیغم شیرلی ، هر شیئی مطابق
کتیرمش اولورسک ، مطلق ...

بویله بریر موجود اولسون اولسون ساده دوشونمکله
اوقدر درین براستراحت روح ، اویله بر حضور وجدان
حس ایدیورم که بوعلوی خیاله براسیر مشتاق قاله جغم ؛
صانکه روحم یوقلق ایچنده شمیدین مست و آسوده .

۱۳۱۴

سپلین

بعضاً او یله آنلرم اولورکه ، هم ده اڤ نشئه لی زمانلرده
بردن بتون موفقیتلر مک نه قدر مسکین ، بتون مفخر-
تلمک نه قدر ذلیل ، موجودیتک نه قدر حقیر اولدیغی
بتون تداوی قبول ایتمز آجیلغیله کور یوره رک ، بو
مسکینتک ، بومذلتک ، بو حقیریتک التنده اریله رک ، زبون ،
زهرلنمش ، نشئه لرمدہ او قدر مجروح ، امللرمدہ او قدر
مفتور قالیرم که حیاتی ایاقلمک آلتندہ سورونن علیل ،
ذلیل ، سفیل بر دیلنجی ، « یاربم نیچون ونصل یاشیور؟ »
دیدیکم بر دیلنجی حیاتی کبی کوریرم .

اوت ، نیچون وانصل یاش-یورم یاربم ، حالا نیچون
وانصل یاشیورم .

موتہ

خی نینه مدن آیران سنسک ای موت ، خی نینه مدن ،
بابامدن ، قرداشمدن آیران ، کسه سز براقان ، چوجوقلری
اوکسوز ، عاشقلری محروم ایدن ، بتون امللری صولد-
یروب بتون سونلری زهرا لین ، هرکسه تداوی قبول
ایتمز یأسلر ، نهایتسز ماتملر ، مدهش عذابلر ویرن
سنسک ...

فقط سنی تقدیس ایدیورم ای موت ، چونکه خی
بو حیاتدن ، بوارتق سوروکلنمه یین ، بوارتق قهر وزبون
ایدن حیاتدن ده سن قورتاره جقسک !

کو پروده

— ابراهيم جهدي به —

او کدن يوريوردی . لافيد قياقتلی ، لاقیده شوارلی
یر آدمدی . اکسه سی فسیله یاقه سنک آره سنده راحتسز
اولور کبی طاشیور ، قولاقلری ایکی طرفده برر قاناد
کبی کرکین طور ییوردی . هیچ برشی بیلمیورمش ،
هیچ نی یکی کوریورمش کبی ، کز مکدن ، تبالانمکدن
باشقه هیچ برایشی یوقمش کبی ، هر شیئه آغزی اوچ
سانتیم آچیق باقهرق ، صوکره سنده لر کبی یوریه رک
تکرار بر دیکرینه آ کلامیور کبی دقیقه لرجه باقیور ،
بعضاً برونک اوستنده ، قاشلرینک آره سنده نهایت
ا کلامش کبی بر ممنونیت پختی - لانیوردی . اوزمان ،

پرنشئه ، اوتہ کنہ بریکنہ چارپدینک فرقندہ اولیور ،
آیاقلری بربرینہ طولانہرق ، تختہلرہ چارپہرق ، سندہ -
لیوردی .

صوکرہ تجاوزلرہده باشلادی . برایکی قادینک
شمسیہ سنک آلتنه قدر کیرمکہ اوغراشدی ، باشقہ بریسنه
اوموز اوردی ، دیکرلرینک آره سندن کچمک ایچون
چابالادی ؛ صوکرہ دار بریرده طوروب بر باشقہ سنک
کندینہ سورونہرک کچمسنی بکلدی . واونلرک اجتنابنه ،
هرکسک حقارتنه لاقید قالیور ، بومسہ تحقر نظرلر
بروننده کی ممنونیتی ازاله ایدہ میوردی . ممنون ، آغز
آچیق ، برون شاطر ، حیوان . کونشہ ، منارہلرہ ،
دودوکلرہ باقیور ، کستاخ ، تربیہ سز ، هودوک ، صاو -
رولہرق یوریوردی .

اولا کولیوردم ، صوکرہ همان قولاقلرندن طوتوب
طوقاتلامق ایستہدم ؛ فقط اوقدر راحتدی کہ قیہ مدم ،
قیہ مدم وقیصقاندیم . آہ بنده اونک کبی اولسہ یدم دیدم .
اوت ، بنده اونک کبی اولسہ یدم ، اونک کبی تربیہ سز ،
هودوک ، کستاخ اولسہ یدم ، وبنده تحقیرایتدکلی زمان

آ کلاماسه م ، بیلمسه م ، کورمسه یدم ... اونک کبی اشک ،
فقط راحت ، یاربم ، راحت اولسه یدم ...

۱۳۱۷





كوچوك شيلر

— « كوچوك شيلر » محرر مختومنه —



نيسان کيجه سی

— طرايه تحسسانی —

برقاچ بلوط بربرينك اوزرينه ييغيلوب بريكهرك اويله
برشكل آلمش كه قمرى بونلرك آره سنده ، قهر لاجوردى
لبله — بزه بتون بعديتنى حس ايدرك — كوريورم .
دكز اوقدر راكده قوى ظلمت ايچنده برآينه كى مظلم
برالتماعله خواب آلود كورونيور . بوراده سما دها يقين ،
قمر دها صولغون ؛ ايكي ساحلدن اينن منجلى ظلال
نازلى نازلى دالغه لانيركن قديفه ظن اولونيور .

قويك دكزه ملاقى اولدينى يرده الحان بوشش كى
خفيف فشفه لر وار . صوكره دكز امتداد ايديور .
واوراده ظلام ينه بريكهرك اناطولى ياقه سى اتكلرينى
سريور . بوظلامك فوقنده نارين بر بلوطك شفافت

با کرانه‌سی تیتزه‌یه‌رک ، سمانک بوراده کی بایغین مائی‌کی
 قمرک تابش انواریله بر ایشه‌رک مخمور و پاک بررنک ، یشیلی
 آندیرر معصوم بررنک ایله دکرک اوزاقلاشدیجه قورشو .
 نیله شن سطحنه عکس اییدیور ؛ اونی محرم بر تلاق ایله
 خفیف خفیف تلوین اییدیور . منظره اک ملول واک
 امید پرور رنگلرک مستانه بر انحلالندن متحصل بر لرزه
 انوار ، بر منظومه‌ الوان کبی کتوم ، راکد ، تیتزه‌ک ...
 بتون کویده هیج بر سس ، هیج بر صدا یوق .
 بویکی ساحلک دکرده کی ظالاندن انعکاس ایدن اسمرار
 ایله قمری احاطه ایتش بلوطارک بوکولکه لیکنده ، قاما -
 شیرمه‌دن آیدینلاتان بوضعیف و ناتوان کوندوزده کوی
 ساکت ، بی حرکت ، پرسکون . او قدر درین بر سکونت که
 انسانه فوق البشر بر آفت حسی القا اییدیور ، وحشی
 بر حس عدم طویورم . بودونوق ضیالی نجیف کوندوزده
 کوی نیچون بویله جامد ، کیسه‌سز ، بی حیات ؟ اولر ،
 ایندیرلش پرده‌لریله ساکت ، اشخاص وقعه‌سی هنوز
 کورونمه‌مش قبل الطوفان بر فاجعه‌ صحنه‌سی کبی جامد
 و مدهوش ... هرکس اویویور ؛ یالکز بن ، و بر بلبل ،
 بو بهارک ایلک بلبل ...

نيسان صباحی

— طرايه تخساقی —

روح کائناتک تیره دیکي حس ایديله جک قدر پرسکون
برصباح ، مائی وتازه برنيسان صباحی . ايلک حرارتيله
کيجهنک ظالانی لرزش—دار پرواز ایدن کونش بکقوزک
اوزرنده شاهبال انوارینی تهزیز ایدیور ؛ دکزک سطحنه
یايلمش ، پریشان ورقیق برطبقه سیرش برتلاطم الوان
ایله داغیلیور . نه برنفخه ، نه بر حرکت ؛ هرقی مستغرق
سکون و خواب ؛ یالکز بلبل ، اوبلبل ... صباحه قدر
مشتاق وشیدانغمه لریله بیتاب آمال قالان او کوچوک
موجود ش—وخ که صوک نشیده ش—غفيله روح صباحی
سرمست ایدیور .

اوخ بوبهار ، بونیدسان ، بو طراوت روح بکاده تازه
 لرزه لر ویریور . بتون رنك ، بتون رایحه ؛ مائی سما
 سمائی دکنز بربرینه قارشئی تیره شیور لر . صوکره بتون
 یشیل ، هریر یشیل ، اك صاریسندن اك مظلمنه قدر
 بتون الوانی خیال انکیز نقشلرله اتساع ایدن بر زمین موجا
 موج که اوزرنده ارغوانی ، بیاض ، صاری ، مور دالغله
 کوپوریور ؛ او قدر محرم بر تلاقئ الوان که مجموعیتی هپ
 یشیل ...

هوایه هر رنك باشقه بر بوی شوخ وتازه اهدا
 ایدیور ؛ بتون هوا ، بوراده یولاك کنارنده فیشقیران
 یشیللر آره سنده برسودلیجه نك یاننده کی قیرمنکشه سنی ،
 اوراده بر ایصیرغانك آلتنده کی محبت چیچکنی ، اوتده
 چمنلر آره سنده کی پاپاتیله لی نفخه نواز شیلله امهرك
 آغاچلره صوقولیور ؛ بر صالقمك مور بوسهلرینی ، بر
 ارغوانك خمور خنده لرینی ، بر کستانه نك بیاض امللرینی
 تمیز ایدیور ؛ هرشی بایله رق ، نازلانه رق راز حیاتی
 تلقین ایلور . هر طرف رنك ، هر طرف رایحه ؛ خفیف ،
 تازه ، او قدر ناز پرور ، او قدر باکرانه که بهاری ، بالذات
 نیدسان ، مائی نیدسان !

بهار رنگ و رایحه نك بر بوسه سی ، نیشان شباب و املك
 بر تلاقیسی اولملی که نفخه سی ده بکا مبهم اشتیاقلر ، محرم
 امللر ویریور . اوزون ویا لکیز کچن قیشك ملالی یرینه
 بابللری ، رنگاری ، رایحه لریله نیشان امیدلر ویریور .
 فقط قیشك ملالی بعضاً چوغاوب فنوره منجر اولدیغی
 کی امیدده بعضاً بیتاب انتظار قالدیرق بر حزنه منجر
 اولیور ، بر حزن که پک درین ، پک آغیر ...

بلبله قارشى

— طرايه تخصصاتى —

بويوك بر بلوط داغيله رق، ياييله رق ايندجه بكمقوزك
اوستدن اصرار ماتيله هنوز كورونمش صفحه قمر
ايكى ظلمت آرمه سنده خون آلود بر چهره غموم ايله
كولكه انبور، كيجه كيتدجه نحاسى برلكه ايله كيرانيور...
بر آن اولدى كه بلوط بتون تهيه قاپلادى، منظره صوك
براحتضار لون المله درين وابر آلود بر ظلمته بوغولدى؛
رنكلر سوندى. سكون ايچنده يالكنز آقنيزنك رشاشه
سقوطى فيشليديبور؛ بو طرفده بلبل، ينه او بلبل، بر
اسحقك شيون مظلومانه سنه قارشى وجد انكيز نغمه لرله
پر شوق و طرب...

فقط بویکجه صوص ، ای بلبل ! بویکجه سنی
 دیکله مکه مجالم ، سنکده شعر اشتیاقکه تحمل ایدم جک
 قوتم یوق . ینه حزنم ، ینه اوحالم وار ، ینه خسته انیم وار .
 بر درین ، بر آغیر حزن که آغلامق ایسته یورم ، اولمک
 ایسته یورم . شعر وشبابک النده زبون و بدبختم ؛ بو تحمل سوز
 قوتلرک النده ازیلیورم ؛ سنکده شعر اشتیاقکه تحمل
 ایدم جک مجالم یوق . حزن حیاتی دیکله یم ، شعر آمانله
 قاله یم ... صوص !

بهارله سرمست حساسیتم ، شباب ایله بالاپرواز
 شاعریم بو حیاته تحمل ایدم یور ؛ بو آغیر ، بودرین
 حزن ، آه بونی سن بیلسه ک که نه قدر آغیر ، نه قدر
 آغیردر ! هایدی سن مسعودلره کیت ؛ شعر سیک ،
 املسک ، عشقسک ؛ کیت ، نغمه لرکله اولری مدهوش
 ایت ؛ بنی ماتم آمانله یالکیز براق !

بکا سن کل ، آه ای باده ، شیمدی سنک زهرکدن
 امداد بکله یورم ؛ قابلمک بودرین اشتیاقلرینی ، روحمک
 بوشدید حرارتلرینی سنک اولسون سوندیره جک زهرک
 وارمیدر ؟ حیاته ، شباب به تحمل ایدمین مریض وعاجز
 روحلره سنکده امدادک اولماسه یدی بن نه اولوردم ؟

بكا سن كل ، چونكه آنجق سنك تائيركله بو حیاتمدن
چیقهبیلیورم ، او برباشقه سنك حیاتی ایمش کی آنجق
او زمان مردرلو آلامنه لافیدوبیکانه قالیورم... آه سنك ده
زهرک اولماسیدی ...

کلیرکن

— صاماتیہ !

قطارطوردی . استانبولہ ایدیورز ؛ واغونده یالکیزم ،
شہر طرفندہ اوطوریورم . باشمی اوزاتدم ، عربہ لک
وسائرہ نک کچمہ سنی منع ایدن - پیرک یانندہ ایمشز .
اورادہ بررنجبر دایانمش ، شہہ سز ایشدن یکی
چیقمش . اوکلہ یمکنی آتینیرکی قطارک ہیجانفزا ، مدید
چیشلیغی ایشیدہ رک شوتماشادندہ واز کچمہ مش ،
صریغہ آبانمش ، برطرفدن صول قولیلہ بوکرینک اراسنہ
صیقشیدیرلمش یارم اوقلاق بر ا کیکدن مہیب پارچہ لہر
قوپارہ رق صول اندہ کی یومورطہ لردن باش پارماغی

طرفنده کنی دیشله یور ، بر طرفندن ده سیر ایدیور .
 یکر می بشملک یاخود یکر می یدیلک بر کرد ، قیصه قالین
 بوی ، کنیش کووده سی ، کونشله قاورولمش چهره سی ،
 کیره ج توزلریله بم بیاض اولمش صاچلری ، شیشکین
 آوردی ، قارولمش دامارلری ، صوکره هپسنک فوقنده ،
 هپسنه بر اثر حیات ویرن ، اوبیاضلانمش کرپکلرک ایچنده کی
 اوفاجق سیاه کوزلری ، وصوکره آلی ، بر قاپلو نباغیه ،
 یاخود دها ایسی بریومروغه بکزه یان الی (زیرا اکمک
 و آغزیله بوغوشیور ایدی) ودها صوکره قیافتی ،
 کیره چلی ، توزلی ، چامورلی ، کیرلر ، لیکلر ، یامه لر ،
 باشقه رنگده پارچه لرله ملمع اثوابلری ، بوعبه لر ، کبه لر ،
 بیرتیق بیرتیق قوشاقلر ، خیرقه لر ، قرمزلی زمینه یشیل
 قالین چوبوقلی صاییسز دوکمه لی میذنانی ، قالبی بایلمش ،
 رنگی بیاضلانمش ، دو قومه سی صیریتمش فسی ، وبوکا
 صاریلان رنگی بایرسز صارغیسی ... نه ایت بر چوق
 قورقونجقلر !

اوبتون بو فکرلردن اوزاق ، قیافتندن ، موقع
 اجتماعیسنک بتون ذلتندن ، بتون سقالتندن بی خبر ،
 آتشدیریور ، باقیور ، اکلہ نیور ...

بردنبه برشی اولدی . بر ضربۀ ضیامی ، بر
موجۀ خندمی ، اسمر برظالاکاهه دوشن برنور
جوشا جوش شمسک بتون پرتولری اوچوشدی ،
اورایه اوچ قادین یاقلاشیور ایدی .

ایکیسی شایان دقت اولق زمانلرینی برقاق سنه اول
آشمشیلر ایدی . فقط اوتنه کی ... به-ارک عشقپور
طراوتلری ، نشوه فزا حرارتلریله جانلانمش ، اینجه ، نارین ،
اوقدرکه بر تنسمله صولار ، بر تماشله همان قیریلیلر دیه
قورقیلیر ؛ کوچک برباش ، ظریف ، ظریف ، اوقدرکه
باققله غنا ممکنمی دییه صوریایلر ؛ صاچلر ، بیاض برتولک
اهمالکار دراغوشلری آرقه سنده ظل آور ، املبخش ،
پر بودمتلرله لرزش-دار ؛ بتون نحافتی بر فیس-نانک بلی ایله
صیقلمش ؛ صوکره قورسار ، زمیندن دهاقویو اینجه تالرله
عزین خفیف پنجه سورادن بر قورسار ، شفاف ، شفاف ،
اوقدرکه دالغعلری آرقه سنده قوللرک بتون تشکل لطیفی
فرق اولنیور ؛ نهایت ، بتون بوکوزلا-کارک ، بونفاستلرک ،
بوتموجلرک ، تناس-بلرک فوقنده طیران ایدن برشی ،
برشی که بر کابک کبی اثیری ، خندا خند ، به-اری ،
نهایت برکنج قیز !

اوزمان جمال بونا کهانی تالاطم هوای بکارتله جذب
اولونه رق باشنی چویردی ، وباقدی . او قدر یقین ایدیلرکه
بایک تفسلرینی ، ضرباتی و حرارتلرینی حس ایدیورایدی .
اونک هوای مسخونده ایدی . ظن ایتدم که قیزاردی ،
و غیر اختیاری باشنی چویردی .

قادینلر بکله یورلر ، ویولجیلره باقیورلر ، کولوشه رک
قونوشیورلر ایدی ، بهارایله ، کونشله ، حیاتله سرخوش
ایدیلر... نفسنه جبر ایدیورمش کبی باشنک بر دفعه دها
چوریلدیکنی و کوزلرک ، شمدی بولانیق ، پر آتش ، مظلم
باقدیغنی و صوکره ناکهانی برقرارله یمکدن واز کچهرک
دالیدیغنی کوردیم .

قطار صارصیلهرق حرکت ایتمش ایدک .
اوحالا باقیورایدی ، صانکه قورقه رق ، همان تتره یه رک ،
بلکه اوتانه رق ، پرتخاشی ، سرسم ، ازیلمش بر نظرله
باقیورایدی . امان یاربی ، بونظرده نه لر وارایدی ؟ هیچ
بروقته نفاسته ، ذی حیات طراوته بو قدر تماس ایتمه مش ،
هیچ بروقته سفالتی ، ذلتی بو قدر اکللاماش ایدی .

صاچلر

واپور بوغازدن کان سرین روز کارلره قارشى حصارلره
دوغرو کیدیوردی . قارشى صره ده اوطوران سـیـاـهـلـر
کینمش برقادین کونشدن قاچوب بنم طرفه چکدی ، بریر
ارارجه سنه مترددانه باقدی ، چکیلدم ، یانمه اوطوردی .
سراپا سـیـاـهـلـره مستغرق اوزون بویلو برقادین ،
اوزون برپچه ، او قدر قالین برپچه که یوزینی بکا دوغرو
چویردیکه کوزلرینی ، اعضای وجهیه نی تشخیص اتمک
ممکن دکل . بکا او قدر یقین که انتشارایدن هوای نسویتیله
نی جلب ایتدی ، مراق اتمکک باشلادم .
یا امکنز اکسه - یله صاچلرینک شینوننی کوره بیلورم .

رقیق بر جلد ، صاچلر ایپک کبی وقومرال ، پریشان
برکومه جک تشکیل ایتمش . بو معلوملرله مجهوللری حله
باشلادم . شهبه سز کوزل برقادین اولمالی ایدی ، بر ماتم ،
شهبه سز بر ماتم عشق کندیسنی سیاهلره حصر ایتمش . کنج ...
سنی یکر می بش ویا یکر می آلتی . بو صاچلرک کومه سینه
باقه رق اوکا بر حیات عاشقانه ویرمه که باشلادم .

بردنبیره ، بیلمم نصل کورمه مشم ، بو کوزومک
اوکنده کی کومه ده برقاچ تل ، برقاچ آق تل فرق ایتدم ،
بتون حرارت من ، بتون غلیان من بر صوغوق هوا کچدی .
ممکنمیدی که بو اوقدر کوزل صاچلر ، بو اوقدر نرم وتر
اولان جلد یاشلی برقادینک اولسون ؟ باشنی تکرار چو یردی ؛
پچه اوقدر قالین که ممکن دکل فرق ایدمه یورم ؛ شمدی
تلبسند بر لاقیدی فرق ایتمه که باشلادم ؛ برملول حیات
اولمالی ایدی .

تکرار باشنی چو یردی ، ینه او صاچلر کوروندی .
اوخ بو صاچلر ، بو صاچلر ، یاواش یاواش بتون
تالارنده بررنک هرم فرق ایتدیکم بوزواللی صاچلر !
کیم بیلیر ، کیم بیلیر که نه بوسه لرله چوزولمش ، نه دوداقلرک
التنده نه غرور لرله داغ لرینی سره شمدی ؟ بو باش ، بو

زواللی باش ! حکم ملاحظتک ارتق آق تلارله بردنبره محو
وهدر اولسنی نه المارله ، نه کدرلرله کورمش ، نه کریه لرله
اکلامشدر ؟

یاچهره ، کیم یلیر نه قدر ، نه قدر خراب اولمش که ماتم
اثوابیله بتون احتشامی میدان چیقان جمالنی کیزلمکه ، بو
برزمان کوزل اولمش ، سومش وجهالنه مغرور سولمش
قادینی اوطانه حق برشی کبی قالین پچه لرالتنده صاقلامغه
مجبور ایدیور ؟

زواللی قادین ، سـودک ده سولمه دکمی که بو طراوت
جلدک تیتره که ، چیز کیلرله چیزلمکه باشـلادی ، بتون
خزینته عشق وغرامکی استخفاف ایده جک ارککلارده می
وار ؟ آه بوسـویلن ارککلارک حسسزلیکری اولسهـ
یدی ... دکلی ؟ برکیجه بتون صاچلرک ، بتون وجودکله
اونی مست ومدهوش ایتدیگک زمان سکا یمینلرله ، سکا
وعدرلرله نه ابدیتلر ، نه دواملردن بحث ایتدکن صوکره
اونوتان ... صوکره بلکه ... اوف ، صوکره بلکه اکائن
ارککلارده می وار ؟

یابتون بوقلبده کی غرامکله برابر بوظلملره قارشـو

نصل ، نصل اولورده صاحیلرک آق تالمرله ، جملک درین
 چیزکیلرله خراب اولماز نصل اولور ؟
 اوخ بو ظالم ارککلر ، دکلی ؟

مصريه

اوراده ، قارشيمزده ، معند نظر لرمزك التتده
 ازيليوردی . كنديسه-نى چوجوقلرى ايچون كنيرتمش
 دوستمك قولاغمه اكيلهرك ياواشجه سويلديكى سوزلك
 كندينه عائد اولديغى بيلمكدن متحصل بر پریشانلقه يابه جق
 برايش بولاميه رق شاشيريه بور ، اللرى الديونلردن صويتمق
 ايچون اوغراشه رق بوش قالمامق ايچون اونلرله اوينا يوردی .
 وجودينك تشككده برفرانسز ، برانكلير نزاكتندن
 زياده بر المانلق ، برقاليناق واردی ، كنديسنده شايان
 دقت يالكلز كوزلريله اللرينك كوزللكى ايدى ؛ الديونلرله
 اوينايان بواللر جلدی غايت رقيق ، نسجى غايت لطيف ،
 ايجه ، اوزون ، بي-اض ، طمه-ارلرى صولوق رنكلريله

ترسم ایدن بیاض وزمین الار ایدی . باشنده چیچکلریله
شکلی قویو بیاض تولک آرقه سینه کیزانن شابقه سی ،
وبونک آلتده کوزلری ، سیاه کوزلری واردی .

وبو کوزلر ، ساده بوسیاه کوزلر ، ساده بونلر اونی
نظر مده بایک عادی ، بلکه لاقید برقادین اولمقدن چیقارهرق
حانه آجینه جق ، آغلانیله جق بر مخلوق دیه تاقی ایتدیریوردی .
فما کیلمش ، دها فنا کیلمش البسه سی ، تناسه سبز
چهره سنده کی قالین دوداقلریله برون ، فنا شابقه سی ، هر
شیئی هیچ کوزل دکلدی ، فقط ... فقط کوزلرینه
اغلار کی پریشان ، مظلوم ، مشتی نظری ، بتون
وجودینه ، محجوب طورلرینه اوپله بر محزونیت
ویریوردی که باقدجه اغلامق ایسته یوردم .

اواستان بولده اوکره نیلمش انکلیز جه سیله کلاتیوردی که
اسویچرده دوغمش ، کچنه بیلمک ایچون اقرباسیله بورایه
کاریکی زمان آتی یدی یاشنده اتمش ، باباسی او قدر قصیر
البصر ایتمش که هیچ چایشه امیورمش ، حتی کندیسیده
هیچ کورمز ایتمش ... یانلرنده بولوندینی بر قاج عثمانلی
عائله سنی صایوردی ، سوزسز قلوبینه کری کوندرلمه مک
ایچون ، بلکه عجمی ، پجر کسزدیه ردایدلمه مک ایچون دائمه

سویلیور ، کوزلرینی شمسینه سندن نادراً آیریوردی ،
بزم مصر نظر لر من التند صیقیلیوردی ، بتون حاندن
بر معنای عجز و فریاد یوکسلیوردی ، « صوص آرتق ،
وقورقه ! » دیه حایقیر مق ایسته یوردم . لاقردیلر
آغزندن دوکوله دوکوله نهایت لاقیر دیسز قادی ...

یامده دوستم بونی موقتاً طوتدیغنی ، صباحین
والده سیله کلن و تربیه و نزا کتیه کندیغنی مقتون ایدن
« چیوی صورتلی » برانکلز قیزی کلنجیه قدر بونی
براقیه جغنی اکلاتیوردی . وقز مضحل ، پریشان ، سکوت
ایدیوردی . و بن اونی دوشونیوردم .

اونی ... اوخ یچاره حیات شکسته ، سنی ، سنی
دوشونیوردم ... حیاتی بویله بیک درلو باشقه حسابلرله
ایش کورن یانجیلر اده سنده ، اونلرک کیف وهوسنه
تابع برملعه اوله رق کچمه که محکوم ، اک حرارتلی عائله
محرمیتلری اده سنده دائماً بیسکانه و محقر قالمغه ، بتون
احتیاج و اشتیاق روحنه رغماً سکون و انجماد ایچنده
کچمه که محکوم اولان سنی دوشونیوردم . یابویکیلاکی
چیریشلیله کندن اکلاشیلان باصمه کولمک ، بونی بوصباح
کیده جکک یرده حسن تأثیر ایتسین دیه کیم بیلیر نه فدا .

کاراقلر ، نه همان اجرا ایدیه مین نیتلرله آلدک ؟ لیکن بو
 قدر عاجز و ذلیل طور مق ایچون کوزل اولمدیغکی بیلیور
 میدک ، آه ای سـفیل ! صوکره ، کیم بیلیر نه باشلامغه
 جسارت ایدمه مش عشقلر ، دکلر ، نه تورم ایتش امللر ،
 نه یاره لاشمش امیدلر ...

لیکن اعتراف ایت ، قورقمه . کوزلرک بکاده هر کسه
 باقار کبی عجز و تردده بقاسین ، قورقاسین ، بیلسـین که
 کندی ا کلایان و آجیان واکلامقله ، آجیمقله تسلی بولان بر
 قلبک قارشیسـنده در ، بیلسـین که ناموس بوفقر و عجزدن
 باشقه برشی دکلر ...

ملوث

— سامەر يالەسە —

كەندىسىنى يانەندە زوجىلە كورنچە طانىدىم . باغچە يە
 كىرن چىقان خەلقك آره سەندە ايلرىلە يورلردى ؛ زوجى ،
 سيورى صقالى ، ايچە بويى ، قاوون شاپقەسىلە اندە
 قادىنك پەلەرىنى طوتەرق اوطوره جق برىر بولە بىلىمك
 ايجون اطرافە باقىوردى . باغچە بوپازار كۆننك بك
 اوغلەندىن بوغاز ايچنە هجوم ايتىش حريص ذوق وصفـا
 غلبەلىنى ايلە طولمىش ، اوطوره جق ير قالدىغىندىن بوش
 يرلەر قونىلان ماسەلر بىلە اشغال ايدىلەر ك برچوق
 كىمەلر آياقدە قالمىدى . اوزاقدە دكز ، نىشەلى بر كونشك
 التەدە ، بتون الماسلر يە تترە يوردى . يوقارىدە ، تەراسەدە ،

فرانسه دن کلمش برقاج قلیج جانبازینک ویردکلی اویون
ایچ-ون حاضرلارنان بین الممل بر باندیرا چادیری آلتینده
بریکن کبار خلقت آره صره خنجلی بریاغمورک سیلان
خروشی کی دوکوان آل شاقیردیلری موزیقنک
کورلتیلرینه قاریش-یور ، صوکره تعاقب ایدن درین
س-کوت ایچنده یالکیز چلیکلرک شمات تصادمی دوام
ایدیوردی . کیرن جیقان خلقت ازدخامی قابونک یاننده
برمنصبه اینن ایکی نهرکی قاریش-هرق کردابلانیوردی .
ریختم عربهلرک ، صاندالارک کتیروب براقیدنی قادیلر ،
ارککلرله ، عربهلرک ، سواریلرک عظمتلی کچیش-لریله
طاشیوردی .

اونلر برچ-وق باقندقدن صوکره مایوس اولوب
دوزلرکن آرقده کی آغاج کوشکلرک برندن قالقان بر
قادیله ارککلک یرینی قایمق ایچون شتاب ایتدیله .
اوطوردقلری یرده کندیلرینی ایجه کورمک ایچ-ون
وضعیتی براز دکیش-دیرمک کفایت ایتدی . زوج و
زوجه بولدقلری یرک نشئه موفقیتدن ممنون اولهرق
اطرافلرینه باقارلرکن کندیلرینی تدقیق ایتمکه باشلادم .
بن اونی دها کنج ، دها کوزل تصور ایدیوردم ؛

فقط دقت ايدليكنك فرقنده اولمايه رق سيماسنك افاده
طبيعيه سايه اطرافه باقندجه تصورمدن ايرى بروجودك
اوستنده كي ايرى چهره ، كوزلرك رفتنيزايكي ، خطاوطده كي
تقررسنلك هيچ خوش ككادي . وايكي سنه اولديككديكم
او آجي حكايه عشق وابتلا شيمدى قهرمانك بوتد قبيله
احيا ايديلهرك تمام اولغه باشلايور ، حكايه دن صوكره
بو قارى قوجه حياتك فصل بر حيات اوله ييله جكنى
دوشونمك نى تاليم ايدىوردى .

پارسيده تحصيلده بولانان بردوستمه راست كلن بو قادين
اونك ايچون قطعى بر رابطة ابتلا حاصل ايتمشدى ،
عودتنده استانبوله قدر تمقيب ايتديره جك قدر متحكم
برابتلاي منحوس ... قادين اوراده برسنه دوام ايدن
مناسب بدن صوكره دليق انليدن آرييله ميه رق ، اوندن آيرى
ياشايه ميه رق ، ياشايه ميه جغنى ، اونوته ميه جغنى حس ايدهرك
اسير و ذليل تمقيب ايتمش ، اونك رد و تحقيريله برابر
ايرلىق ايسته ميمش ، نه اولورسه اولسون ديبوب جاني
آله جق بر آدم حرص و تهالكيله اونسنز قالمغه راضى
اولامامشدى .

وزوجى بونلرى بيلور ، واونكله برابر قاريسنك

بو عاشقنی تعقیب ایدیوردی . زوجہ سی ایچون دلیقانیلیه
سرفرو ایدیور ، اونک یاننده قادینک حایسی ، شفیی
اولور ، نه یاپالم بر فلاکت بو ، دییه بو حاله راضی
اولوب تحمل ایدیوردی .

قادین ، ذلیل و خوار ، دائماً بایشهرق ، دائماً
طایلهرق ، تحقیرلر تبیدلرله برابر حالا سوه رک ، عشقی
تداویسز برخستملق درجه سنه چیقارهرق وارکچمه یور ،
کنندن قورتولمق ایچون مقری کوینه صیفیه یه چیقان
دلیقانیلی اوراده ده تعقیب ایدرک قارشیلرنده زوجنه
برأو طوتدیریور ، بو کویجه رذالتی موجب اولیور ،
قادینک اتخار تهدیدلری ، تشبثلری ماصال اولهرق
اطرافه یاییلور ، فقط او عشقندن باشقه برشی کورمیه رک
نه اولورسه اولسون ثبات وعاد ایدیوردی .

بو قادینک بو حرارت ابتلا ایله دوستمه راست
کلنجیه قدردها کیم بلیر نه عشقلر کچیرمش اولماسنی
دوشونیوردمده برچوق کشینک برچوق سنه لر کیمش
چیقارمش اولدیغی مردار برقارناوال البسه سی قارشیدسنده کی
نفرت واستیکراه ایله باقیوردم . و بونلرده انسان ایدی ؛
لکن بو قدر درین ، بو قدر درین لوته دالمق ایچون

انسانلرک بوقدر متحمل ، وقیدسنز اولسی بنی غنیانه
 سوق ایدیوردی . برالبسهنک روحی یوقدرکه تخطر
 ایتسون ایکره نسون ، فقط س-نک ، فقط آه ای قادی
 سنک ، سنک حسک ، سنک روحک بویله پاچاره اولقی ،
 اولغه نحمّل ایتک ایچون نصل برشیدی ؟ سن ده هرکس
 کبی بر موجودمی ایدک یوقسه باشقه برچامورمی ؟

وحالایاشامق ، حالایاته شمدی شوبانچیده باقدیغک
 نظرده کی نشئه ایله باقایلمک ایچون ارتق هر درلو علویته
 بتون بتون بیکانه اولایلدیککی کوردکجه اطرافه باقوب
 بو طانیدیغ انسانلرکده کیم بایر نصل کیزلی سفاتلرله
 معلول اولدیغنی دوشونیور ، وانسانلقدن نفرت ایدیوردم .
 حیاتی کوزلاشدیرمک ایچون عصرلرک مجاهدلری
 قارشیدسنده وجود یوکسلیمک ایستهین روحی ناصل بر
 عنادایله حالا چامورلره چکیور ؟

بردنبره او قدر دوندی که آرتق چهره-سنی کاملاً
 کورمهک باشلادم . اوزمان برشی بنی ضبط واشغال ایتدی .
 بوقادین چهره-سندده باشقه برحالت واردی . کوزلریله
 قاشلرینک افاده-سندده هیچ اونوتدیرمیه حق برافاره
 مخصوصه ، برمعنای جالب واردی ؛ کوزلری ، تشنه ،

باقارکن ، بردن کوز قاپاقلری تتره یارک چکه سنده بر
 بروشوق حاصل اولوب بریری صیزلایورکی نظره بررنک
 الم واذا چوکیوردی . وبوحال بنی قورقوتیوردی .
 عینی حال زوجنده واردی . آره صره آغزیله کوزلرینک
 آره سنده بردامار کرلییورکی برخط عصی اهتزاز
 ایدیور ، اوزمان جانک یانمسندن حایقیریورکی بتون
 سیما قورقوچ برحال باغلا یوردی .

بردن بوسیالری چوقدن کورولمش واونوتولماش
 برشی اولق اوزره تخطر ایتدم ؛ فقط بونده بررعه شه
 هراس واردی ؛ بوقادینی اولدن نرده کوردیکی
 دوشونورکن دوقتور شارقونک تدقیقاتنه عائد رساله ده کی
 چهره لر کوزومک اوکنه کلدی . اوزمان بو آلام
 خائنه نک النده بو ایکی موجودکده اتصال برقریان تباه
 اولدقلرینی کورهرک آجی سهؤللرمک بردن جوابی
 بولدم ؛ وجودک بروراثتدن ، یاخود برخطادن متحصصل
 برتصورك سوقيله روح بشرك بمضاً نه خسته ، نه مجروح
 اولدیغنی دوشونهرک بوسوائق الیمه نک نصل برحماکی
 غیرقابل مقاومت بر سبب سقوط اولدیغنی اعتراف ایتدم ؛

عادتاً مختصر برخسته یه باقار کبی، اوزمان بوزوج وزوجه یه
 هر جمله باقهرق اونلره واوله بر چوق انسانلره آجیدم .

آطه واپورنده

اولا ، صباح ، عزيمتده برقاج توالنك رسم كشادن
باشقه برشی یوقدی . كال قباعته بونلری تدقیق ایتدك ،
واونلرك بربرلرینه وباخصوص البسه لرینه نصل بردقت
منقدانه ایله نصب نظر ایدیشلریله اكلندك . هیچ برشایان
دقت ، شایان انجذاب ملاححت ؛ ساده غایلك ، مدبدب بر
یهودی عائله سی اره سنده محتشم شرق ملاحتیله برکنج
قیزكه تناسب ومكملتیله بنی تبعید ایدیوردی .

فقط عودت پك تهاكله واقع اولدی . بركره بتون
چهره لر كورولمش ، بیانمش چهره لر دی ، بو بر پارچه
محرمیت ، الفت ویریوردی ، صوكره ، كونك بتون

یورغون ذوقیله وجودلر رخاوته مستغرق، صانکه اوقدر
 نشئه ویره رک چکیان کونه مدیون، محزون برغر و بک
 احرارلری قارشیسینده، هرکس ساکت و ممنون ایدی.
 نظر دقیمی بالخاصه اوطوردیغم یرده صباح ده البسه سیله
 بنی اشغال ایتیش شوصولوق بکزیلی. اوزون سیاه کوزلی
 کنج قادین جاب ایدیوردی. کوزل دکل، هیچ دکل،
 فقط عصی، کوزل دینله جک قدر عصی، بتون قادیلغی
 ساده بانسیله، سویلیشبله عربان براقان بر عصیتله پر هیجان
 بر عصی... بونسوینله بو توالک انجادیسه، بونلردن
 سریان ایدن شوخلغه باقیوردم.

یاندی اوزون سیاه پچه سنک ارقه سنده اولا کیزانیرکن
 اوننی قالدیرجه نهایت کوروان، هنوز افقده بولمان یوارلاق
 بویوک بر آیه بکزه یین چهره سیله، اوچ قات کنیش چکه سیله
 غایت شیشمان بیض بر کنج قادین واردی که اونکله قونو.
 شیوردی. بونلره ایکی ده ارکک رفاقت ایدیوردی که
 برینی بک اوغلنده مغازه لرده طنمش بر چهره، دیگرینی
 یینه بویله بر تنزه یرلرنده اوکره نیلمش بر خوارده روم
 اولق اوزره ذاتاً بیلمردم؛ فرق اولونی-وردی که بو آدم
 صولوق قادیسه رفاقت ایدیوردی، وغالباً اونک زوجی

ایدی ، اره لرنده کی ضعیف چو جوق ده بوطنی تقویه
ایدیوردی . او برینه کلنجه شایقه سینه وقولنه دیکلمش
سیاه قره پدن بللی ایدی که شیشمانه منسوبدی ، فقط نصل
کورو نیوردی که صولوق قادینه انتسابدن باشقه براملی
یوقدی ، هیچ یوقدی ...

اولا هرشی اینی دوام ایتدی ، شیشمان قادین فرق
ایتمه رک ایکسینک آره سنده سویلیور ، دیکلیور ، او برلری
ایسه کوندن ، بر برلرندن ، باخصوص شیشماندن ممنون ،
اکله نیورلردی : زوجه کلنجه ، قاءره عمومیه اولدیی
اوزره ، او او بر طرفده باشقه بریله قونوشیوری . اولا
هرشی اینی دوام ایتدی ، دیمشدم ، فقط بر زمان کلدی که
بیلیم نصل اوراده سیلندیر شایقه لی ، سیوری صاقاللی
بر فرنک پیدا اولدی ، ونظری اطر افده کزدکن صوکره
بو صولوق بکزیلی کچ قادینده کلدی ثبات ایتدی .

اوه آنده صحنه ، تیاترو کتابلرنده دینلدیکی کبی ، منظره
دکیشدی ، مجلس دکیشدی ، شیمدی اولکبلر ، و سیاه
شایقه لی فرنک اولدی . کچیج صولوق قادین اولاساده
رفیقه سینه آغزی ، کوزلری ، قاشلریله اشارتلی تقلیدلر
یاپوب مطلقا برینی چکیشدیررکن بر آن اولدی که دقت ایدلد .

یکنک ، صانکه سهچلدیکنک ، ترجیح اولوندیغنک ،
 بونظرک کئنده ساده توقف دکل، ثبات ایتدیکنک فرقدده
 اولدی ؛ وشیمدی قونوشان اوطیحی قادینک بردن باشقه
 برقادین اولدیغنی کوردم ، طورلره برالصالت کلدی ، چهره
 کسب جدیت ایتدی ، کوزلر بیلمم اصل اولدی بروقار
 محزون پیدا ایتدی ؛ وغالباً ممونیتندن ، حتی کوزلر بیله
 اولدی . دقت ایدلیدیکنک ، بکئلدیکنک فرقدده اولان
 وبونی ادامه ایتمکدن باشقه برشی ایستهمین برقادین حایله
 هپ ازبرلمش . حاضرلانش ، تجربه ایدیلرک تاثیرلری
 تحقیق ایدلمش طورلر ، حاللر ، حاللر ، غمزه لر توالی ایتدی .
 دنیانک الک کوزلر مضحکه سی اوینانیوردی . قادین
 یرنده طورده میوردی ، صانکه برآینه قارشیسنده ایمش کی
 حاللری واردی ، سوزلری آرمسنده اتمکنک برقیوریمنی ،
 صاچلرینی شوپله بر پارماقله دوزلتمک ، بوتیننک اوچنی
 سوزوب حاصل اولان تاثیردن ممنون ، سوزینه خنده لرله
 دوام ایتک ، وسوزی شوخلقلرله ، قادینلقلرله ، بویونلر
 قیره رق ، اوموزلر تتره تهرک ، تبسملر یاراده رق ، کوزلر
 سه سوزهرک بیترمه مک ... بر آن اولدی که رفیقه سی ده بو
 تبدلاک فرقدده اولدی . اوزمان مضحکه کسب اهمیت
 ایتدی .

بکا اویله کلدی که اونک دوداقلرنده اینجه بر تبسم
 پیدا اولدی ، ورفیقه سنک طورلرینی اوده بنم کبی تدقیق
 ایدیوردی ؛ شو فرقله که کندیبی اوننی پک ابی بیلدیکی
 ایچون صانکه کوزلرنده دیوانه حریف بیلمزکه سن نه
 متاعسک ، کندیکه او قدر اهمیت ویرمه ... نه اولدیفک
 اینجه بللی . « دیمک ایسته یین بر تبسم واردی ... فقط بو
 بزم کج خانمی تدبیرلرندن منع ایده میوردی . اونصل
 اولورسه اولسون اده کی اقبالدن استفاده ایتک ایسته یوردی .
 صوکره ، حس و کشف سرایت ایتدی ، ماتلی کنج
 آدمده ، حتی اوزاقده قونوشان زوجی ده فرق ایتدی ،
 فرنک او قدر عصبی بر نظر ثابت ایله نکران ایدی که زوج
 ایله او بری بونظر ثابته براییکی نظر مدهش عصف ایتدیلر .
 فقط زوجی فیلولوزوف بر آدم اولمالی ، بونک بر نتیجه سی
 اولیه جغه یاخود اولسه بیله بی خبر یعنی راحت قاله جغه
 نجر به لرله قانع بولنمالی که محاوره سنی فدا ایده مدی .
 و آرقه سنی دونوب اهمیت ویرمه مکه موفق اولدی .

فقط او بری ، سیاهلی دلیقانی ، کوریوردم که او
 بوکا راضی اولامیوردی ؛ سواده فرنکک بقسنه بلکه
 راضی ایدی ، فقط اونک نظری التمه کنج قادینه نه

ممنونیلر تموج ایتدیکنی ایشته بنم کی اوده کور یوردی،
 وایشته او بوکا تحمل ایده میوردی ؛ اوزمان ، دها زیاده
 طورده یه رق ، برکاره چکیلدی، مغیر ، متهور ، اوزاقدن
 فرنگی سوزمه که باشلادی ، بی شهه بونده عص-بیت غایه
 ایدیوردی .

فقط بن اوزاقدن ، ساده بر سیرجی صفتیله ، دها
 زیاده سلامتله محاکمه ایتدیکم ایچون دها فیلوزوف
 طاوران یوردم ، و متهور دایقانلینک قولاغنه ا کیلوب دیمک
 ایسته یوردم که : — لکن بچون مضطرب اولیور-سکز .
 ییلمیورده یسکز که بوکچجی برشیدر ، سز ایسه هر زمان
 اونک یانده سکز . هم بونک نه سنده فالاق وار ؟ غیر قابل
 اجتناب اولان شیلره اهمیت ویرممک قدر حکمت اولاماز ،
 باخصوص که شمعی کو پریده شو معجز حریفی براقه جقسکز .
 سزی تأمین ایدرم که بو اونک فالغندن دکل ، ساده جه
 قادینلقدندر . انسان قادینلردن او قدر سعادت کوردکن
 صوکره اوفاق تفک نازلرینه ، آجیلرینه تحمل ایتلیدر .
 سزک برخیانت کوردیککز یرده ساده جه بره عامله
 کیمیویه وار . بر قادین برارکک طرفندن بکلیدیکنی حس
 ایدنجه ، حتی باشقه نی سویورسه بیله ، شوخ اولور .

بوکا ایترسهك روحی ، ایترسهك حکمی بر قانون دیگزه
 فقط هر حالده عمومی ، ازلی بر قانوندر . بوکا راضی اولمالی ...
 و کیدی کندیمه کولهرك دیه-وردم که : — حتی
 ایترسهك منفعل اول ، راضی اوله ، مضطرب اول ، بونی
 منع ایده من-سك . مادام که قادین ایسته یور ، دنیاك هیچ
 برفوتی یوقدر که اونی بوندن ، بونی ایستمکدن منع ایتسونه
 و ایستدکن صوکره اونی جبر ایتمک قدر بهوده شی اولمازه
 حتی سکا مفتون و مشتاق ایکن بیله ، سکا ملاقاته شتاب
 ایدرکن بیله کندیسنه . مفتونانه منعطف بر نظره منتدار
 اولور . صانکه نه قدر شایان محبت اولدیغنی اکلارسه او
 قدر مسعود اولور . قادینلرک چوغی سولدکلرندن زیاده
 شایان محبت اولدقلرینی اکلادقلر یچون مسعود اولورلر .
 فقط آه بو قادینلر ، بو قادینلر ، بیلسه لر که اک بویوک
 عشقلر بیله بویله اهمیتسز نظرلرله نصلل مجروح
 و بیج-ال قالیر . بونی کندیلری ده بیلسه لرده یامسه لر ...
 یوقسه ، آه یوقسه اولنلرک روحنی بویله محظوظ اولمقدن ،
 بو شوخلقدن ، باشقلرینک محبتلرینه تهالکدن منع
 ایده من-سكزه ...

وساده سیرجی صفیله باشلامشکن شمدی کندمده

کسب علاقه ایدیور ، واکلیرکن مضطرب اولمغه ،
آغر، آجی بر حزن نخطر ایله ظلمت آلود قالمغه باشلا یوردوم .
واوده ، کوری یوردوم که اوده مضطربدی ، حالا گوشه ده ،
حتی آرتق اونلره باقیه رق ، سیاه دومانلر آره سنده مختصر
کونشه قارشى ، دالمش قالمشدى .

اوزمان آچیدم ، « لیکن مادام که سنکدر ، مادام که
شمدی او حریف دفع اولمجه ینه سنک اوله جقدر »
دیمک ایستادم ، فقط اونک کوزلرینی کورر کی اولدم ،
اوقدر آجی بر نظر شکایتی واردی که آرتق اوصاندیغی ،
بو حریفک کندینه دکل ، نره یه کیتسه هر گوشه ده بویله بریسی
بولان اوقادینه مغیر اولدیغی اکلادم .

بونک نتیجه سز اولدیغی بیله کی حالد ده ینه نفسی
اضطرابدن منع ایده میور ، دیدم ، بوقدرینی بیله ایسته میور ...
دیمک ، دیمک صحیحدن سویور ، دیمک جداً ، بنم کی
سویور ... او یله ایسه ... آه او یله ایسه ...

تلاقی

آه یاغسین ، بوکیجه یاغسین ؛ سندن اوزاق اولدیغم
بوکیجه سمانک بتون یاغمورلری یاغسین ؛ تک بن بوراده ،
سـنـک اولدیغک بوراده دون کیجه کی قرله یاب یالکز
قالیه یم ... طوفان اولسون ، مادام که بوکیجه سـنـدن
جدایم ، ابدیتک یاغمورلری یاغسین ... فقط یارین کیجه ،
آه ای قمر ، یارین کیجه ینه سکا ، ینه سنک نور چهره که
محتاجم ...

شیمیدین اونک یانکده ، شمدیدن سنک یانکده کی یم ؛
یاشادجه ، نفس آلدجه سنی تنفس ایدیورم کی کلیور ؛
اوبوی شـوخ وجودکه بوراده ، اوقدر اوزاقدن بیله

مست و محموم قالیورم . دوندن بری بیک کره دون کیجهنک
تفصیلاتی دوشوندیکم ، اوندن باشقه هیچ برشی یایم دیغم
حالده ینه قانع اولامیورم ؛ و بوراده ، سندن او قدر
اوزاق اولدیغم بوکیجه ، بویاغمورک سیلانی ایچنده سنی ،
یالکز سنی ، ابدیاً سنی دوشونورک ، سنک ایچون ،
منحصراً سنک ایچون یاشایه رق دون کیجهنی بورایه قید
ایله ، اونی ضبط و توقیف ایله مشغولم .

یارین کیجه تیتیه تیتیه کوشکک اوکندن کچرکن ،
پانجورک آرقه سندن کورینوب امید تالاقی ویردیکن ،
برآز صوکره باغچه ده برخیال نور وامل ، برخیال شعر
و شهاب ، برخیال عشق و وفا کی ، قمرک آلتنده باشقه
برموجود سماوی کی بانه ، کاردیککنز ، « دون کیجه نه یایدیکز ؟ »
دیدیککنز زمان « سزی دوشوندم » دیه بوکاغدی ویرمک
ایچون مشغولم . آه کرچکن بومکن اوله جقمی ؟ یارین
کیجه ، بووقنلر سنزک یانکزده ، سنزک سسکنزک ایچنده ،
سنزک هوا کزده یاشایه بیله جکمییم ؟ آه آللهم ، برکیجه
دها ، صوکره اوله بیلیرم ...

نصل باشلایهیم ، سزی ایلك کوردیکم زمانی نصل
تعیین ایدیم ؟ بکا او یله کلیورکه سزی ازلدن بری کوره شم ،

اوزماندن بری سویبورم ، اوچ آی اول ایلك دفعه کوردیکم
 زمان روحده او قدر آشنا بر حس تیره دی . موسم
 باشلادیغی زماندن بری بنم بتون شمس آمالم ، جاذبه روح
 سندنك ؛ آطه نظر مده اسکی آطه اولمقدن چیه رق بر
 معزیت آلدی ، سنی ایلك کوردیکم کونی تخطر ایدنجیه
 درین بر ظلمتدن ، وؤبد نورلره کیریورکی اولیورم ، سنم
 قالسیدم بوسنم ، بلکه بتون حیاتم سیاه و پر ماتم کجه
 جگدی ، اولیه می ؟ آه قادیلر قادیلر ، وسز آه ای کنج قیزلر ،
 اصل سن آه ای کنج قیز ، حیاتنك ، محروم شفقت حیاتنك
 بتون بارشعری آلتنده از یلمش روحم ایچون نصل بردوای
 تسلیت ، نه عظیم بر نفیحه شفا ، نصل فدای جان اشتیاقلریله
 تیره تن بر غایه املسکمز ؟

اوچ آی ، بنم ایچون اوچ آی سن بر هدف آمال ،
 بر هدف حیات اولدك ؛ بتون ساعترلر سنك ایچون ، بتون
 نیتلر سنك ایچون اسیر اولدی ؛ سنی کوره بیامك احتمالی ،
 بیکده بر احتمالی ایچون اك مهم تصورات حیاتیه می اھمال
 ایدیوردم ؛ تك سنك اندامکی ، تك سنك پچه کی ، تك
 سنك رفتاریکی کورمك ایچون ... آه بونلرک بنم ایچون نه
 اولدیغنی بر بیلسك ، بر بیلسك ... اوزمان بكا « بو پچه یی

آلماق ایچون فدای حیات لازمدر « دیسه ایدیگز شیمدی
 یاشایه مازدم . زیرا برشی ، باشقه برشی امید ایتیموردم ،
 باشقه برشی امل ایده میوردم ؛ انسان غروبک احرارلری
 اقسا-امک اسمر تالا طملریله داغ-لانیدیغی پ نور وظلمت
 سماده بر قطره الماس کی تشعشع ایدن زهره یه نصب امل
 ایده بیایرمی ؟ - کونئی ، معقب ، ملول و صادق ، - سنک
 دکل ، - سنک خیالکک بیله اسیری ایدم ؛ کردندز راست
 کلدیکم یرلرده راست کله مدیکم زمانلرده دولاشیر ، خیالک
 ایچون دولاشیردم . سندن اوراده بر قطره رایحه ، بر موجه
 خنده قالمشدر ، سندن اوراده بر نور حیات ، بر نغمه تنفس
 قالمشدر دیه اویرلردن آیرمازدم . راست کلدیکم ، یانمدن
 کچ-دیکم کوره جک ، اکلایه جق ، منفعل اوله جق ،
 قاشلرنده براحنای استخفاف کوره جکم دیه ازیلیر ، بتون
 مغنویتله حردوخاش اولور ، سرسم ، نورکله ، کنارشکله ،
 کندکله سرسم ، بیتاب حیات ، بیتاب سعادت قالیردم .

فقط برکون ، امان یاربی ، اوکون ... باق قلمم
 آلمده تیره یور ؛ بتون قابلیتله ، بتون رعشه ابتلا وانجذا-
 بمله اوکون ایچون برسوز بولامیورم ؛ اونک بنم حیاتمده
 فصل برکون اولدیغنی اکلاته میورم ، بتون لسانم لال فتور

قالیور . اونظر کزک بنده بر ثانیه ثبات ایتدیکی ، بر ثانیه
 نور و رایحه دن عبارت بر حزمه نکاه ایچنده بر اقدابی
 کون ... حیاتم حیات کائات قدر سورسه ، اجرام
 و شموسک مرکز انکاسنده قالسه م اوقدر قاماشام ، اوقدر
 یانمام ... اوزمانه قدر اسیر نفاستکزد م ، اراتق اسیر نکاهکن
 اولدم ...

اراتق راست کارجه فراری ، متوحش نظر لر کزه
 معروض قلمغه باش-لادیم هفتلر کلدی ؛ انسان ایچون
 اوقدر سعادت مقدرکن حیاتدن شکایت قدر معنائز
 بر حرکت اولور می دیردم . شیمدی دوشونیورم : بوناردن
 محروم اولانلر ایچون حیات تحمل ایدیایر شیمیدر ؟ سز
 سز باشاق ، سز یاشاق ... بونی اراتق دوشوندکجه
 ممکن کور میورم . آه یار کونینه سز قایر سام ؛ دون
 کیجکی حرارتکی ، روحه تیره یین بوی و حرارتی
 دوشوندکجه بوفکر ذهندن نه سرعتله سیلایور بیلسک ...
 بنمک ، اراتق بنمک دگلی ؟ منحصر آیم ؟ اراتق بنده
 حیاتدن نصیبی آلمش بر آدم عد اولورم ، هرکس ایچنه
 چیقهرق ه اوت ، بنم ه حیاتدن بر نصیب وار ، اشته ؛
 دیه کوس-تره بیلیم ، و هرکسی حیران ایده بیلیم دگلی ؟

آه نایز یقدر که حیاتک برقیقتی یوقدر ، نه یازیقدر له بنم
سکا لیا قتم یوقدر !

هر اقام سزه اوتوده بریده راست کلت ، کوز کزدن
باشکزدن دکل ، روحکزدن کلن سلامی آلمق ، هر کیجه
صباحلر قدر کوشکک اوکنده طولاشمق ، سزی اوراده
پاجورک ارقه سمده حس ایتک ، مهتالی کیجه ده کواکه
کزی کورک ، سغاره کرک آتشی کورمک ، سسکزی
ایشیتک ، و صکره... صوکره هیچ ، صوکره برجسار-
تمزلک... دمیردن بر آب حرکتلرمی ، سوزلرمی منع
ایدیوردی. فقط آرتق اولیوردم ؛ دوداقلرم یانیوردی ،
قام عصیان ایدیوردی ، ایکی هفته در هر آفشام مسعود
نکا کز قاهره هر کیجه اورادن کچدکج. برشی سوبلمک
ایسته یوردم ؛ قاچ کره ، اورادن کچرکن سنکده بنی
بکله دیککی ، سنکده پنجره نك ارقه سمده طور دیگی کوروچه ،
قاچ کره تیره یهرک ، آغایه رقی اورایه دوشمک ، واولمک
ایستدم . بوسه یغاره مسئله بنی بولجیه قدر ، بوکاقرار
ویرنجیه قدر ، و بوقراری صوکره اجرا ایدنجه قدر نه
اضطرابلر چکدم ، نه تحمل سوز آنلر کچیردم بیلسک...
تمام حاضر لادبغم سوزلری س-ویلیه جکم زمان برشی

بوغازمی قوروتیور ، نفسمی کسیور ، اولدیریوردی .
 نهایت ، نهایت بیلم نصل اولدی ، بیلم نصل
 جسارت ایتدم ، سزکینه سیغاره کزک آتشی کورمک
 سیغاره قوطومی چیقاردم ، « آه بر آتش اولسه ! »
 دیشم ؛ تیتریه تیتریه ، بیلم کیمه قارش بومضحکیمه لزوم
 کورمک ، جیبارمی قاریشدیریوردم ؛ کبریت اولدیغنه
 قیزیور کورونیوردم . « بویکجه شوراده برسیغاره ایچمک
 ایستردم ... » دیه سویاندم . پجره ده ، یوقاریده پرخلانجان
 برقوشک قباد سبی قدر تالاشلی لرزان برفیصاتی اولدی ؛
 وسیغارکز ، آم بوقیمتدار سیغاره ! اشاغی دوشدی .
 بربلوط ایچنده اوننی آادم ، باشمی قالدیره ق : « تشکر
 ایدرم » دیدم ؛ « بونی یادکار اوله رق صاقلایه بیلیریم ؟ »
 دیه صوردم ؛ عینی فیصاتی ، عینی هیجان ... « دیمک
 ممنوع ! یازیق ، بوقیمتدار بریادکار اولوردی ! » دیه
 سویاندم ، برسس ، سمدن اینن برسس : « اوقدر اهمیت
 ویریورسه کز ، لطف ایدرسکز ... » دیدی .
 پانجورک یالکیز برقنادینک آلت قسمی قالتمشدی ،
 بوپنجره باغچه یه ناظر جه ده ، سوقاغه باقان جه نه نک
 گوشه سنده ایدی ؛ بردن عقلمه برشی کلدی ، « برسیغاره -

ده بن ویرسهه لطفاً قبول ایدرمیسکیز ؟ « دیدم ؛ اراق
 بیلمم اصل سویلیه بیلوردم ... یوقاریده برتردداتیه سی
 کچدی ، بن سیغاره نی حاضر لایه رق یوقاری باقیوردم .
 برال اوزاندی ؛ الک نسجی ، وپارماقدکی یوزوکلک ،
 قولده کی قیوریق قوللغک پارلتیسی جسه سارت ویردی ؛
 اوراده کی مردیونک طاشنه باصه رق یوکلک باغچنک
 پارماقلغنه طوتوندم ، سیغاره نی ویردم ؛ « سزده برکل
 آمازمیسکیز ؟ « دیدیلر ، یانمده قمرک انواری ایچنده
 بررقادین الی کبی اوزانمش کلر واردی ؛ « فقط بوخر
 سزاق اولور » دیدم ، « چیچکلک خرسزانی اولماز ... »
 دینلدی ؛ وبوسه وز ، برآن اولوبده تاباغچه ده تلاق
 ایتدیکنز واورایه کیره جک قدر مسعود اولدیغم آن
 کلوبده سزک یانکزده بولونجه ، بوسه وز دوداقلرمدن
 فیرلادی :

— چیچکلک خرسزانی اولماز دیدیکیز ، فقط قادینلرده
 برچیچکلک دکلیدر ؟

— آه اما بن طبیعی چیچکلر ایچون دیدم ... دیه
 قیزاردیکیز ؛ اصرر ایتدم :

— لیکن اصل طبیعی چیچک قادینلر دکلیدر ؟

— یوق ، جانسز چیچکلر دیمک ایستیوردم .
 — لیکن خرسزلق ایتک ایچون اصل چیچکلره
 دوشکون اوللی ، دکللی ؟

آه بتون بونلری ، اوکیجه نک دها بیک تفصیلانی ،
 اوبنی حیران ایدن کفایت ذوقله کینشکی ، سسکی ،
 صاچلرکی ، هرشیئکی درخاطر ایدوبده بوراده یالکیز
 اولدیغمی دوشونجه نیچون دون کیجه سنک یانکده اولمدم ،
 نیچون آریلدم ، نصل آریله بیلدم ، والآن نصل آری
 طوره بیلورم ... بونی اکلامیورم .

ایشته قطعیا سویلیورم ، برکون ، سوق وقوعاتله ،
 نصل اولورسه اولسون ، حتی اسبابی بیله سویلمیه رک ،
 حیاتی یولکه فدا ایدیله جک برآدمه احتیاجک اولورسه ،
 بیلکه بنم حیاتم سکدر ، وبیلکه مدت عمرکجه بنم اولسه ک
 بیله سنک ایچون اولورکن حاصل اوله جق سعادتله معادل
 برسعادت ویرمزسک ؛ سنی اوقدر سویلیورم ...

صوك مکتوب

ایشته بو او چنجی دفعه در که سکاینه راست کلورم ؛
فقط او قدر بیگانه ، او قدر سنگین ، او قدر خائسک که ،
ارتق اکلا یورم ، حتی والده کی یانکه آلیش-کده اویله
بر مقصد ظالمانه وار که ... کویا اویانکده ایکن بکا طبعی
بر تبسم بیله ایدیله من . آه بر زمان ، او ایستدیکلک زمانلر ،
اونی آرابه که آلامق ایچون نه دسیسه لر ، نه چاره لر بولدیفکی
آکلاتان مکتوبلرک ...

صحیح ، مکتوبلرک کزی ده ایسته یورسکیز ، دیمک
کرچکدن هرشی بیتدی ؛ بن ایسه او قادین کلوب
مکتوبلرکزی ایستدیککی زمان اینانماش ، بونی محال عد

ایتمشدم . او قدر ارتباط کو ستر رکن ، او حرارت او اشتیاق
 کوزمک اوکنده ایکن بردن بوکا اینا تمامقده حقلی دکلیدم ؟
 فقط یمین ایدیورس-کمز ، زوجکمز خبر آلمش ، یا خود
 آلا جقمش ... بن ایسه- اصلا ظن ایتمزدم که بوعشق
 بویله بیتسه-ین ، سزدن آنجق اولورسه-م آریله جغم ظن
 ایدیوردم ؛ اصلا امید ایتمزدم که بویله بر هفته- ایچنده
 بندن کندیکزی آلدقن صوکره بومک تو بلری ، اونلری
 اولسون بنده براقیه سکمز ...

دیمک صحیحشم ؛ ایشته اوچ دفعه ، او کوندن بری
 اوچ دفعه کوردم ، و اوچ دفعه ده بر یا بانجی قادین کبی ،
 آرابه-سیله کز رکن کوزینه ایلیشن بر دلیقانلی یه عطف
 نظره تنزل ایتمه-می طبیعی اولان بر خانم افندی وقار
 لاقیدیه-سیله کچدیکز . دیمک هرشی بیتدی ، عودتسز ،
 بوتون بوتون بیتدی ، او یله-می ؟ ابدیاً ، ابدیاً ؟ ... باشنه
 برطوپوزیمش آدم کبی صالانه رق ، سر-یم ، دوشونه میهرک
 هپ بوسوزی تکرار ایدیورم . لکن بیلمیورم-دیکز که
 بن آرتق سز سز یا شایه-م ؟ بیلمیورم-دیکز که سز سز قالمق
 بنم ایچون اولمک دیمکدر ؟ بنم هرشیتم سز اولدیکزدی ؛
 بنم هرشیتم سن اولدکدی ... بوراده ینه « سن » دیه

خطاب ایتدیکجه سـنـک یانکدهیم ظن ایدیورم ؛ سـنـک
اوطه کده ، اواجیق ایکی کره قبول ایدلایکم بنم جتهدیم
ظن ایدیورم . فقط آرتق هر شی بیتدی ، هر شی ...
اوله می ؟ یابن ، یاشیمدی بن ؟ بن یاشایه بیله جگمییم
ظن ایدیورسکمز ؟

آه نه احمق ، نه بدلایم ؟ بوندن سزه نه ، دگلی ؟
سز ا کایوردیکمز ، بو کوزل موسمه ا کانمک ایسته .
یوردیکمز ؛ قارشیکزده ا کانمه کزه خدمت ایدم بیله جک
ضرر سز بر چوجوق بولدیکمز : بر آزدلی ، پک چوق
حرارتلی ، سزی غائب ایتمک قورفوسيله هر شیئه اطاعت
ایده جک ، سزک موقع وجاذبه کزله قاماشه جق ، کیفکمز
ایستدیکی زمان ایستدیککمز یرده سزی ا کلدیره بیله جک
بر سفیل ... فقط بر کون باقدیکمز که ا کانجه تهلهکه
پیدا ایدیور ؛ ساده جه بر زوال حرارتی وار ظن
ایتدیککمز یرده بر برکان اتهابنه راست کاریکمز ؛ بنی
اوقدر دلی ، سزه عشق وانتهایقيله اوقدر آتشی بولدیکرکه
بکا تقرب ایتدیکجه وجودکزک قاورولمه سندن قورقدیکمز .
آرتق بر حرکتله بوتلهکی بی دفع ایتمک ایسته یورسکمز ...
لکن بو حرکتله بر آدم اوله جگمش ، بوندن سزه نه ،

دگی ؟ سزه اکلانجه ، تهاکه سز ، ضرور سز ، دیکش-یچی
 برأ کلانجه لازم ... یابن ، بنم قابم ، بنم زواللی حیاتم ..
 بونی مدافعه ایتیه جگمی یم ؟ لکن بوبایدیغکز فادر ، بن
 اولورم ، بنی بیله بیله بویله قهر ایتز-سکز ! ، دیه فریاد
 ایتیه جگمی یم ؟ سز برقله اوپار حرکتیله بنی طرد ایدرکن
 بن حیاتی قورنارمق ایچون سزه صارلیه جگمی یم ،
 اوغراشمیه جگمی یم ؟ انسان چالانمده دن ، کدینی قورنارمق
 ایچون طیرمانم-ادن بوغولورمی ؟ ییلان بیله اولسه کز
 سزی براتییه جغم .

أوت ، ایشته تکرار ایدیورم ، سنسز بن چیلدیریرم-
 بکایک وعدلرله ، اطفالرله حیاتی سودیردک ، سعادتک
 نه اولدیغنی سندن اوکرندم ، شیمدی سنسز نه یاپارم ؟
 اه بیلسه که سندن اول نه-ایوس ، نه مظلما ایدم ؛ بیلسه که
 بوتون حیاته اتمده فصل بر ظلمت ایچنده بوغولوردم ؛
 کیسه سز ، سفیل ، سرسم سوروکلنه یوردم . حیات
 وکلاآتک سبب وجودنده بکاعاند هیچ برشی کورمیوردم .
 هرشیدن بیقمشدم ؛ بواوزون سفات واضطراب ایچنده
 شکایتدن ، مضطرب اولمقدن ، اولمک ایسته مکدن بیقمشدم ؛
 هیچ برشی یایامیه جق ، هیچ برشی ایسته میه جک برحالده .

اولک بیله ایسته، یه رک ، ایسته مکن ، ایسته مه مکن ،
 تردد دن ، شهید دن ، هرشیدن بیقمشدم : بیقمقدن بیقمشدم .
 ایسته سزک اینلک تبسمکز اوزمان ... نه دییم ، نصل
 اکلاتیم ؟ برطوفان اولسه ، ازلدنبری دوام ایدن برطوفان
 ظلمتدن صوکره کونش ، بزم کونشمز بردن ، بوتون
 شمشه سیله ، بوتون فیض و حرارتیله بردن یانسه حیات
 وطنیمته نخنی ، نه شوق و تهالک کلیر ... ایسته نیم ایچون
 سز او یله برکونش اولدیکز .

اوزون بر یالکیزاق ، الیم بر کیمسه منزلک ایچنده
 قحط آماله اوغرامش ، عقیم و علیل قالمش روح ایچون
 سن ایسته بویله بر شی اولدک ؛ و شیمدی بوتون بونلری
 بندن آلیورسک . لیکن بودوشونامیه جک برشی دکادر ،
 شیمدی اولدن زیاده سفیل و بدبخت اولدم ، بونی سز
 ایستیه مزسکز ؛ قوللرکزک آره سنده مسعود اولمش برشی
 نه قدر حقیر اولسه بیله ، ینه سزدن آیری بولونه ماز ...
 بواوله ماز !

آه بیلسه کزکه بوصوک خبری آلمادن نه امیدلرم ،
 نه امللرم واردی ... سزه کاغذ یازمق ، « پک اعلا ،
 زوجیکزدن قورقورسکز ، سه اتمزه اونیمی مانع

کوریورسکیز؟ او یله ایسه کیده لم... برابر قاچالم!، دیمک
 ایچون اولیوردم. و، مجون! کله جک کزه اینانیوردم؛
 یاسیز او قدر حرارت، او قدر صمیمیت کوس-تر کن
 باشقه نه بابا بیلیردم؟ آه قادی نلر، سز هیکز برش-یسکیز،
 هیکز... آلداتمده هپ برس-کیز... بن دیی-وردم که
 « بنی آلداتمغه احتیاجی اولاماز؛ سومسه بنی دفع ایدره
 فقط سزده براحتیاج کذب ودنائت وار، او یله می، او یله
 دکللی؟ ا کلنمک ایچون، کولمک ایچونمی الداتیر-کیز...
 بوجریحی اړک قلمنه بر ثانیه بر ریشه خط ایله مست
 اولمق ایچونمی آچارسکیز؟

سزی کلیر ظن ایدر کن بیله کز نه لردوشونیوردم؟ بن
 فقیرم، بونی بیایر-کیز؛ سزه بر اورمان کوشه-سنده،
 اوزاقده چرپیان دالغه لره ناظر بر کوچوک کوشک تقدیم
 ایدم؛ فقط بر برینی-سون ایکی قلب ایچون کوشکک
 نه اهیتی وار، دکللی؟ آه بز حیوان ارککلر، نه چاقوق
 ونه قدر شدتله سولدی کمزه بویله این-اندیغمز ایچون بو
 جزالر نه قدر، نه قدر مستحقز. سزی ساده-سوق
 واداره ایتک، حیاتکزه صاحب اولمق، بنم ألمده یا شاتمق
 ایچون چالیشه-جقدم، اولنجیه قدر چالیشه-جقدم. آه

نه یاز قدر که بر انسان حیاته ده بایکه بر کره تبسم ایده جک
 بویله بر اقبالی قاجیر مامق ، سودیکی سولدیکی قادینه
 « کل برابر یاشایلم ، سنی مسعود ایدهیم ! » دیه بیلیمک
 ایچون سعی و ناموسی ، ذکامی کفایت ایتور !

فقط سزک ایچون بوسوزلر پک کولتجدر ، دگلی !
 سعی ، ناموس ، ذکا یرینه عربهلر ، زه دن کادیکی اصلا
 مراق ایدلین الماسلر ، سزه قدر کلمک ایچون نه یوللردن ،
 نه اللردن کچدیکنی ، نصل قازانلدیغنی صور مق خیالکره
 بیلله کلین پاره لر ... دگلی ، سزه بولر لازم ؟

مکتوبلر کزمی ؟ آه اونلری کوندیریورم ، اونلری
 ایاقار کزک التسه آتیورم ... اونلری آلکز ، وخی
 راحت براقکز ، زیرا اونلر بنی اولدیریور ، ازیور ...
 او قودجقه دلی اولیورم ... اوسزی آرادبغم ، حیاتی
 سودیکنک ناموس و ذکاسنه تودیع ایده رک سون قادینلردن
 ظن ایتدیکم زمانلری اخطار ایدن او کاغدلری آلکز ؛
 وتاریخی دکیشدیره رک باشقه لرینه کونده رکز .

سز ظن ایدیورم یسکز که بن سزک شیخصکز ، سزک
 کندیکز ایچون بویه صیزلایورم ؟ اکر او یله ظن ایدیور ،
 اکر او یله ظن ایده رک نمون اولیورسه کز بیلکز ،

أوت ، بیلکیزکه پک کواج بر صورتده یاگیلورسکیز...
 بیلکیزکه بوکونکی المرم ، بوکونکی یاسلرم سزک ایچون ،
 سزدن محروم اولدیغم ایچون دکل ، اوزماندن ، اوسعادتدن
 محروم اولدیغم ایچوندر . بونی بیایکیز ، بیلکیزکه بکا
 اوزمانی سز دکل ، « قادین » ویردی ؛ وهر قادین ،
 اکلايور، بیلکیز ، هر قادین بوسعادتی ویره بیلیر ، مادامکه
 هپکیز عینی شیدسکیز .. مادامکه ...

آه یوق ، یوق ! باق یازمه میورم ، یازمه میورم ؛ سن
 بنم ایچون اوچ آی مدت او قدر علوی ، او قدر امثالسز ،
 او قدر لذیذ برغدای روح اولدک که باشقه هیچ بر قادین ،
 هیچ بر قادین بنم روحدن بودرجه پرستش کوره من...
 آه ، بولطفه تکرار نائل اولمق ایچون سویلیکیز نه یامالی ؟
 بر نظر مرجه کیزه نائل اولورم دییه ارا به کیزک آلتمده
 اولمک ایسته میورم . دنیانک بوتون قادینلری بریره
 کلسه بنی او قدر متهیج ، بنی او قدر محوم و مشتاق
 ایدمه جهک ... سویلیکیز ، أوت ، صوک دفعه اوله رق
 سویلیکیز ، هرشی بیتدی می ؟ آرتق هیچ ، هیچ امید
 ایتیم می ، او یله می ؟

آه بونک کرچک اولمادیغنی سویلیکیز ، دیکیزکه بردنبره

قورقديكزده اونك ايچون اويله يازديكز ، يوقسه سزده
 ايسته ميورسكز ، يوقسه سزده بني س-ويورسكز ... آه
 بوني بكا سويليكز ، دنيائي ينه بكا ويريكز ... ديكز كه
 بني سويورسكزده قورقيورسكز ، بوني سويليكز ...

۱۳۱۴

دکړده [*]

جبرالطه دن کیر رکن

فؤاد واپوری ، تموز ۱۸۹۵

بوکیچه بزم پوسته صبا حبی ایدی ، و نصف الیلده
اسقاچه بوریمی بنی . طالعہ مدن آیره رق کوپری اوستنه
چیقدم . برنجی واردیا مهندسی « روطہ یی بیلیورسک »
اسکله ده کی شو طرافالغار فناری ، سنجاق باش اوموز لغده کی
سپار تیل ؛ بونلری بور دالا .

فنا ر سـالـه سنه باقدم ؛ ترافالغار اون طقوز میلدن
مرئی برنجی صنفدن یارم دقیقه ده متحرک برپارلاق ضیا .

[*] روزنامه سیاحانندن برقاچ صحیفه

س-پارتل یکر می میلدن کورینیر ثابت بریاض ضیا اوله-
 جقدی . سمانک منجم لاجوردیسی آلتیده ، مغلم کیجه نک
 آره سنده ضیالر برر نظر آشنائی کبی کولومسه یوردی .
 طرفالغار همان بورده یه کلمشدی ، کوچوک - اکتیه
 فنارینی یاقوب دکزک خفیف صالتیلریله کمینک قیچه قدر
 کیتدم ، پراکتیه یه باقدم ؛ ۲۴۳ ی اشعار ایدیور ، ساعت
 ۱۰، ۱۲ ، بارو متره ۲۲، ۳۰ بونلری دفتره قید ایتدم .
 اسکله داولونبازینک یاننده نوبجی قیوداننک کولککسی
 فرق اولونیور . اوتکی ، خریطه قره سنده بوغازک عرضی
 طوانی تدقیق ایدیور .

وکلدم ، سنجاق داولونبازنده طوردم .

قاراللق ، سیسلی برکیجه ، اوحالده که سمانک کثافتدن
 بی نجم بالای افقده دکزک خط مرتس-منی تعین و تجسیم
 ایتک محال ؛ سما ایله دکردن متشکل برجوف ظلام آلوده
 متوجه-آ کیدیوروز . یالکز ، بتون بوردای ظلمت
 اوستیده ، س-پارتل فماری ، آفریق-انک بزه اک یقین
 نقطه سی ، ثابت پارلاق ضیا-یله برراهر سلامت کبی تبسم
 ایدیور ؛ بر او وار !

بتون بونه-ایتسز دکزک س-کوتی ، دالغارک اینین

دائمی‌سندن باشقه برسس بیلمه‌ین دکز لرك بورا کد هواده کی
سکوت عبقی پروانه لرمزك ، یاردیفمز صولرك بری قالین ،
اوبری اینجه ، بری برغانله ، اوبری برزمزمه ، ایکبک
امتزاجندن حاصل اولان یک ادا ، ملول و طربزا بر
موسیقی وار .

روزکار فرشته پرووه دن اسبور . یاقاموزلی برکیجه ،
کی یاردیفی صولرك نورلری ایچنده یوزیور ، بعضاً
صولر ، برتبشش طفلانه ایله سرپیلرک سطح سیاه دریاده
پرضیا ، قطره دار برسمای منجم یاپیور ، بعضاً برخط
وجه ، قیریلرک پر نور برکوپوک داغ-لاندریبور ،
پروانه لرك دوکریکی کوپوکای ، سیال خیالر ، موج
خنده لر ، مهتابی بردکز جلوه لریله رقص ایدیور .

سیسلی سماده برقاق کوکب ، آنجق برنجی وایکنجی
قدردن اولانلر ، سیچلمکه باش-لادی ؛ دب اکبر اسکله
قییج اوموزاغنده طاواس-نی آسمش ، نجم قطبی بر نور
هدایت کی ظلمتسلر ایچنده چبالاق برقادین لرزش-یله
تیره یور ...

ساعت بر : تاریفانک قرمزی فاری کوروندی ،
۱,۵۶ ده سپارتل بوزدالاندی ، طنجه شمعی سنجاق

باش اوموزلغمزده؛ پراکته؛ ۲۵۷؛ بوغارک اک طاریری
سیرز برونندن قارشى ساحل، خریطه ده اولچم، ۷۲ میل
بولدم .

شمدی دب اکبر طرافلارک اوستده غیب اولیور؛
یالکاز دب اصغرله نسرالطائر، عبوق یسرا، نسرالواقع
سمت رأسده تیره شیورلر... برکمیجی ایچون بونلری
کورمک قدر امنیت وسعادت اولاماز .

طرافلار فاری آرقده نامتاهی دریای ظلمت ایچنده
سوزکبی غائب اولیور . بن دونه رک شوکچدی کمز حوضه ده
برعصر کر یله یه رک اومشهور محاربه یی، تفصیلاتی دوشونمکه
باشلادم . اوخ اکر بوی لرک لسانی اولسه یدی ... نه
عظمتلی، نه مهابتلی حسلردن کچدم . پورتسموئده
سلاملا دیغمز ویتوری یی، نه لسانک قومانداییدیکی
اومهییب سفینه یی شمدی بوصولرده کوردم، اوزمان ده
کنج، ده قهرمان، ده مهیب، دونانک مهاجرلری
آرسنده نه امیدلر، نه املارله، نه شوقلر، نه غیرتله
یوزمش، نه لر، نه ماحمه لر... بعضاً بتون طمارلر مزده
برحرارت جدال نبضان ایلمکه باشلا نیجه برعصر متوسط
چو جوغی اولدیغمز فصل تظاهر اییدیور...

تخیلاتمدن نوبتجی قپودانک سسیله چیقمد ، یوکسک
 برسسله « آلابنداسنیجاق... » قومانداسنی ویریوردی .
 اوت ، واقعا پرووه مزده برقرار ، برکی فاری واردی ،
 اوده سنیجاغه آلابندا ایتمش قرمزی فنارینی کوسترییوردی .
 شمیدی پرووه مزده ، اسکله باش اوموزاغنده آوروپا
 برونی وارکه فناری ایکی بچقده کوروندی ، صوکره
 تاریفنا فناری ده اوچده بوردایه کله جک ؛ درت برچاریک ده
 آوروپا فناری ده بوردایه آلتینجه بحر سفیده کیرمش
 اوله جنز ... اوخ بحر سفید ، بحر سفیدک لاجورد
 صولری !



جبرالطه دن صوکره

فؤاد واپوری ، ۲۱ تموز ۱۸۹۵ ، بازار

ساعت سکزه شیمدی واردییه کیردم . دکز اوقدر
 ساکن ، هوا اوقدر را کدکه اسکله مزده ، شمسک
 صیجاق سیسلری آره سنده اسپانیا سواحلی سیچلیور ؛
 برخیاں خجورکی دومانلی ، مور ، مسلسل ، ترسیم اسداد

ایدیور . افقار کونشدن اینن یاقیچی بر معدومیت ایچنده
 بوغولمش . اسکه باش اوموز لغمزده بزی آغر آغر کچمک
 غائب اولمق اوزره بولونان برفرانسز پوسته سی . پدشمزده
 بزدن آیرلیان بر قوش سوروسی . خفیف بر کوندوغیشی .
 اوراده ، کونشک التده ، بحر سفیدک حرکتسز
 سطحنده بر بخارک ، صیجاق برهوانک صعودی کورونیور ؛
 اوتیه برییه سرپلمش چاللیان بیتوان انخره باغین باغین
 تموج ایدیور ؛ شیمدی مجلا سطحه بر تبسم سرپلمدی ؛
 شیمدی دکنینه رکود عاتلانیه نی آلدی . کمی بوسیدلی ،
 کونشلی ، مائی تموز صباحی یاردینی راکد صولرک
 اویونلرنده سنده لیه رک ایلر لیور ، موجله لرده کونشلی
 چارپیشیور ، کوپوکللی کونشلی ...

اوح بوبحر سفید ! ظن ایدیورم که جبل طارقدن
 کیردک ، برکوله یز . اوبحر محیط ... اوسکوننده فورطنه لر
 کورله یز بحر محیط ... اورکودنده طاعلر طالع لالان
 بحر محیط ...

صوک کچشمزی تخطر ایدیورم : برهفته اولکی
 فیرطینه نک بقایای تلاطمی آچیلردن ، بونه ایتسز آچیلردن
 بویویه بویویه ، ایکلیه ایکلیه کایوردی ؛ کمی بونلرک آره سنده

نه عاجز ، نه قدر سهیل بر او یونجاقدی ! حاله-وکه بو بر
 فیرطینه دکلدی ؛ بر فیرطینه ، غضبناک ، متهور ، وحشی
 بر فیرطینه دکلدی که بزی قیر-سون ، پارچه لاس-ون ،
 خردو خاش ایتسونده برکناره آتسون ... بو ، سیاه
 برچولده غروب ایدن شمس خونینه قارشی وحشته کو-
 کره دکن صوکره دیکانن ارسلان سکوتی کبی حشمتلی ،
 مهیب ، ابرآلود بر-سکون مغمومانه ایدی . کوپشته-یه
 دایانه رق غروبی سیر ایتدیکم براقشامی تخطر ایدیورم که
 دالغله رک تعاقیدن متحصل اصوات دومانلر آره سنده
 بویویه رک ، بر اشهرک ، یوکسله رک برنالش فوق الارض کبی
 امتداد ایدیوردی . بن اوراده ، طبیعتک بتون وحشت
 عناصری حضورنده لرزشدار خشیت اوله رق بودکز لرک
 حدودینی تصور ایدر ، اولاش-دینی دکز لری ، ییقادیغی
 قره لری ، بونلرک حالی کوریر ، ارضی کوریر ، صوکره
 کائناتی کوریر دمده بر ذره اوستنده صاللان زواللی کوچوک
 فؤادک زواللی کوچوک مهندس-نک حسیاتی ، نامتناهی
 آلام و حسیاتی دوشونوردم .

فقط بوکون بحر سفیدده یز ؛ بوکولده ، بونک لاجورد
 صولرنده ، بوتموز صباحنک سیسلی ، صیجا ق هوا سنده ،

کیدوب فرانسه ایتالیا سواحلی یالایان لاجورد دالغەلرک
 آرە سەندەیز . دکز او قدر سەاکن ، هوا او قدر را کدکە
 اسەکلە مژ دە شەمسک صیجاق سەیسەری آرە سەندە اسپانیا
 سواحلی سەچلیور ، بر خیال شەور کبی ، دو مانی ، مور ،
 مەسەسل ، ترسیم اسەداد ایدیور ...

بودالغەلر دە بر شائە ترنم ، پر ذوق ، شاطر بر زمزمە
 بشارت وار ؛ بودالغەلرکە باکە نەسە قدر کیدەلرک رەنکلی
 بر دکز الەسەسەنی ، بلور بر چفت دیزی ، بیاض بر اسقار پینی
 اوپە جکەر ... بئم طرفەدن دە ای موج ! ...

دەردە او کسوز وار دیابە کیردم . هوا او قدر صیجاق کە
 میزان الخرارە کولکە دە او توز اوچی کوسە تریور .
 خریطە قمرەسی صانکە براوجق . میزان الەوا ۱۷، ۳۰
 پوص . اسەکلەنک پوصلو افقلرندە اسپانیا سواحلی ، کاه
 یوکسک قارلی تپەر ، کاه مەنحط سواحلی الە اوزا نالاشیور ،
 اوزا قلاشیور ... عجبا بوسە اعلاری عمر مەدە بر دەا
 کورە جکەنی یم ؟

اوزون اوزون خریطە یە باقەر ق کیدە جکەز یولی
 تتبع ایتدم : شیمدی بویول اروپا برونەدن ساردنیانک

منتهای جنوب بنده کی سپارتیوه نتو بروننه ویرلمش - کوندوغیشی
 ۶ کشیشلمه ایکن انحراف طبیعیدن شو آنده کوندوغیشی
 ایکی درجه پویراز اولدی ؛ ۳۰۰ میلالمک بریول ؛ اولا
 اسپانیا ساحلنه یقین کیدیور ، ۱۵۰ میل ایلریده غانا
 بروننه یاریم دقیقه ده متحرک فناردن بش میل آچیق
 کچوب قارتاجنایی اسکله ده براقهرق نسبة جزایر ساحلنه
 یاقلاشیور ؛ صوکره کاملاً بحرسفیده کوموله رک ال یقین
 نقطه ارض بالذات جزایر شهری اولق اوزره افریقادن
 الی میل آچیق کچوب پنجشنبه کونی زوالده سپارتیوه نتو
 بروننه اوزلاشیدیره حق ؛ واورادن قیروب ۳۳۰ میل
 صوکره فارو بروننی طوتارسه ق مسینایه کیره جکز . —
 آرش باقالم !



۲۲ تموز ، بازار ایرتسی

— واردیا بونو ! هایدی ، اسقانه !

درت ساعلمک استراحت . نصف الیلمده واردیادن
 حقیقه مشدم ؛ شیمدی درتده ینه نوبت ، سکزده قدر . بنی
 او یاندیران ارقداشم نوبت تسلیم ایتدکن صوکره او یومغه

کیتدی . کیمده نوبتچی پوستهدن غیری هرکس پر خواب
سکون . يالکاز ما کیمه نك مطارد کورلدیسيله دالغه لرك
وشاشه تصادمی ...

رنکسز بر صباح . باشده بریسی سیلیون فارینی
ایندیریور ، ایکی کشی بورده فارلرینی آلمغه کلایلر ؛
قرمزی فنار اسکله باشنده یشيله تقابل ایتدی ، کیتدی .
اطراف قورومدن سیم سیاه ؛ کیجه نك دوکریکی قطرات
وطوبت بر طبقه منجمده سرمش ؛ کرکرته چامورلو سو-
قاقلری آندیریور . افقده بر کیم نك خط سیری فرق
اولونیور . شرقه خفیف بر رنك لعل بولاشمش .

شیمدی ، بردنبره ، پرووه مزده کونش خونین تلونلر ،
نحاسی رنكلار اده سنده — کشفندن محیطی مشوش ،
انعکاسدن شکلی بوزوق بر کره — اوزایه رق ، صارقه رق
شیشه لرك ، دوکوله لرك افقدهن فیرلادی ؛ تتره یه تتره یه
دوندیکی ، یوکسلدیکی حس اولونیور . دالغه لرك اوزرنده
مهتابك عکس خفیف خیاسی کی لرزه دار بر رنك لعلین
تتره شیور . شیمدی ، چوق بقیه دن ، شمس اوقدر
یویودی ، اطرافی اوقدر استیلا ایتدی که منظره مده
صاسکه اوندن باشقه برشی یوق ؛ افقك خسته و پریشان

سیدسلرینه قدر هرش-یئه منلاطم رنکار ایثار ایدیور ،
هر رنك وار .

آه ای شمس ! سکا باقدیغم زمان ، سن بتون ارضه ،
بتون کائاته باقیورسك ، بنده اونلره باقیورم ، اونلری
کوریورم ظن ایدیورم ؛ بتون سکا باقائلره ، سنده
تصادم ایدن نظرلرله روحك لرزش معارفه-ی بنی یاقیور .
یوکسل ، یوکسل ، صیفیلرک چیچکلرله محاط پنجه لرندن
نفوذ ایت ؛ خوابکاعلره کیرده لاقید او موزلری اوپ ؛
و بنی ده اونوته ... بنی که سوروکانه سوروکله ایلرله مک
ابستین کوچوک فؤادک زواللی کوچوک مهندسیم ؛
بنی که ، زهیه کیتمش اولسه ، کریدده ، بره سته ، کیلده ،
ایزبونده ... مرمرده ، بحر سفیده ، مانشده ، بحر
محیطده هر صبح سنی آرار ، هراقشام سکا توجه ایدرم ؛
بنی ، زواللی کوچوک فؤادک زواللی کوچوک مهندس
اونوته ...

آریه سنجااق ایچون موسیقه بوریمی چالمنی
نوبتی یوز باشییه خبر ویره رک غروب شمسی تماشایه
قویولدم . او ، مغموم کشفیلر ایچنده قرصی بلالی اولماز
بر آشیندکله افول ایدیوردی . افق برآقدی .

شیمدی کونش بر دنبره کلن بر قطویت ارتسامله افقه
 تقرب ایدیوردی؛ صانکه قاینار علولرله مستور سطحی آتش
 دالغالریله نظری الیور، قرصی تنوردن غیر مستظم بر
 خط رسم ایدیوردی. بویوک، مهیب، نخلایی بر کره که
 اوزرنده بر کولکه، بر بوزلو جام لکه سی تماماً منطبق،
 اوینیور، یالکیز قرصنده رنک اصلی شمس تتریوردی.
 شکله خال لکه، اوزایوب بیضی اولغه باشلادی؛ دکرده
 هیچ بر موجه انعکاس یوقدی، کیندکجه کره بویوب
 اکسز لشرک بر معشر حالیه، تتریه تتریه افقه تماس ایدی.
 افقک چرپنلی خطنده بر قطره سرشک ضیا، محترز،
 چیلغین، رقصه باشلادی. اوراسی، دکرله هوا، خونین،
 جوال، بر بحیره دوزخ کی آتش ایچنده ایدی؛ خط مهیم
 یوکسله یوکسله مرکز شمس قدر واردی؛ صانکه
 افق یوکسله ایدی، وکونش اوزرنده علو پروازلری،
 محیطده تنورلرله اوچدی کیدی. بر نقطه اونجهیه قدر
 باقدم، موسیقیه قوماندا ویرلدی: سنجاق آرییه
 اولونیوردی؛ باقوبغم یرلرده ضیالی، رنکارنک نور
 پرده لری دالغالانیوردی.

صوکره بر دنبره، بلاکه تحت الافق بر بولوطک حیلولتدن

سمای غربیده بریاپازه ، نوار ، موجا موج برضیا او یونی ،
 مائی خطوط سمایه طاشان دالغالی نورلردن مجسم بریاپازه
 پیدا اولدی ؛ افقی او قدر وسعتلی بر پروار انوار ایله احاطه
 ایتشدی که ظلام مستولیه اره سنده انجیلای سیاه دریاه رسم
 ایتدیکی انکاسلری بزه قدر یتشه یلیوردی . بتون اوراده
 زرین ، چباغین ، رقصان سفوف غروب پرواز ایدیوردی .
 ینه هرشی سوندی ؛ شیمدی فؤادله آفاق مظالمه دن
 باشقه هیچ برشی قالمدی ؛ یا اکز پروانه لر مزده کی اینن
 امواج ...

یواش یواش انقلرک رنک غروبئی احاطه ایدن غمناک
 دومانلر اوستده برکیجه ، مائی بر بحر سفید کیجه سی ،
 لاجورد نجمومک اره سنده رعشه لرله بیتاب لاجورد بر
 ایتالیا کیجه سی تتره شمه که باشلایوردی ...

—

لیمانندن چیقارکن

تعلیم کمیشنده ، بازار ، ۲ کانون تول ۱۳۱۱

— مژده ، مژده ... کمی قالقیور .

اسکله دن یووارلانه یووارلانه اینیور ، بر طرفندن ده

«ژده!» ديه حايقر ييوردی . ساعت يدي وياسکز وار ميدي
 بياهم؛ بوكيجه ، بوكچ وقت قدر [غرام شباب] ك تصحيح لريله
 اوغراشيوردم ؛ غلادوره او قدر سهكون ايچنده ايدي كه
 كنندمك سهوده كور فزنده روز كارك كيفنه صالان بر
 واپورده اولديغمي اونوترق حكايه مده كي قهرمانك
 سهوداي معصوميله پرامل قالمشدم . يوقاريدن اينن بو
 افندينك كورولتيسيله اطرافده بر حركت اولدي ،
 اويومامش لردن بعضلري عدم اطمناني مشمر برر صدا
 چيقارديلر . يانمده — يكيدين مراق صارديغي علم هيئته
 دائر او هفته گلش يكي بر كتابي ترجمه ايله اوغراشان —
 بريسي اظهار اسف ايتدي ؛ او هيچ بو خبري سوميوردی :
 سفر اتناسنده كرك موظف اولمه من ، كرك دكر ك موجب
 اوله جنی راحت سزاق اونی [هرشل] ايله ، [كه پلهر] ايله
 محضره دن منع ايده جكدی . بكا كلنجه ، بن (محمد سايم) ده
 بولنديغمز زمان باشلادېغم حالده بلكه يكر منجي دفعه
 تكرار دوزلتيكم حكايه مدن فك نفس ايده رك رؤيادن
 آويانير كي اطرافده باقندم .

هر كس اويويوردی ؛ يالكلر شوراده ، ماصه باشنده ،
 ضياع سز برلامبه نك آلتينده ايكي كشي اوييتمز توكنمز

قالین جلدلی تاریخی اوقویورلر ، کوشه ده آلاباندایه
 عموداً مربوط برانجه ده که که دیکلمش مومک اعانه
 لرزنده سیله [پونسون دوتیرای] ک اورس ملی رومانی
 دور ایدن درت کشی برس کورت متوکلا نه ایله اوقویانی
 دیکلیورلردی . سکسان مهندس دن یالکز بونلر اویو -
 میوردی ؛ بوکفایتسز ضیالک آنجق ایلک طبقه لرینی
 یالادیغی ظلمت لک بریکدیگی کوشه لرده بتون بویوک و
 مستطیل غلادورده یی دائراً مازار احاطه ایدن ایکی قاتلی
 رانزه لک اعماق ظلامنده تفسلرک ادای موزونی ، بطی
 ویک آهنگ ، تتره شیوردی . دالغین ، مستریح براویقونک
 آره سنده اوتهدن بریدن یوکسان میرلتیلر اویقونک
 آچدیغی ورطه عدم ایچنده بوغولیور ظن اولنوردی .
 — مژده ، مژده ... کمی قالدیور .

بویکی کلمک ندای بشارتی اویویانلره بر حرکت ویردی ،
 حتی بعض رانزه لردن اویقونک بوغدیغی کوزلرله باقمه
 چالیشان چهره لر بیه کورونکی ؛ کوشه دن بوجاقدن
 برایکی آلاچی سس ایشیدلدی : « آتمه !... قاه !...
 هاشال !... » هیچ بریشی لیمانندن حرکت ایده جکمه زه

اینا نطق ایستموردی . بوتعلیم کیمسنگ کادیکی ونقل
ایدلیکمز کردنن بری هممزک الک سـ وکیلی املمز بو
دکیدی ؟ امین اولفی ایچون شـ بهه ایدیوردق . فقط
آرقداشمز تأمین ایتدی : والله جانم ... هم ایستلرسه
اینا ناسونلر . شیمدی کی فیراب ایدنجه اینانیرلر . ذاتاً
ایستین یوقاری چیقوب نوبجی ضابطدن تحقیق ایدمیلیر .
بررانزهدن برسس « نهم لازم ، چیققدن صوکره ... دیه
میرلداندی ، بریکی هیچ آلدیرمیوب آ کلامقده دوام
ایتدی : نا ، ایشته شوراده ، رؤفک قارشیسنده طوونجیاق
دترینک شـ کللرینی باپورمش ، آرتق اویقوسی کلش ،
یوقاری چیقمش ، برده بقش که اوچ چقنه ماینه اولونیور ،
نوبجی چارشنه سورمش ، « ترسانده قرمزی فیر وار»
دیمشیلر ؛ وفایکه کیدوب کلدکن صوکره آ کلامش که
کی صباحه قالقیورمش ، قوماندان امر ویرمش ، حتی
وینچ قازانی بیله همان فیراب ایدلش ...

بوئشاده بضلری ، الک مراقیلر ، قارا کلامده تالاشله
کینینورلردی ، کیدوب کلامق مراقیله کرلیکه کی حرکت
ایدنلردن بری نهایت شتاب ایتدی ، صوکره اوده عینی
سـوزلرله کلدی ، اوزمان امنیت غایه ایتدی . هیئت

کتابی قاپاش اولان آرقه داشم شیمدی شکایت ایدیوردی :
 وینچ ینه بزی خراب ایده جک ... چونکه نقل اولونمق
 ایچون کله جک ارزاق بزم غلادوره ک آلتندکی انباره
 آله جغندن وینچ اولدیریجی غادیر غولدورلری صباحه
 قدر سوره جکدی .

برطرفدن اویانانلر اوتیه بری یه داغیلر ق اویوانلری
 عزیزا کله اویاندریورلر ، شاقه لر ، یمینلر . شبه لر
 چارپیشه رق بیک لطیفه آره سنده پر خواب سسلرک کاه
 نشئه لی کاه غضوب اهتزازلری طویوایوردی . بر آرزو کره
 هر کس اویانمش ، غلادوره کوندوزلره مخصوص ولوله
 اصوات وقهقهه ات ایله طاشمغه باشلامش ایدی ؛ بوسسلرک
 حاصل ایتدیکی یک آهنگ اوغوتی اورادن بورادن قالدان
 برندا ، براسم ، برشم ایله یرتیاوردی . یوقاری کیدوب
 کلرلر هنوز قالمماش ارقداش لری نیک اطرافنده حاقه لر
 تشکیل ایدیورلردی .

یاواش یاواش سیغاره دومانلری ذاتاً ضیانک کفا-
 یتسز لکندن لوش طوران غلادوره یه برسیس بریکدیرمه
 باشلاوردی . دیرکن بیوک بر آلا ی اولدی ، کورواتی
 آره سنده اصلسه اونوتلمشده اویاندرلماش بریسنه راست

كلامشدى . بوزوالدنىڭ دها برشىدىن خبرى يوقدى .
 وينچ بردن بره غار — غار — غار دىيە ايشلىنىچە كوزلرىنى
 آچوب « نه اوليورز ، ياهو ؟ » دىيە صوردى ، ياننىدەكى
 رازمەدە برىحبت چویرن طاقم برقهقهه قوباردى ، آلاى
 باشلادى ... ياهو ، عجلەيە نه لزوم واردى ؟ دها اويو-
 مالى دگلىدى ؟ باشنە بىرىكىلر ، اوقدرخرپالادىلر كە يكرمى
 دقيقه صوكرە آنجق نه اولدىغى آكلایە بىلدى .
 بتون بوشماتەنك اوستەندە وينچك غار — غارلىرى
 كورليوردى ...



كوپرو اوستە جىق دىغم زمان دەپر آلتىش ، غىروافىشقە
 ايدىليوردى ؛ آغر آغر كرىليوردى . هنوز كىچە ایدی ؛
 فقط خفیف برظلمت ، اوقدرخفیف ولرزان كە اشكال ،
 مالافصانك اوزرمزە يىقىلە جق كى يوكسەلمش تېمەنك
 آرقەسندە هنوز بیاضالانان صباحك يوقاریدن دوکولان
 انوار محترزمى آلتەدە ، كوندوزلە كىچەنك مشكوكیت
 بوسش الوانى ایچندە ، نه مشهود ، نه مستور ایدی ؛
 ترسانەنك دیواری ، آیشلەلر ك صارى بنالری ، صوكرە

یشیلاک آره سنده بیاض اولر ، صوکره طوزله ، دها
صوکره جوارده کی متفرق کوایلر ، هرشی وجودندن شبهه
ایدیله جک بر مرئیت مهممه ایله فرق اولونه بیلیوردی .
دکز سمانک رنک آیدسیله ظلامک نور سیاهندن متشکل
برانجیلای خواب آلود ایله سر یلمشدی .

آرقداش لار هپ کدر پرویه بریکمشاردی ، بمضاری
باش قاصاراسنده دمیرک غریوا ایدیلشنه دالمشاردی ،
برقاچی حساب قاماره سنده خریطه یه باقیورلردی . زرهللی
قوروهت ، غایوط ، (اسکندر) له (مقدمه خیر) ،
گیزلرینه ایکز فنارلرینی چکمشارلر ، بزم کمینک سالامنه
آغر ، آغر مقابله ایدیورلردی . (اسکندر) ک امامی
اذان او قیوردی ؛ مهیب طاغیر آره سنده لوش برسکوته
استغراق ایتمش بولیمک یکانه سسی بو اذان صداسی
ایدی . ساحلده نوبتجلرک بطی روشلری آجق حس
اولونیوردی .

درپانونک اوستنده ، کونشک طوغ ، جنی یرده بر
پرواز رنک قمر واردی ؛ بو ، یوکسک سواحلاک دوکدیک
ظلال ایله آلوده بوکورفزک فوقنده پک مائی ، پک صاف
وبراق بر سما ایدی . یالکیز ایکی ثابته ، بر شعرای یمانی ،

برده بر دیگرى که طایفه ورم ، یا ککز بونلر خفیف خفیف
کوز قیرپان ضیالریله بر بیوک قطره الماس کی مشعشع ،
معلق بر اینجی کی مائی وزرین ، تتره شیورلردی .

کوچوک آلمه نك اوستده طیشاریدن عودت ایدن
[فؤاد] واپوریک ، بزم او بحر محیط سیاحتک دومانلری
کوپوریوردی . بردن بره تاغرافک زیلی دقتمزى دعوت
ایتدی . سوارینک قوماندالری ایشیدلمکه باشلادی .
کمی گاه ایلری ، گاه سنج غه ، گاه کری ، گاه اسکلویه
صالیوردی . نهایت « اولرایت ! » قومانداسنی تاغرافک
درت ضربه زیلی خبر ویردی ؛ وهرکس وارد با باشه ...
بن برنجی پوستده ایدم . بوسفر بر دیگر آرقداشعلمه
برابر قیج قاصاره سنده کی پار که تیه مأموردق . پارا که ته
آتلدینی زمان کوچوک آطه بورده ده ایدی . ساعت
ایکی اون کچوردی ...

شیمدی درت آیدر ، تا آلمانیادن عودتن بریدر ،
بورادن بریره قیلمدانم دینم دن آلدیغم منظره پک بیوک
فرقلرله دکیشیوردی . آه بولیمان ... حیاتلمک اون بش
آنی حبس ایدن بوکورفز ! اوزون تالم ساعتلرمده بکابر ایمان ،
برکورفز ، برقصه دکل هیئت مجموعه سیله قبل تاریخ ادوار
خلقه تده تحجراتمش مفرت بر حیواندی که کوچک قویلریله ،

برونلریله ، شبهه جزیره لریله بن اوکا قوللر ، اوموزلر ،
 قولاقلر ، کوزلر ، ایاقلر ، نهایت برو خود تشکیل ایدردم ...
 اوندی برو روح تصور ایتکه او قدر آیشم شدم که بوسکوت
 وعدم تحرکی بنی عصبی ایدرک قهر ایدردی . نیچون صو-
 سیور ، قیملدانیوردی ؟ اوح ، بو وحشی ، بو وحشی
 حیوان ... بو ، برتیه دن عبارت باشنی قالدیرسه ، برطاغ
 اولان صیرتی اویناتسه ، برر برون اولان آیاقلریله
 قیملداتسه ، بر شبهه جزیره اولان قویروغنی صالانسه ده
 اویله جه ایلریله سیدی ... اوفوق الحقه مهابت و فترسانه -
 سیله بنی ، بوسغیل و مسکین حیاتله ، بر ذره ایچنده لایتجری
 بر ذره بیله اولیه رق نابود ایتسه سیدی ... فقط ایتدی ؛
 چکیله جک الملم ، دوکوله جک یاشلم ، آچیله جق یارلم
 واردی ؛ اونک ایچون ایتدی ...

ایشته شیمدی کورفز بوتیه لر آره سنده قیورانهرق ،
 هر قیورانیشده بر جزء وجودی صاقلانهرق غائب
 اولیور ، مالا قصانک هولای غولانه سیله ، دره پانونک
 اشکالیه هموجود اولور جه سنه تماس ایدیور ، صوکره ،
 بردن بره هپسنگ فوقنده ، طاغلرک آرقه سنده طلوع ایدن
 کونشک ایلک شعاعا ییله بر نور قارلی تپه لر نامتناهی بر ذرات
 مشمسه ساحسی عرض ایدیوردی ... اوح ، بوک

کوزلدی ؛ آرقده ، تاسوا حاک آره سنده قالمش کور فزک
 شخو ر ظلامند مغموم کولککلر سکتوت ایدیوردی ؛
 اوراسی هنوز نه کیجه نه صباح دینه بیله جک مبهم براویقوده
 ایدی . بوراده ، اوکزده بردن بره آچیلان ساحه
 حضرای دریا بزم دها کررمدیکمز کونشک سویه امواج
 ضیادارینه ساکن و خندان دالغلرینی یاییور ، آرقده ،
 بوککله مهیبه حجر و تراب فوقنده ، مائی سمایه
 عرض بوشس ایدن بر فپوش برتیه ، یوککک ، یوککک
 برقارلی طاغ شمسک جوشش انوار یله صیرصیقلام ، بو ظلام
 وظالاک فوقنده ، مشمشع بر بشت رنگا رنگ ایله شخو ر
 و مشمش کورونیوردی .

شیمدی دراپاو برونی چکیمدی ، کری قالدی ؛
 صاغ طرفزده بیاض دومانلر آره سنده غائب اولان یشیل
 منحن بر ساحل اوزایه رق تا افقده کی برونده نهایت بولو-
 یوردی ؛ و اونی احاطه ایدن مهیب طاغلر اوزانیوب
 بیاض و شخو ر افقک نه صو نه هوا دینله جک مهیبه ترنده
 غائب اوله رق ، اسکله طرفزده آقروتیرینک یوککک ،
 قایاق برونی ده کور فزک بزی درت آیدر صیقان ایکی مهیب
 قوی کی آچیله رق دکرلره ، بومشمش و مائی دکرلره ،
 آچیق دکرلره یول ویریور ایدی .

صوکره کونش بردنبه عیان اولدی . آرقده ، قارلی
 تپه‌نک جناحنه اتجا اتمش دیگر برتپه‌نک آلام و غمومی
 برسیس ییغینی آره سندن چابالادی چیقدی ؛ سیدلر
 بیرتیلوب ، داغیلوب سرپلدیلر . بونکده قارلری واردی .
 فقط اوتکی کی باشدن باشه دکل ، اوراسنده بوراسنده ،
 وارقدیر پریشان که دیگرینه غبطه اییدیور ظن ایتدم .
 آرق طاشان ، جوشان ضیالر ، آرق بوسربست
 جریانکاهده اوچوشه‌رق ، داغله‌لانه‌رق بزه بریکی افق
 کوسه‌تردی : اوراسی رنگلی ، بوراسی بولوط‌لو ...
 شیمدی ، مور رنگلی برونیه آرقده توالی ایدن دورا دور
 تپه‌لر نجم ایتدی . بو طرفده دکزک رکود وانجلاسی
 باغین برتسلیمیت عاشقانه ایله شخور ایدی .
 بو آرقده قالان هیولای احجار متسلسله‌دن بویاض
 و خندان دکره ، بومائی و مبتسم افقلره دوغرو کیتدجه
 کینک حرکتی تعجیل ایچون نه‌پاه‌جغمی شایر بوردم ؛
 صانکه بویوکسک تپه‌لرک اتکلری آره سنده ییقانان کورفزده
 کچمش حیاتم یتیشه‌رک پنبه املارمی ، مشمش امیدلرمی خسته
 ایده‌جک ... اوح ، افقلر ، افقلر ، بومائی کوپوکلو
 افقلر ... نهایت ، دکر ، شخور و سرمست دکر ...

صدقہ

بورنگسز قیش کونلرینک آرمہ سنده ناکھان مہشمس
طلوع ایتیش اولان بوپازار ایرتسی کونی تونلہ کیدرکن
اوکا راست کادیکی زمان بومنازیتک ، بوادای تزینک ،
بوشی لطیفک مفتونی اولمشدی .

برنائیہ آنجق سوردی ، توناک حرکتی اخبارایدن
دودوکی ایشتمش ، یتشمک ایچون عجلہ کچمشدی . فقط
ایچری کیردیککی زمان بواسته جالیدن نادم اولمغه باشلادی .
اون دقیقه کچ قالسه ایدی نهدن محروم اولدجقدی ؟
حالبوکه بویله برقادینه راست کلک ایچون بعضاً بتون
حیات کفایت ایدمز . زیرا برنائیہ کفایت ایتیش ،

حیاتی بتون بویله تصادفلره موقوف اولان کنج ایچون
 اوخیال سیالی ذهننه نقش ایتشدی . عمرینی بویله
 آردصره راست کلینان نفیس قادینلرک رقیق ، شوخ
 و رنگارینی کشفه صرف ایتمش اولدیغندن بو برثانیلک
 رؤیت بوقادینک بتون رنگ و بوی محرمیته حمله
 الویرمشدی .

کزلمیدی؟ بیلیموردی . ساه پجهسی او قدر قالیندی که
 ایچریسه نی کورمک قابل اولامامشدی . فقط نهیدی
 اومش و ارده کی ادای مستی که اونی مسخور و مشقاق
 برانقشدی . قویو رنگلی قازمیردن بر چارشافی واردی
 ظن ایدیوردی ، فقط نه ظرافت ، نه نفاست یاربم ؟

بتون بوبک اوغلی کزنتیسه ندی ذهنی پک پریشان
 ایدی ؛ بوتزینک بر نمونه اعجازی کی او قدر شیق ، او قدر
 مطمئن ، او قدر نفیس قادینلر ، خاطرهمسند ، قویو
 رنگلی چارشافک فوق العاده ظریف بیجیمی ایله ،
 بولوندانه ، بوشوخانه بوروین خیال سیاری احیا ایتمکدن
 باشقه برشیئه موفق اولامیورلردی . آه اونی تکرار
 کورمک ... نیچون ، بونیچون آراتق واهی برامیددن بشقه
 برشی دکاری ؟

مع هذا بوده ممك اولدى . ايشته اوكون ،
اوراده ، بك وغلامده طورده ممك ، قارشى يه ، استنبوله
كچمشرى ، شهمدى دونيوردي ، اورالرى دائره لردن
داغيان ختلك از دخام متهور وعجرايله حنجاج خنج
ايدى ؛ اوبونلرك آرمه سنده ساكن ، بطى ، متفكر
كيدىوردى .

بردنبره كوزلرينه اينانه مدي . فقط ايشته اوايدى .
آرقه سنده كى ايكي قادينله برابر كوپرى يه تقرب ايدىوردى .
اوزمان كنج ، بتون حيات آلامنك بوتصادفلر يكانه
وفرارى شوقلرى اولان بو چوجوق ، كوپرينك اوبر
كنارينه كچى ؛ هيچ اولمازسه بر كوپرى مدي كورمش
اولق ، اوزاقرن ، ساده نظريله ... كورمك ، يالكز
كوروب مسعود اولق ايچون تدقيقه باشلادى .

ايلراهدجه جاذبه نظريله منجذب اولديغندئيدر قادينده
باشنى چويروب بقمشدى ، بونظر اوني برتمك رشمه سيله
بيتاب براقدى . اونك ايچون بويله بر تصادف اوزون
بر حيات عاشقانه يه بيك كره مرجعدى ؛ زيرا يالكز
بونلرك شهور فرداسى اوليوردي . وبوشهمدى راست
كلديكي قادين ايچون سنلرك چوغنديغى بر عشق قوى يه
بكزر بر ارتباط قلب حس ايدىوردى .

قادرین عینی وقار لطیف ایله ، اوروش نالان ایله ،
آردصره توقف ایدوب دیلنجیلره پاره براقه رق ، تمقیب
ایدن قادینلره براییکی سوز سویلیه رک ، آغر آغر
کیدییوردی .

و کج هیچ برقادینک بوقدر ظریف و لطیف اولامیه .
جغنی ، بویله سنه دها ایلمک دفعه راست کلدیکنی کوره رک
مسخوریتمک ازدیادینی حس ایدیوردی . خیر ، هیچ
بروقتمده بوقدر ظریف بر اثر صنعت ، بویله موفق اولمش
برزینت کورمه هشدی . دها شمیدین شوراده آیرماق
لازم کله جکنی دوشونه رک منالم وه مضطرب اولیوردی .

آه اکر بوقادینلر ، بوشیق و کوزل قادیلر بررنک
زینتلریله بو کج دکاری انسانلر آردسنده نه قابیلر ، نه ماللر
تسخیر ایتدکرینی بیلسه لردی ، بیلسه لردی که بر نظرلری
بتون بر شهاب املکاری نه مسکر رعشه لرله مسعود
وسکران ایدیور ؟ اوزمان بورقیق ، بولرزان ذوق عجبا
صولا رمیدی ؟ خیر ، بو بویله دوام ایتسه ییدی ، بویله
طانیشمیه رق ، ابدیاً طانیشمیه رق ، یالکیز نه ایتده بر
نظارله ، تحسیرلرله ، تأسه فلرله طولو بر نظارله بویله دوام
ایتسه ییدی ... کنج ، مشتاق اوله رق المرله ، پکی ، المرله ،

و کدر لرله ، فقط بوتصاد فلرله بودوام ایتسهیدی ... اونک
ایچون فردانک خردوخاش ایتدیکی زوالی سرورلره بو
مرحج دکلیدی ؟

بعض کچنلر ، بونجبات ادایه ، بورنک وقارده ، بوروش
روحنوازه منجذب قالیورلردی . و بونک وجودندن بی
خبر قالانلرده واردی ، و بونلر ده چوقه-دی . آه بو
حسسنر انسانلر ، دییوردی ؛ بو چارشافک شعرینی ، بو
ظرافتنک س-اده لیکنی آکلامیانلر ایچون حیات نهدر
یاریم ، دیه میرلدانیوردی . و هیچ کسه کلوب و کل شو
قادین ایچون حیاتکی بکایر ! « دییوردی ؛ بونی تأسفسنر ،
مسعود ، همان ویرردی .

وبوکا مالک اولان ، بلکه س-ویان ارککلرده می
واردی ؟

تلاحق ایتک اوزره ایلرلهدی ، سرعته کوپرینک
اوبرباشنه کیدوب بو طرفه کچهرک آغر آغر عودت ایتدی .
او قدر تیتزه وردی که بر موعده وصاله شتابان دینیلردی .
بو کوپری بی مرور مدتده بر عشق ، بو کوزل کینمش
کوزل یورون قادین ایچون مقاومتسوز بر عشق حس
ایدیوردی . بر عشق که بردن یوکسه لهرک اونی بو غمق ،

برعش-ق که بردن چوغا لهرق اک شهید برنجکله ازمک
استیوردی .

قاین اون آدیم ایلریده طورمش بر دیلجی یه پاره
براقیوردی ، کج اوزمان ژا کتک دار قولنک ایچنه
کومولش کوچوک برال کوردی ، الیونلر سیاه ایدی ،
او قدر کوچوک ، او قدر سیاه که بر قوش ظن ایدیلیردی .
پارماقلرک آره سندن بیاض پاره لر دوشیوردی ؛ آرقه ده کی
قادینلر احترامکارانه طورمشلردی .

بتون بتون یاقلاشیجه توقف ایدوب یول ویردی ؛
اوزمان کنج قادین بتون بونظرک لرزش غرامنی حس
ایتمش کی ممدود برنظر مراقله باقدی . خیر ، کوزلرینی
کورمه دی ، پجه سی او قدر قالیندی که بوممکن اولمایوردی .
فقط بونظر او قدر ملاطفدی که حرارتی آلتنده قابنک
اریدیکنی حس ایتدی ، وبو صدقه ایله ، بو صدقه نظر مستی
بخشله ، مسعود عودت ایتدی . آه بوقادین ، دییوردی ،
صدقه سنه هر کسک محتاج اولدیغنی آ کلامق ایچون ...
صوکره کسه رک متألمانه تکرار ایدیوردی : وبوکا مالاک
اولان ، بلکه سویان ارککلرده می واردی ؟

يالانجی دوست

— کہلا یسنہ —

ہر کس کجی بنمده بریالانجی دوستم وار .
فقط ظن ایدلمسین کہ بتون دوستلرمک ایجابندہ
شوصوک ولطفکار چارہنک سینہ حمایتنہ شتاب والتجادن
مستغنی داورانہ جقلرینہ قائم؟ خایر ، یوزکرہ بالعکس ؛ فقط
بنم بودوستم کوزلر کزلہ کورمدیک کز شیشہ اینا نیلمیہ جق ،
حتی بمضاً اونی بیله تحریف ابدہ رک سزى غفلتله ، نسیانله
اتهامہ قدر وارہ جق زمرہ دن بریالانجی ...

شوصوک جملہ یی بتیررکن برنداوت حاصل اولدیغنی
حسن ایدیورم ، دها ایلمک نفسده کنندن وحاندن مذموم
برشیدن بحث ایدرکی داوراندیغم ایچون حق سزاق ایتیم .

ظن ایدرم . بیایم که بوکا فنا معناسیله یالانچی دیمک موافق انصافیدر ؟ چونکه اونده کی یالانچیاق عادتا بر صنعت ، فقط یالانی غایت نفیس و منتخب ، غایت مصنع و مبتنی بایمق صنعتی ، یالان ایچون یالان صنعتی دکل ، مسعود اولمق صنعتی ... اوت ، دوستم مسعود اولمق ایچون یالان سویلر ، و نه زمان ایستدیکی قدر مسعود اولسه بوکا لزوم کورمیه جگنی دوشونسه اونی معذور کورمکه میل ایدرم ؛ و بوجهتدن اونک یالانچیاخی بکاراز مشروع کلیر .

هر کسده کی حیاتی سوسله مک ، مسعود اولمق و طبیعی بوکا ایستهدیکی قدر موفق اولما ییجه هیچ اولما زسه سوسلی و مسعود کوسه ترمک احتیاجی دوسه ستمده بر مرض هبم درجه سنده اجرای تأثیر و تحکم ایدیور . مسعود اولمق ایچون اولاه ییچ اولما زسه مسعود کورونمک لازم اولدیغنی اکلامش بولوندیغنی ایچون اولمالی که بتون دقت و مهارتی هر کسده بویله بر تأثیر حصوله حصر و وقف ایدر . و بونک ایچون سعادتک بویوکلکسه ، اقبالک پارلاقغنه ، بختک کشاده لیکنه دائر دائما حکایه لر و قعه لر نقل ایدر ؛ اویله که اولنری دیکه یوبده کندیسنی مسعود بولماق ، حتی پرستش

اولديغى، معتبر، مرغوب، مېجىل، مقبل، بالاترواخ
اولديغى اكلاماق، بوقدر سعادتلردن طولايى غبطه
ايتمهك ايچون انسان فكري سز وحسود اولمايدىر.

بو حكايله لى اوقدر سربستانه برمهارتله، اوقدر
موافق برستايشله نقل وايراد ايدر كه حتى يالان اولديغى
شېبه ايتسه كز بيله هيچ اولمازسه مفتون صنعت اولديغى كز
ايچون عفو ايتمهك بيل ايدىر سى كز. بن ساده شېبه دكل، دلائيله
امين اولدىغم حالده ينه عفو ايدىرم، ينه صوك برشوق ايله ديكارم،
زيرا صانكه باشقه لر ينهك، همده ساده برايكى كشينك يازديغى
كې بوده نقل ايدىر. بونده جدا شاعر، جدا رومانچى دىر :
يعنى احساس واحيا قوتى واردر. موقعلر ايجاد ايدىر ك،
بعض سوزلىرى، بعض طورلىرى تمام موقعنده، تمام
خيالده او آنى تثبيت ايدىر ك بر موافقت و تصادفله ايراد
ايدىر ك، اوقدر حس حقيقت حاصل ايدىر كه بو حس
و حرارته، همان صميميت درجه سنه چيقان آتшли تحكيه يه
حيران اولور سى كز و اصل موفىقتى بوراده در: زيرا اوزمان
بو بريالان دكل، براثر ادبى اولور، كسب قيمت ايدىر .
يالان اونك ايچون، بويله جه، ساده مسعود اولمق صنعتى
دكل، مسعود اولدم خولياسيدىر؛ زيرا بونلرى سويليوب

سزی این-اندیره این-اندیره هر کس-دن کوردیکی نظر
 تاقی بی کر چکدن بتمسه دیکی، کندینک ده بوکایناندینی زمان
 اولور، واوزمان، ایشته اوزمان، اصل سحر بوراده در
 اوزمان بونلر کر چکدن یالانلقدن چیقار، بر لطفکار،
 خیرخواه حقیقت اولور.

بونک ایچوندرکه، شاید سوزلرک حقیقته مغایرتی
 فرق ایدیلوب اخطار و اثبات ایدلسه، بوکندینی حیاتندن
 اوقدر ممنون ایدن سعادتی الندن برنوع غصب کبی بر
 شی اوله رق، اک بویوک بر حقارت دییه تاقی ایدیلیر؛
 هم یالکیز یالاننی اخطار دکل، اونک یاننده صحیحدن
 مسعود اولق و بونی کو سترمک ده اونک سعادتی برنوع
 غصب عد اولونور: بتون سعادتلری، بتون پارلاقلقلری
 نفسنه حصر و اعاره ده، یالکیز کندینک مسعود و پارلاق
 بولونمسنه چالیشمقده سعی و موفقیتی چوق اولان دوستمک
 اونلری اداره و محافظه ده کی عصبیتی اودرجه ده درکه شاید
 باشقه سنک سعادتی دها شایان غبطه، دها فائی و بالاتر
 بولسه، کندی سعادتنک کوچولمسنه، محقر قالمسنه تحمل
 ایدمیز، اثری سقوط ایدن صنعتکار کین و عصبیتی ایله
 بر آن شاشیرر؛ فقط کر چکدن سعادت ایچون دوغمش

بوچوجوق ، بومشکل والیم موقعده ، بدبخت اولماق
ایچون اوکاده بر چاره بولور ، واصل مهارتی بوراده
تظاهری ایدر ؛ دینلیرکه اومسعود اولق ایچون صحیحدن
هرشیئه ماسکیز : اونده کنندینه عائد اولمیان شیلری هپ
سونوک و محقر کورمک هنری صوک درجهدهدر . او
درجهدهدرکه عادتاً صمیمی دینله یلیر : عینی شی اونده
بویوک ، مضطرب بر موفقیئت ایکن ، سزده صانکه کوچولور ،
سزای استخفاف ، حتی نقل واطهاره دکمز بر مسکننت
قالیر ؛ و بونی اومکوب فائقیتی ایله او قدر حس ایتدیرر ،
اونده باخصوص یالانله تفوق قوتی فوق العاده اولدیغی
ایچون ، او قدر کوسه ترکه بر آن اولور کنندیکز بیله
سعادتکزی ذلیل و حقیر بولورسکیز ...

سعادتنی مدافعه ایچون هرکس کی اوکاده نه ایتسز
حق و یردیکم ایچون بن بونده بر تهمت بولمورم ، هرکون
اطرافیزده بویله معصوم سیدلر ایچون دکل ، نجیب ،
محقر منفعت ، علوی کورونمک ایچون بونلرک هپسنی یان
بو قد یالان آردملر وارکن ، بوچوجوغی فیا معناسیله
یالانچی دییه طامق قدر حقسزلق اولماز ظن ایدرم :
اونک ایچون ، بتون بوافشا آدن صوکره شوراجقده

کندیسنک ایضاح و تحلیله چایشد بغم روحندن عفو طلب
ایتمک احتیاجنده اولدیغی اعتراف ایدرم .

باخصوص که ، بوقدر عصبی و قهار جهد لرله برابر ،
اونک ده یینه مسعود اولامدیغی ، ظلمت روحنده کندیسنک ده
بونى اعتراف ایده جک قدر زبون و بدبخت قالدیغی دورلر نه
چوق اولمق لازم کلیر ! اوزمان کیم بیلیر نه قدر سفیل
و چاره سر قالیر دکلی ؟ فقط بن اوکا بونلردن زیاده بتون
سعادتلرینک ساده یالان اولدیغی دوشونه جکی صمیمیت ،
دها دوغراسی چاره نزلک آنلری ایچون آجیرم . صحیحدن
مسعود اولانلرک سعادتلری بو خائن دنیاده ساده یالان
وغفلت اولدیغی حالده ، بتون یالان اوزرینه مؤسس اولان بو
سعادتلرک نه قدر آجی ، زهرلی برر بوشلق ، برر هزیمت
اولدیغی ، او صرف عصیت متمررضه اولان روحی ایله
انکار ایدمینهجه ، کیم بیلیر نه قدر مضطرب و مجروح قالیر ؟
ایشته نه زمان بونی دوشونشهم ، دوستمی اک مسعود
و موفق زمانلرنده بیله بدبخت و شایان مرحمت بولورم :
ایشته او قدر یالانله برابر بزم سفیل قدر مزدن اونک ده
کندینی قورتاره مدیغی کوره زک ، ساده بونک ایچون دکل ،
حتی یهوده چبقان مجاهدلری ایچون بیله آجیرم . او یله اولور که

هیچ اولمازسه بوتصنع ، بومجادله یورغونقلری اولمادن ،
 ساده جه ، دوزجه ، سعادت وفلاکتی کلدیکی کی ، کلدیکی
 زمان قبول ایدن برعادی آدم کی اولسه بلکه دهامسعود
 اوله جغنی ، هیچ اولمازسه برقچ یایمه اولیان ، اصل
 سعادت ثانیه سی طانیش بولونه جغنی ، هیچ اولمازسه براز
 صحیحدن راحت ایده جگنی دوشونیرم ؛ اوزمان مرحتم اوقدر
 تزیایدیرکه ، او بکاینه اک پارلاق بر سعادت طنطنه وشعشعه
 ایله نقل ایدرکن ، سوزلرینی کسوب اوکا بونی سویلمک
 براحتیاج اولور ...

فقط مادام که شیمدی بوراده یازیورم ، بر پارچه
 سویلمش اولیورمییم ؟

زهرلرم

پازار . ساعت اون بر . واپور بیوکره دن قالقدی ،
بزم طرابیه اسـ کله سی تنزهدن عودت ایدن خلقله خنجا
خنج . نظر دقتی جاب ایده جک برقاج حسن . بالخاصه
دها بوقیش قیصه ژوپنی ترک ایتمش مادموازل ما...یه توجه
ایتدم . بتون طراوت ، بتون تازملاک . بوکنج قزده اوילה
نارین براندام ، خطوط وجهیه سنده اودرجه رقت ، ایری
کوزلرنده اوقدر صفوت وارکه ، رنکینده کی سازلق قرال
محتشم صاچلرک کولیکه سـ سنده اوילה ابنی برافاده الیورکه
برنفسله یارده لانه بیایر بر صوچیچکینه ، ساقنک اوسـ تنده

صويك هي جانلر نده سالنان معصوم وور قيق برني لوفره بکزه تيرم .
 ياننده كوچوك قز قرداشيله آق صاچلى مرييه سي وار ؛
 برده او قومشولرى ، تك كوزلکلى کوسه تريجي حريف
 صيريتوب طور يور . هپ کلوب کچن زندکين عربهلرده
 سالاملر دالغه لانيور ، بونلر توقف ايدهرک روسيه دن
 يکي عودت ايدن مادمو ازلک بونسوارلرله النى صيقورلر .
 واپور تقرب ايد يور ، اوتدر غلبه لق که اسه کله ده
 بکله شن خلقدده » بزرميه صيغه جغز ؛ اندیشه سؤالى حاصل
 اولدى . هر کسده اوقدرته لك ، قادينلرده اويله ربوى تلاش
 وار که بوزوق هواى نسيميسى ايجنده ، بوايلىق ، نايم
 اقشام ، بوغازک الواح خمورينه ، زنگارک صولردن
 هواردن قيرلردن انعکاس ايدهرک تتره شن التاءلرينه
 قارشى انسانه برذوق حيات شکرانى کليور .

بردن کوزم سفارتخانه لرك ريختمندن مؤبدينه البسه سي ،
 مؤبد مائى اوکلکيله کان اوقادينه ايلشيدى ، اوقدين
 ياخود اوقيز ، فقط اوقدر خراب برچهرده که اوقيز ديه
 ميه حکم ؛ بورايه کلدیکم برچق سنه در قيش ياز هر کون
 يکي کويدن بويو کدرميه دوغرو کيدوب اقشاملرى ينه بويله
 بورويه رک عودت ايدن بو خدمتجي قادين ... بوذاتآ هر

اقشام تنزھمک هیولای المی، طرابیہ ریختیملرینک هیولای
 فقر و ماتی اولان قادین، آم بیلسه کز، بونک بوروشنده کی
 ادای نالانی، ایلرله مک، دائما ایلرله مک ایچون حملاً
 قرارینی، یورغونقله زبون مصارعہ سنی بیلسه کز یاربم!
 یوزنده اصل برافادہ تحمل، بتون اطوارنده نصل بر
 افادہ الیمہ تعب و خرابی، اطرافندن اقان بو ثروتلر
 اراسنده نصلی کورمیه رک، باقیمه رق، حتی یاشامیه رق بر
 یوروشی، دورمیه رق، دیکلنمیه رک، روشنه خلل کتیرمیه رک
 نصل اغلایان، نصل ایکلین بریوروشی واردربوی
 کورسه کز...

اسکله یه قدر کلنجہ اورانک عربہ لرله، خاتمله قابلمش
 یواندن کچمەنک قابل اولدیننی کورہ رک صیقلمدی،
 قوالده کی بوغچہ سنی نیایہ جغفی بیلہ مدی، اوغراشہ رق،
 یول اچہ رق ایلرله، کچہ چاشدی؛ اوزمان، آم ای کنج
 قز، آم ای رقیق و معصوم نیلوفر، اوزمان سنک اوکا
 باقدیغکی، وکوزلرکده برمعنای استہ زانک، دوداقلرکده
 بررنک استحقارک کولدیکنی کوردم. استحقار، پکی،
 بونده ذاتاً حقیرلکدن باشقه برشی یوقدی، فقط سن
 ظالمانہ کولایوردک، یکی کویده بکلہ تدیکک عربہ که کیتمک

ایچون دکز تنزهی اولسون دیه سن واپوره بیزرکن اوهر
 کون بیکلرجه مشقته سوروکلیدیکی بوقانی یولده اولیور ،
 آج قالماق ، آجلقدن اولمهك ایچون سوروکلیوردی .
 وسن اوکا کرلیوردک ، سنک کوپکلرکک بایکه یمبه جکی
 شیلری یمه بیلیمک ایچون بازار کونی بیلله چالیش-مقدن
 عودت ایدن بوقادینه سن کرلیوردک ... نیچون کوزلاک
 ایلاک دکلدیر یاربم نیچون ؟ آه بتون حیران اولدیغم لطافت
 ورقنکله برابر بیل که جاهل اولماسهیدک سکا-فیل دیردم .
 جاهل اولماسهیدک ، سنی اوکا کرلیرن بوئروتک بوقدر
 بویوک ومبذول اولمق ایچون کیم بیلیر نهنک محصولی
 اولدیغندم غافل اولماسهیدک ... زیرا سن بیلمزسک که ،
 سن ، بیاض وپاک بر نیلوفر ، سن بیلمزسک که بایکه
 بو آقشام بویله س-وروکله نهن بر س-فلک حقنی
 بیورسک . فقط شیمدی سکا دکل سنی اوکا کرلیرن ،
 اوچامورلر ایچنده شیشمش آیاقلری ، اولمش دیزلری ،
 ایکله ین قلیبله بیتاب و سرسری سورونورکن اونک حقيله
 سنی دبدبه ایچنده یاشاتان طالعه لعنت اولسون !



عشق و وفا

— عشقمی، لکن سز عشق وار میدر ظن ایدیورسکز؟
دیهه باشلادی .

اوج دوست ایدک ، بو اغستوس کوننک بر
ایلول سماسی قدر ملول سماسی آلتندده اقشامه قدر
طولاشدقدن صوکره کیجه ینه کز مک ایچون چیقمش ،
کزه کزه بر روم غازینوسنه کیرمشدک . بو غازینونک
قبوسنده ، پنجره سنده ، کوزک تصادف ایده بیله جکی هر
یرنده « براسه ری » کلمسی یازیلی ایدی ؛ دکزک اوسته
یادلمش چیقنتیسیله اصل بیراخانه آره سنده کی پنجره مک
ایچی ایکی طرفه ناظر بر سدد جاننه قوئمش ، بوسدک

اوسته قیصیق سسلی بش روم کنجی ، هم سارنده لك
 هم خواننده لك ایدن بش دلیقانی اوطورتلمشدی .
 بونلر بشر دقیقه فاصله ایله بعضلرینك كوزل اولدینی
 اكلاشیلان روم شرقیلری اوقیورلردی ؛ وبتون خاق ،
 اوكلرنده کی مشروبته قارشى صورت ایدیورجه سنه
 سـكوت ایده رك ، جدی ، بونلری دیکله بوردی . یالکـز
 بر ماصه دن ، ایکیـنی اختیار ایکیـسی کـیج درت قادیـنه
 رفاقت ایدن قرمزى یوزلی اوتوزلق بر شیشمان آدمك
 ماصه سندن نظرلری جلب ایده جك خنده لر ، کله لر
 ایشیدیلیوژدی .

ایکی کنج قادیـندن بری اوقدر تازه ، اوقدر
 لطیف ایدی که مشغولیتمز هپ اونك طرفه انحصار
 ایتدی . چهره سی ، کروی بویوك فانوسلرك ایچنده یانان
 اسپرتونك بیاض ضیائی آلتنده اوقدر بیاض ، اوقدر
 دونوق بیاض کورونبوردی که باشنده کی ایپکلی اورتودن
 فرق اولونمبوردی ؛ آلتنك اوستده کورونن بر کومه
 قومرال صاچ روزکاردن اوافق هیجـانلرله چیرپندقچه
 آلیله بونلری دوزلنك ایچون اوغراشیور ، بوالك یوزندن
 زیاده بیاض اولدینی فرق اولونیوردی . اومتبسم کوزلرك

او كوچوك ، پنبه ، براز مستهزي ، براز منتظر دوداقلرك
 اوبياض چهرهيه ويرديكي روح ايله بوال بياض بر قوش
 ظن اولونوردى . ارلك ، بر چوق دفعه كورديكيم بر
 كنيج ، شيشمان وجودينه تايمين حضور ايدن صاندااليهك
 اوستده مستريح ، ساكت طور يوردى ؛ وسكوتنده
 ايم بر تقاص كورونيوردى . پك قيصه اولان چكه سنك
 اوسته دوشن دوداقلري اشاغى به تمايل بروننه دوقونه جق
 قدر اوزامشدى ؛ اسپرتونك تاثيرى كوزلريني دومانلا .
 نديرديغندن اطرافه آليق بر نظارله باقيوردى . ذاتا
 ياصى وافقى اولان باشى بودوشوك دوداقليله ، چهره سنده كي
 تقاص عضلات ايله قورقوج بر شى ، حيوانى بر افاده
 آليوردى .


وبو آم بوكيج قيزك نشانامسى ايدى ! سكوت ايدر كن
 خورلايور ظن ايديله جك قدر چركين اولان بوچهره يني
 بوكيج قيز سويبورمى ايدى ؟ اوزون مدت نشانلى طوران
 وبوس بيله بر برلرينك بويه صارقيق چهره لي ، ايكرنج
 نظارلى حاللريني كورنلر ، جنسيتهك روحانياتي ماديتهك
 چركيلهكلري آرمه سنده غيب ايتزلرمى ؟ بوكيج قيز عجا
 دوشونمزمى كه بو آدم اونك زوجى اوله جق ، هيچ بر

قوت اونی بو آدمك اُلندن قورتارده ميه جق ؛ بوشيشمان
وجود اونك بتون حياتی ، بتون حیات روحنی امة جك ؛
محاسی محال بر قورد کبی ، برسولوك کبی قانی امة جك ،
كوزلاکینی ، طراوتی ، قادیناغنی امة جك ؛ اونی
بوروشوق ، معلول ، چورومش بروجودخانه قویه جق ...
وبونچون : هیچ اولمازسه سوسه ، کوزل بولسه ...
بونی ارقداشمه سويلدم ، اونك ده عینی فکرله مشغول
اولدیغنی اکلادم ؛ بو آدمك اوقیزك نشانلیسی اولسی اونی
طغیان ایتدیردی ؛ « امان صوص ! » دییوردی ، « حریفه
باقه باقه بتون اعضای وجهیه سی اباد مدهشه آلدی ،
کوزمك اوکنده قورقونج برجانوار حاصل اولدی ... »
« برجانوار ! » دیدم ، « یابونلر نصل یاشارلر ، نصل
حیاتدن برشی بکلرلر ، بوکنج قیز بوکا نصل تحمل ایدر ،
بونی نصل سور یاربم ؟ » . اوزمان نی چوجوق بولیورمش
کبی یوزمه باقهرق : « سومکمی ، عشقمی ... لیکن سن
عشق وارمیدر ظن ایدیورسك ؟ » دیدی و دوام ایتدی :
— هر برینك اولانلر سودکاری ایچونمی اولورلر ؟
امین اول ، عزیزم ، که بومسئلهلر یوزده یوز فیزیولو-
ژی یه عائد مسئلهلردر . یسـیقـولـوژی بزم عشق

دیدیکمز شیلره ازلدن بیکانه در . بوکچ قیز احتمال که
 بونی کویده باشقه آدم بوله مدیغندن انتخاب ایتشه در .
 بومناسیتلرک سببی روحه صوره جفکزه بزده کی نفسه ،
 او حیوانه صوریکز ؛ ییک ، ایچمک ، اویومق ، طوغورمق
 ایسته یین حیوانه صوریکز ... بویوله یوز بیکارجه
 سبیلر بولورسک ، فقط امین اولکه روحه علث بوله جفک
 سبیلر پک آذرر . بز بتون بونلره براسم ویرمشز ،
 « عشق » دیمشز ؛ دهانه اولدیغمزی اوکره نمکه ، یعنی
 بزده کی حیوانک اویانمنه سنه لر ایسترکن اسمنی جسمنی
 اوکره نیرز ؛ بوهرکسک اغزنده او قدر چوق کیزرکه
 برکون بزده سویلرز ، اونی بیلیورمشر کی فکر بیان
 ایدرز ؛ فقط عشق ... بونی کیم بیلیور ؟ هم وارمی ،
 حقیقت حالده عشق وارمی ؟ ... بو قادی نی سویور ؛ یعنی
 بتون وجودیله ، بتون حیاتیله بنم اولیور ؛ نیچون ؟ ایشته
 اک بویوک معمای ... اویله می ؟ بالعکس ، پک ساده ، پک
 بسیط ... بونی بویوک کورمک ایسته ییلر هر کسی قان دیروب
 فیلسوف کچنمک آرزوسنده اولانلر در . نی سویور ، نیچون ؟
 رویا برقچ حالمک آرزوسنه ، کینه ، ذوقنه ، اک قیصه سی
 مادی ومعنوی بر منفعت توافقی ایتدیکی ایچون ... تاریخک

بزه قدر حفظ ایتدیکی اک بویوک ، اک صادق معاشقات
ماضیه ، اک زیاده وفادار کورونمش معاشقات بیله بویله دره .
تصادف کیم بیایر نصل برزمانده بنی اونک قارشیمینه
چبقارمش ؛ هم دقت ایدیکز ، باشقه برقادین سومیه -
جکدی ، یالکز بوقادینک ذوقنه موافق اوله بیایردم ،
وباشقه ارکاک دکل یالکز بن اوله بیایردم . اوزمان اوله
قابلی واردی . اوکون بنی کیم بیایر نصل کوردی ، کیم
بیایر بنم نصل حالارم اونک نصل حسابلرینه ایدی ؛
وصکره اویمیانلرله اویانلری توزین ایدنجه اویانلر آغر
باصدی ؛ اکثریا آغر باصان اویمیانلردر آ... فقط بن
انسانلر اوقدر روحی کوروندیکمز حالده اوقدر خاکی -
یزدرکه بعضاً برنفع ایچون طقسان طقوز ضرره کوکس
ویریز... کیم بیایر بنم نامی سودی ؟ مادام که بوکا
« سومک » دیورلر ، بنده کیم بیایر بنم نامی سودی ،
دیه جکم . دقت ایدیکز ، اگر احوال بنده اولسهیدی ،
اوسودیکی شیئه بن مالاک اولسهیدم ، یعنی اونک سومکه
مستعد اولدینی شی بنده بولونسهیدی ، واونک حیاتنک
بندهکی اوشائی سومکه مستعد اولدینی زمانه بن مصادف
اولسهیدم شبه یوق که سولیه جکدم . بنی اوکون اوله

کورمه‌یدی سـومیه‌جکری ، ذوقه موافق اولمـه‌یدم
 ینه سـومیه‌جکدی . دیمک که بن اونک ایستدیکی کبی اولدیم
 ایچون سولدم . او حالده او بنی سـومیور ، ایستدیکی
 سویور ؛ تصادفاً ایستدیکی بنده چیقدی ، بنی سودی ،
 ایستدیکنک خاطرینه رعایهٔ سودی ؛ دیمک که او بنی بنم
 ایچون ، نصل اولور سه‌م اولایم ، بنم ایچون سـومیور ...
 شو حالده بر عشقمی وار ، دیه‌جکیز ؛ بن یکر می حله ،
 یکر می شکله کیر سه‌م بنی سـومیه‌جک ، یکر می طبیعتنه کیر سه‌م
 سـومیه‌جک ... او حالده ... بنم بیلدیکم ، ایستدیکم ،
 روحی اقباع ایده‌جک عشق ، بویله صرف عضلی اولدیم
 ایچون بر جریحه ایله باش-الایوب غانغره‌لی براحتضار ایله
 بیتن بودنیانک منجوس ، خسته ، بشری عشقلری دکل ،
 بویله یوزده یوز فیزیولوژیک سبیلره مبتی مسکین مصارعات
 بین‌الجنسین دکل ، نصل اولور سه‌م اولایم ، هر حالده ،
 هر زمانده بنی سـوه‌جک ، بنم هر شیئم دکیشه‌دیکی حالده
 دکیشمیه‌جک ، بنی بئالکم ایچون سـوه‌جک عشقدر ؛ انسان
 دوغدیغنی نصل بیامز سه‌م اویله سـه‌بنی بیامیه‌رک ،
 آ کلامیه‌رق ، دوشونه‌میه‌رک ، یاشار کبی سون عشقلردره
 بیک درلو ملوث و مستکرمه سبیلره اسیر اوله‌رق سونلرده

عشقمی وار دیرسکز ؟ یاعشق اولما نجبه وفا نصل اولور ؟
اونك ایچون یوزده قاج عشقده وفا واردر ؟ مشکلاته کلاجه
بن قادینلره عائد مسئله لرده مشـکلاتی آ کلام... اونی
هپ بزم ایجاد ایتدیکمزه امین اولمکیز لازم کلیر ، هم
بونده کچ بیله قالمشسکز ، عزیزم . مشـکلات ، بوزم
وهممزدرد ؛ اور ککله کمزك ، عجمیل کمزك ، بحریکه کمزك
کندینی معذور کوسترمک ایسته یین مسکین تصدیسیدر ،
سوسلی اسمیدر . سزی تجربه دعوت ایدرم ، کور-
دیککز برقادینی تجربه دن اول « بومشکلدر ، بومحالدرد »
دیمه رک کورمکه دعوت ایدرم . اولا مکاتله ، اعتدال
ایله محاصره ایدیکز ؛ مکمل طویلره مقاومت ایده جک
استحکام بولونمادینی  کی ائی بر محاصره یه دایانه جق
عفت ده یوقدر . هم بوتشبهده کی سقطی ده آریجه کوسترمکه
مجبورم ، چونکه هر عفت بر استحکام قدر حائر مناعت
دکدر ، واک عادی است حکاملرده کوریلن تحمل عفتده
کورولمه مشدر . سزظن ایدرمیسکز که بومشکل کوردیککز
غالبه لر حقیقه مشـکل ویا محالدرد ؟ آه تجربه یی صوکی
قولالانان بدبختلر ! بکا کلنجه شیمدی یه قدر جداً سون
برقادین کورمدیکم ایچون جداً محال برقادین ده کورمم !

وفاده اوسىيلرك برنتيجيسى اولور كه بنم وىردىكم معنا ،
 بنم عشقمدن بىكلىكم غايه بودكلدر . جدا ناموسىلى
 برقادين كيمدر ديه جىكسكز ، دىلى ؟ اولايلىك مانعلرى
 قالدىريكز : برقادين محلدز ، نچون ؟ بىك شى انچون ...
 مثلاً كىدىسنى برىرده اوچ كره كوره منىسكز كه عرض
 امل ايدىسكز ، ياننده حائلار ، مانعلر اولور ، مخابره
 محلدز ، ياخود خوشه كىتمز سكز ، كندىكزى مزىتلركز
 جاذبه لركزله كوستره منىسكز ، اخ ... شىمدى سىزكده
 پىك اعلا بىكلر جهنى دوشونه جىككز بومانعلرى اورتهدن
 قالدىركز ، اويله اولسوز كه بوقادىنله اىسته دىككز كى ،
 اىسته دىككز ىرده ، اىسته دىككز زمان ، اىسته دىككز
 شىلرى قونوشه بيله سكز ... اىسته بويله برتجر بهدن غير
 مجروح چىقـانلر ، اىسته زوجلىنى سونلر ، اىسته
 ناموسلور بوناردز ... بىكده قاچ قادين ظن ايدرسكز كه
 بوشراطة توافق ايدر ؟ رجا ايدرم ، سويله بىكز ... دىمك
 اوليور كه بومشكلات قادينىك كىندنه دكل احوال مجاورده
 ايمش . احوالده بونك فضىياتى كيمه عاندر ؟ نصل برحقله
 بوندن اوقادين مستفید اوليور ؟ بوسوزلى حقك نه
 اولديغنى آجى آجى اوكرنمش بر آدم صفتيله سويليورم .

بتون بوحادثت ارمه سنده او قادین هیچدر ؛ او برچ-وق
تصادفلرک بر تجلیکاهی ، بر طاقم مرغوب شیلرک بی خبر بر
زمین تحصایدر . ذاتاً تکمیل مزیتلر من ، بو کون کندیملرک
ایتمش کی استفاده ایتدیلمز مزیتلر ، کی اولانلری بر
بر طرف ، جلی دیدیکمز مزیتلر نه در ؟ بزه تصادفاً گلش
بر طاقم مرغوب شیلر ، دکی ؟ فقط بز بونلردن اویله استفاده
ایدر زکه امضاً بشقه لرینک ضررینی . وودی اولور ز ؟ نه حقله ؟
بنم چهره م کوزل ، سنک سسک کوزل ، اونک کوزلری کوزل ؛
سنک طبع شاعرانه ک ، اونک استعداد رسامانه سی وار .
بونک ایچون سن مشهور و مسعود ، او مشهور و مسعود ؛
وین ... بونلردن محروم دوغدیغم ایچون ، قباحتم اولمادیغی
حاله ، بر رسام و یا شاعر اولمادیغمدن مسکین ، منفور
و فقیر ... نیچون ؟

یانمده شاشیره رق دیکله یین اوچنجی رفیقمنز ایلله پر کو
دوستمک آغزینی قاپایه رق بکا دیدی که :

— صبر منک بو قدر مصرانه سوء استعمال ایدلمسنه
شاشمیور میسک ؟ بزه بویله صاچه دیکلنمک ده البته بر
حق دکلدر آ !

اوبری جواب ویردی : — صاچه می ؟ صاچه می ؟

آه هر شبی اولدیغی ، مکنیده اوکرندیکی ، دنیا یه کلنجه
 کوردیکی کی قبول ایدن زواللی چوجوق ... هیچ بر
 شیئی یاشقه درلو دوشونمیه رک کلدیکی و کیده جکی ککی
 یاشایان بیچاره ...

آلای باشلامشدی ، یانمده کی کوله رک : « ایشته طبق
 سنک ایستدیکک عشق کی یاپورم آ ... سینی بیلمیه رک
 یاشیورم ، دها نه ایسترسک ؟ » دیوردی .

فنارجی

بوغازك بواك كوزل یرنده کی بوکوزل و کوچوک بباض
ینانی کورونجه بردن « آه نه کوزل او طور یله جق او ! »
دیدم ...

بو برقاتلی کوچوک برأودی ؛ فقط آرقه سنده کوچوک
باغچه سیله ، یاننده بویوک بویوک اغاجلرک کولکه سی آلتنده
اویویان یشیلکی ایله ، هله بوغازك بوتون اطرافتیه ناظر
موقعیله اوقدر خوشیدی ، ایچنده برقاچ سینه کچیرمک
ارزوسنی انسانه اوقدر شدتله احساس ایدیوردی که بوسوز
اغزمدن یلا اختیار چیقیدی . اصل خوشه کیدن شی
جوارنده هیچ بر مسکن بشری اولماسی ایدی ؛ یالکیز

براز اوتده برقرغول واردی . موتهی اویله برنقطهیه
 راست کلمشدی که اورادن انسان ساده قارشیده کی بویوک ،
 غلبه اقی کویلیری کوروب یقینده هیچ بر فرد کوره میهرک
 دنیاده یالکزم ظن اید بیاوردی ؛ و بویالکز اقی حسی ایچنده
 قارشى کویلر انسانه غرب بر حظ وحدت ویریوردی .
 بو ، عادتا بر آجی بی کوروب اکلا یوب حس اتمه مک کی
 اولیور ، انسان یالکز انک ذوقی ایکی قات طویوردی .
 بوتنه الق ، سکون ایچده یالکز روز کارک طریلی رتصلری ،
 دالغلرک موزون معانقلری ایشیدیلور ، آچیق دکزلردن
 چیرپنه چیرپنه کان او روز کارله اودکزلر بویالکز انک
 شمریتی پک چوق تزیید ایدیوردی .

— آه شوراده اوطورانلر کیم بیایر نه قدر راحت

ایدرلر !

دیدم ؛ یانمده کی اختیار ملازم ، قره غولک امکدار
 ضابطی ، باشی صالادی . بوراده اوطوران فنارچی
 — زیر بورای بر فنار قوله سی ایدی — تحف بر آدم
 ایش ؛ دای قلبی ، ضررسز بر آدم ، دییوردی ؛ ایلک
 قاریسی اولکی سنه اولدیکندن کچن سنه تکرار اولمش ،
 افندیسنک قپوسندن بر چرکس آزادلی آلمش ؛ اوتکی

قاریسندن برده قیزی وارمیش ، کلینلک ، طوسون کی
برقیز ؛ یقینده اونیده اولندیریورمیش ؛ داماد شرکت
چماچیلرندن کندی ممالکتایی برکج ایمش ؛ بر آیه قدرده
دوکون اوله جقمش ، فقط ...

بو « فقط » ی سویلرکن مالازم افندیده اوילה بر
باش صالالایش واردی که بنی ایلمک فکرمی دکشدیرمکه
سوق ایتدی ؛ احترازه صوردم :

— باری آدجغز راحت ایدیوریا ...

واقعاً آدجغز راحت ایدیورمیش . ذاتاً راحت
ایتمه جک بر ایشیده یوقش . بتون ایشی اقشام فارلری
یاقوب زنجیرله دیرکک تپه سنه چکمک ، صبا حلین ایندیروب
سوندیرمک ... یامعاش ؟ بر کره بو او اداره طرفندن
ویریلیورمیش ، هر سینه مخصوص آنملر کلوب مطلقاً
یوقاریدن اشاغی بویارلرمیش ؛ اوندن باشقه درتیوز اللی
ضروشده معاش ... « طیقیر طیقیر ! » دیوردی ؛
صوکره هر سینه شوقدر اوقه صابون ، کومور ، غاز ،
فلان فلان ... « راحت ایتمیوبده نه خاط ایده جک ؟
اوطورسون کیفنه باقسین . فقط اوینه افندیسنه دعا
ایتسین ، اونک سایه سنده بوراسنی یاقه لادی ، یوقسه

واپورلرده حالا سورونه جکدی ... شیمدی اعلا قاری نی ده
بولدی ، راحتنه باقسین ... ذاتاً حالی ده برباد آ ؛ کوزلری
اغیرر طورر ؛ صوکره قاب عاتی ده وارمش ، خیریلدار
طورر ، زوالی ییغلمش !

ییغلمش ... اختیار ملازم بو حکایه نی ده اکلانغه
باشلادی : بر کیجه نصلسه فنارلر سونمش ، کندیسینک
خبری اولماش ، او یکرمنچی اویقوده ایمش ؛ دیرکن
قول اغایی افندی ایله مسافر قارشیدن صاندان ایله
کلورلر مش ؛ ایشی فرق ایتشلر . کیجه یاریسی کیده جکی
یولی کوروان فنارلره کوره تعین ایدن کمیلر ایچون بونه
بو یوک بر مصیبتدر ! اونک ایچون همان قول اغایی افندی
أوک اوکنه یاناشوب فارجی بی بیك بلا ایله اویاندرر .
حریف مسؤلیتدن اوقدر قورقارمش که نه پابه جغنی
شاشه یر برق بونلری صحیحاً اداره مفتشی ظیله تتره مکه
باشلار : « نیده م اقدم ، یاغ یوقی اغ ، پک طور طیلی ده ...
ییغلمش ، ییغلمش ، پک طور طیلی ده ... » او بر کونینه
قول اغایی افندی بی کورنجه حالا اوقورقو ایله تکرارلار :
« ییغلمش ، ییغلمش ... پک طور طیلی ده ... » و بویله
بر هفته نه زمان اونی کورسه بونی تکرار ایدمک هر کسی

کولدیرومش ؛ اونك ایچون آدینی « ییغلمش » قویملر .
 کلن کچن « مرحبا ییغلمش اغا ، دیدکجه پك ایی کورمین
 کوزلریله ، کورمك ایچون مطلقا باشی صاللاق لازمش
 کبی ، قفا صاللا یه رق باقار ، قیزارمش ... » فقط
 آراتق کیسه نك اغزینی آچدی ، دوکون بایبور ، ینه بر
 قاج یوز غروشدن چیقجه جق ... »

— دوکون نه زمان ، دیدم .

— غالبا بر آیه قدر اما شیمدی قاریسی خسته ده ...
 اوده بر آجیدر ، بیلسهك بکجغزم ... اشته بن بر چوق
 زماندر بوراده میم ، اومه شوراده اغاج آتنده در ، اودن
 کلیرلر کیدر لرده براز ایشدن خبرم وار ؛ فقط بوکیدیشله
 قادیغجز غالبا دوکونه یتشه میه جك ... اودها قپوسنده
 ایکن فوا خسته لغه اوغرامش ؛ شیمدی ضعیف ، دال
 کبی ؛ حتی بوقیش او قدر خسته لیدی که هپ اوله جك
 دیه بکاشدیلر ... یا کورسهك بکم ، کورسهك ...

ملازمك اکلایشنه کوره بوقادین حقیقه کوزل بر
 قادینش ؛ « کلریکی زمان الماس کبی ایدی ! » ضابط
 بونی او قدر جدی سویلیوردی ، کج قادی اکلانق
 ایچون اوله تفصیلاته کیریوردی که کوزمك اوکه

قوناقلرده **کوچوک خانلرک** یانلرنده برشی اوله جغز
 دییه بویومش ، فقط صوکره نصلسه آزاد ایدیلهرک بویله
 بر آدمه ویرلمش قیزلر کلیوردی . اوزون بویلی ایش ،
 قره قاشلی قره کوزلی ایش ، رنکی دورو بیاضمش ،
 هله یورویشی ، هله باقیشی ... حاصلی ، اختیار ملازمه
 کوره ، تام برقادین ایش . فقط کلرکدن صوکره
 باشلامش صارارمه ، ضعیفلامغه ... « شیمدی کورسهک
 آجیرسک » دیوردی ؛ صوکره برشی اعتراف ایده جگمش
 کبی قورناز قورناز صیریتهرق علاوه ایتدی : « سببی ده
 وار آ... » و بیلدیکی شیئی س-ویله مینجه راحت ایدمه .
 جگمش کبی « افندم ! » دییه باش-لایهرق شو حکایه نی
 آکلاتدی :

بوقادین ییغلمشک اوته کی قاریسندن ارلان قیزک
 شکاحایینی سویورمش ، « کناهی بوینه ، بیلیم اما اویله
 اکلایورمبک افندی... » بوقیز ، ایلک قاریسنگ کوربوز
 طوپوز قیزی ، آل یناقلری ، قیصه بویله دمیرکبی برشیمش .
 قیشک صوغوق کونلرنده ، هله شیمدی اؤک بتون ایشنی
 او کوریورمش . صباحین قویودن صوچکن او ، ییقانه جق
 یرلری ییقایان او ، اؤک صولرینی طاش-یان او ، حاصلی

چاشیر، تخته، یمک هرشی اونك اوزرنده ایمش، یالکز
 خفیف ایشلر خانمه قالیرمش، براز یمکه یاردم ایدر،
 اوطه سنی سوپورر دوزلتیرمش، ایشته او قدر؛ هله شو
 صوك زمانلرده قیزك نكاح ایسی زیور، او حایلار چیاچی
 هفته ده برأوه کلدکجه خانم بوایشلری ده قیزه براقه رق ساده
 داماد بکله مشغول اولمغه باشلامش. اراتق کندیسيله
 قونوشانلر هپ دامادك سوزینی دیکلر اولملر، هر نهدن
 بحث اولونسه دامادك اسمی، سوزلری، طبیعتی تکرر
 ایدیورمش. داماد بك اشاغی، داماد بك یوقاری
 اولش. «ك آجیسی زواللی قیز بتون بونلری کور یبور،
 بیلور، اکلایور، فقط سسنی چیقارامیور؛ اونك اوده
 کلدیکی کیجه لر برابر یالکز قالمق ایچون خانم بیک درلو ایشلرله
 قیزی اشاغی صاوه رق ابدست آلیرکن صوینی دوکک،
 سجاده سنی حاضر لاق، کیجه لکلرینی کیدیرمک، یاتاغی
 یایمق، والحاصل اونکله مشغول اولمق هپ کندیسینه
 قالور؛ «باقسهك آزینب، شولکنی کوتورسهك ته...
 دامادك قوندره لرینی سیلدکی؟» دیه بتون او برایشلر
 قیزه براقیلور. فنارجی یه کلنجه او ییچاره، لامبه یانان
 یرده صولانه رق قاپان کوزلریله، مندرک برکوشه سندم

ساکتانه چوبوغیله مش-غول ؛ آره صبره براییکی سوز
 میرالدانیر ، صوکرهینه سکوت . بو آراقده قیزجغزک
 هیچ سسی چیقمیور ، هرشیئه بویون بوکیور ؛ اونلر
 اوطهده قونوشورلرکن او بولاشیق یبقایور ، مطبخی
 تمیزلیور ؛ دامادک یاننده بش دقیقه طورهمیور ، اونکله
 برجفت لافیردی ایده میور . نه-ایت یاتاق وقتی کلیور ،
 ییغلمش چوبوغی سیکلکه ک قاقیور ، دامادی اوطهده
 یالکیز براقهرق چیقورلر ؛ فقط صباحین ایرکندن قادین
 ینه دامادک اوطهسنه چوکیور ؛ سن آشاغکی طاشاغی
 ییقاهایدی زینب ... دییه قیز صاویلیور ؛ ایشته هپ بویله ؛
 فقط صوکرده قیزک صبری غلبه ایدر ، هیچ سس
 چیق-ارمامش اما نه-ایت دوکون وقتی کلیر . ایشی بویله
 کیکیرن هپ قادینش ؛ لکن بوندن زیاده صاوصاقلایه .
 مامش ، فارجینک پاره سی کلش ، آراتق بو آیک صوکنه ...
 « فقط قادین او قدر خسته که ... قیزه کلنجه ماشاءالله
 کیتدکجه کایشدی ، الله صبرینک مکفاتی ویریور ، من
 صبر ظفر ... ایچمدن شوقارییه اوج اولسون دیورم
 اما ... »

بن آراتق دیکله میوردم ، وسنی دوشونیوردم زواللی

قادرین ! بواشك ایچنده تهمتلی عد اولنه جق یالکاز سن
اولدینگ حالدہ بن سنی دوشونیور ، سکا آجیوردم ،
بیچاره سفیل !

أوت ، زینب ، بوقدر ظلم وحقارت کورن اوکنج
قیز ... لیکن اوبیلیوردی که نسل اولسه ، نه اولسه بو آدم
برکون کندینگ اوله جق ؛ بوهفته اولمازسه کله جک هفته ،
ینه اولمازسه برآی صوکره ، نهایت کونک برنده مطلقا
دوکونی اوله جغنی بیلیوردی . اشته اوزمان اوتکی ایچون
هرشی بیتہ جکسی ، اوتکی بیچاره کندینگ برشیته مالک
اوله میه جغنی ، او آدمک مطلقا کندینی براقوب بوکنج ،
دیج قیزی آله جغنی ، کندیسی ایسه شو خسته لقدن بلکه
یارین اولوب کیده جکفی نه آجی آجی بیلیور !

أوت زواللی قادرین ، أوت بیچاره سفیل ! دهـا
کوچوجک یرشی ایکن ، ایچنده بویودیگک او قوناقدن
برکون چیقہ رق بویله برفنـارجینک قویزده محبوس قالهـ
جغنی دوشـونه مدیکک زمانلر کیم بیلیر نه خولیارلر ، نه
رؤبالرله بـلـدیگک استقبال بویله می اوله جقدی ؟ اوزمانلر
کیم بیلیر نه لر دوشونمشدک ؟ فقط صوکره ... آه قلبکده
آچیـلان یارلر ، آه کچیردیگک اویقوسمز کیجـلرده

صباحلره قدر دوکدیکک کوز یاشلری، آه بتون بوالمر...
 اوت، صوکره قلبکده تکرار برامل چیرپندی، — برقوش
 که اوترکن جریحه دار اولان سینه سیله زمین هلاکه سقوط
 ایدر، — بواملده همان یرلره دوشدی، فقط اوله مدی؛
 اوراده اوقدر، اوقدر دوکوندی که ارتق زبون، بیتاب،
 منتظر عاقبت یاتیور... ایشته سن ده بویله، ایشته آرتق
 سنک ده احتضارک... ایشته سن ده آرتق اولیورسک؛
 فقط انسانلر اصل مسعود اولانه آجیورلر؛ سنک قابیگی،
 سنک المیگی، کیسه، اکلا یورمیسک کیسه، حتی اوبیله
 اکلامیور؛ اوبیله، مسعود ولاقید، اوقیزی آله جق
 و سنی... بر زمان کله جک که سنی بایک اونوته جق... اوت،
 بعضاً اولوم نه ایدر دکلی؟ اولوم آرتق کله بیلیر دکلی؟

اسف

بر رفیقك دفترندن

اسف ... ایشته برکله که هیچ یابانچیسى دکلز .
هر کون بایکه یوز دفعه قوللانیرز ؛ فقط تأمین ایدرم که
بوکله یی ایجاده سوق ایدن ضرورتی حس ایتدیکه بزه
اونك قدر یابانچی هیچ برشی اولاماز . نه اولورسه
اولسون اونى آکلایه مایز ، مکرکه سوق وقایله معناسنى
بالذات حس ایدم ؛ اوزمان کوریرز که بوکله نك معناسنى هیچ
بیلمیورمشز ؛ حالبوکه شمدی اونده اوقدر وسعت معنا
بولورز که عادتاً باشقه کله لره لزوم حس ایتدیز . ذاتاً بر
بر هر لغتی بوتجربه دن کچیر بجه هپس نك ده بویله اولدیغنى
کورمز می یز ؟ بوهرکله ایچون بویله دکلیدر ؟ برکله نك سبب

وجودینی حس ایتمزسهك ، آكلا یورمیسكیز؟ سبب وجودینی
حس ایتمزسهك اولكهنك معناسنه بیكانه قالیرز ؛ اونی سادهجه
سویلرز ، محل اسمعانی بیلمش اولمقدن عبارت بر
پایاغانلقده بولونورز .

مثلا بوندن صوكره بنم ایچون « اسف » گلهسی
اوقدر پرمعنادرکه بتون حیاتم ، بویکرمی درت سسهنك
حیاتم بتون وقایعیه اونك معناسنه داخل اولدینی کبی
بتون انسانلرك حیاتی ده بومعنایه داخل کورورم .
ذاتاً برانسانك حیاتی دیمك بتون انسانلرك حیاتی دیمك
دگیدر ؟ بتون بشریتك این خسرانی ده بنمکی کبی بر
اسفدن ، برآه اسفدن باشقه ندر ؟

لیکن باقیكیز ، بویکجه ، برکون اولیکی هوانك تمامیه
خلافنه اوله رق کوزل باشلامش ، پارلاق کچمش برقیش
گوننك اقشامی ، کوننك برکوشه سنده نصاسه آقشامی
ایدوب غروبدن صوكره یاریم ساعتی ده یازین کزیلن
یرلرده احیای خاطراته حصر ایدهرک ، صوكره کیتدکجه
تهور ایدن روزکاردن ، تقرر ایدن ظلمتدن قاجوب
اوطه سنه چکلمش ، یمکن صوكره یه مخصوص عطالت
تنپورانه ایله تسهیل هضم ایچون برقناپیه انکلیزلره

مخصوص بر سرستی حرکاتله اوزانه رق فیر دایان
 بر صو کیفیله درین درین ترنم ایدن صوبانک یاننده
 کندی بکله ین کتابلرینه قارشی سوق تخطرات
 ایتمش، یعنی هر شیئله ملال و المدن زیاده نشاط و سروره
 متمایل بر آدم صفتیله سویلیورم که دنیاده اسف کلمه سی
 قدر واسع، درین بر معنایه مالک ایکن بزم دوداقلر مزده
 مسکین دلالتلر آلان بر کله اولاماز؛ واحقاق حق
 ممکن اولسه ایدی بولکله نك المدن کیم یایر نه لرچکدرک؟
 بونی سزه — او کله یی اغت کتابلرنده کوره رک
 یاخود بویوکلرینه نك اغزنندن ایشیدم رک اوکره نمش،
 تعمیق ایتیمه رک، دوشونیمه رک، اشنایی روحدن زیاده
 بر معارفه نظریه ایله طانیلان بر دوست نوعندن لاقیدانه
 بلله مش بر آدم کی دکل — اونی یوق ایکن ایجاد ایدن
 و بونک ایچون کیم یایر نصل قطعی، مطلق، ایم بر احتیاج
 طویان ایلاک انسانلر کی سویلیورم؛ کلمه نك شکلی دکل
 معناسی حس ایتمش، همده حیاتنک بیون وقایعیله بونی
 حسه محکوم اوله رق ضروری حس ایتمش بر آدم کی
 سویلیورم؛ بو اوایله بر حس ایدیش که اوکله موجود اولماسه یدی
 بواقشامکی حالت روحیه می افاده ایچون آرایه رق مطلق

اونی بوله جقه-دم ؛ چونکه مضطرب اوله رق ، اوت ،
 مضطرب اوله رق حس ایتدم ، ایشته آک آز مستعد تاتر
 اولدیغیم بوکیجه ، بویله الیم محاکمانه هیج . تمایل اولمادیغیم
 بوکیجه ، تسهیل هضم ایچون اوطوردیغیم بویایق اوطه نك
 تنهایی خواب آلودی ایچنه . حس ایتدم ... باقکیز نصل :



بوش کچمش برکون . نصل کچیره جککیزی
 بیله . یه رک کندی کزه بیک درلو . شغله آرا . شکزده هیج
 بریسنده دوام ارزوسی بولامامش سکز ؛ یاز اولسه بویله
 برکوندن — برزمان — نه قدر اسه تفاده ایده جککیزی
 دوشونوب صکره برزمان او یازک قیش کونلری کی کچن
 کونلرنده نه لر غائب ایتدی ککری تخطر ایده رک شو قیش
 کونی هوا کوزل اولدیغی ایچون او کاغیر اولمق ایستور سکز ؛
 بتون کون اقشام اولسه — نی درت کوزله بکلدی ککز حاله
 کیجه قیشه مخصوص رنگیزلیکی ، تهیدلریله اینکه باشلا نیجه
 شیمدی ده اونک نصل کچه جکینی دوشونور سکز ؛ بوسره
 کچن کیدن او کوزل و مسعود یاز کیجه لاری اخطار ایده رک
 کله جک یازه قدر بویله ملول و غمگین نه بابه جگکیزی
 دوشوندیریور ؛ بیلیور سکز که بتون قیش حیاتکیز بویله

کچه جک ، بویله مالال ایچنده ، محضا کچوب کیتدیکی ایچون
 سزه مسعود کورینن اویاز کونلرینی بکلمکله کچه جک .
 فقط بوبکله دیککیز یازکده — درت کوزله انتظار ایتدیککیز
 حالدله کلهجه سزی اماللدن باشقه برشی یامبان — بویکجه دن
 فرقلی اوله مامسنی دوشونمکدن ده خالی قالمیورسکیز . یاز ،
 هانی کچن سنه لر اوقدر بکله دیککیز حالدله نصلسه کتیرمدیکی
 سعادت کی کتیره جک امیدیه شیمدی ینه ورودینه منتظر
 اولدیفکیز یازده طبقی اوکچلر کی اوله جق ، بوئی ده حس
 ایدیورسکیز . چونکه هپ بویله بکله نن بو یازلر دائما عینی
 تهالکله توالی ایدن انتظار و مالال دوره لر یله کچمش ،
 سزی دائما بر انتظار مشه تاقانه ایچنده براقهرق کچمش
 دگی ؟ اعماق مجھولیتنده تیرهک نورلرله متنور زهره
 آمالکزی حاوی اولان بو استقباله ، بوبکله نن یارلره ملاقی
 اولوشکیز سزه یاسلردن ، مرارتلردن باشقه نه براقش ؟
 بو تالاقی ده عذیه ایکی مخلوقک تالاقیسی کی آجی کریه لردن
 باشقه نه نمره ویرمش ؟ ذاتاً بتون حیاتک صوک کله
 ناشی هپ بومقامله ایکله مزمی ؟

فقط دائما عینی کوروندیکی حالدله کیتدکجه باشقه لاشان
 حسیانکیزده بمضا اولدیفی کی بویکجه ینه تبدیلی فرق ایدیور .

سکیز ؛ روحکیزده بویکیجه دها باشقه بر مظلومیت ، دها
باشقه بر ملال وارکه سزی اصل بواشغال ایدیور .
شیمدییه قدر کندیکیزده تصادف ایتدیگیز ،
آیشمدیفکیز بو حس ندر ؟ بویکیجه بر دنبره قارشیکیزه
چیقه رق سزی مواجهه لرینه مألوف بولوندیگیز سائر
حس لرکیز ارمند یکیاکی ، مؤثر لکی ایله تالم و تحزنه
سوق و دعوت ایدن بویکی حس ندر ؟ بونه قدر خفیف ،
نه قدر مستحیل الادراک ، نه قدر اینجه ، نازک ، نصل
دییم ، نه قدر دورغون بر ملال ... صانکه ننه سنی غائب
ایتمش بر چو جوق سکیز که ایلک کونلرک شدتلی الملرندن
کندیسنی تشفیه و تسکینه کان بر چوق صدای تسلیتله
کسب قوت ایتدیکی حالد بویکون ارتق بولردن ده محروم
اولار ق . المی یالکیزجه و کرچکرن دوشونهرک درین
بر ملال اینچنده ایکی دفعه اوکسوزلک حس ایدر . بر ملال که
احتمال اولی قدر اغلاتماز ، فقط نه قدر درین ، نه قدر
تحمل سوز ... آجی بر حس که اولیه شدتلی حرکاتی موجب
بأسلردن ، سزی اتجارلره ، فجیعهره سوق ایدن آلام
عظیمه و مطنطنه دن دکل ؛ بویوک شیلر دوشوندرین ناکهانی ،
متهور صدمه لر کی یوروب خرد و خاش ایتیمور ؛ لیکن

برکوشده قابکزده درین برملال ایله ، نه اولومی نه جنتی
دوشوندیرمکله برابر دهامؤلم برعجز ایله ، برعجز تحمل
ایله زبون براقیور . عجبا بونه ؟

آه ! چونکه کوزکزک اوکنده اوان او یازیوقی ...
اوتون طراوت حسنه ، سعادتنه شاهد اولدیغکز حالد
شیمدی بوتون فلاکتنده حاضر بولوندیغکز ، پک مراق
ابتدیگکز بر خسته کبی ، هرکون غیب ایتدیگی شیلرک
ماتنی طوتدیغکز ، بوتون تازه انکارینک برربرر چورو یوب
کیداشنی لاقیدانه تماشا ایدم دیکگکز یاز ، بوصوک بهار ،
بوکیجه شویله آراسندن کچدیگکز و شیمدی یه قدر لاقید
بولوندیغکز ظن ایتدیگکز بوقیر ، دهامدوغروسی بوقیر
یوقی ... آه بیاسه کزکه بو طبیعتک روحکزک الک حساس
صمیمیتلریه نه غیر محسوس رابطهلری ، نه نازک علاقهلری
واردد ؛ بیاسه کزکه اوراده اوان هر بر ذره فصل سنک الک قیمتلی
براماکزدن باشقه برشی دکلدرد ؛ بیاسه کزکه سنز فرقه
وارممشکن روحکز بوتورمله نه قدر مجروحدر ! چونکه
بوتورم صمیم روحکزده هنوز آچیلماش یاره لرله او قدر هم
تأثیردر ، بو طبیعت او قدر بالذات سنزدن عبارتدر ، ایچنده
یاشادیغمز شیلرله او قدر ملاتصق بولونوروز ، که الملمز برلشیر ،

بویله خارجی بر فلا کتده بزی معناً اونسبتده صار صاره
کندیمزده تحایل ایده مدیکمز پک اینجه ، پک چوق اینجه
حسارک تیتره دیکنی اولا بلکه فرق ایتیمیز؛ فقط بر زمان
کلیرکه بر متالم شاعرک ایگله یشی کبی چوق زمان اول اورولمش
بر ضربه نك تاثیرى اولکون طویولغه باشلار؛ وهیچ بکله -
مدیکمز حالدیه بر جریحه نك قارشیشنده بولونورز .

ایشته سزی بواقشام تنزه کزدن بردنبره دوندیرن ،
ساحلدیه کز مک ایسترن اوده قاچیران، صوکره برکوشیه
چکن او ایدی ، اویازک اوله سی ایدی . شو آنه قدر
آرہیه بیک درلو موانع کیره رک روح کزله یالکیز
قالمامش مدیکز ، فقط ایشته ایلمک یالکیزاق سزی
اونک صدای ناشیله ایقظ ایتدی ؛ ساحلدن
کیدوب مائی سمالر التنده ، مقعر دکزلره قارشى بتون
سمادت ونشوه سی کوردیک کز اویرلری بواقشام تنها ،
ملول وزار ، زار و سیاه کوزمه که تحمل ایده میورسکیز ،
صانکه دها پک یقین بروم صیبتک تفصیلاتی تحطره قوت
بولیور کبی یازی بتون احتشامیله دوشونمکه تحمالکیز
یوق دکلمی ؟ چونکه اوزوالله آغلادیغ کز یازله برابر
سزکده عمر کزک الک کوزل بر دوره سی ، آرتق بردها

عودت ایتیمه جکینی آجی آجی حس ایتدیککز بردورده سی
 یکم شدرد. چونکه ایشته طبیعتله اوقدر بر سکز که اونک غیب .
 ایتدیکی سعادت قی دوشونه رک سزک سعادتیکز مش کی متأذی
 اولیور سکز، ایشته اونک المری سزک المارکز اولیور؛ فقط
 بواویله برالم که نه بر تخرش، نه بر صدمه در؛ یاواشیجه کلوب
 داغدار ایدن، تحلیلی محال ایجه برالمدر، برمالدرکه او بویوک
 یأسلردن، موسسه نك، بایرینک محاشم یأسلری کی خشین
 وعلوی یأسلردن زیاده خراب ایدر؛ زیرا او یأسلرده کیدوب
 بوماعون حیاتی بتیریویرمک امنیت مضفرانه سنک تسلیتی
 موجود ایکن بونده یوق؛ بالعکس بونک دائماً بویله
 اوله جفنی بیلمکله برابرینه تحمل ایتک، تحمله مجبور
 اولمق حسی وارکه ایشته بوانسانک بوینی بوکیور .

آه اکر بتون سنه لر بویله کچه جکسه، قیقتی صوکره دن،
 ارتق تذوق ایتک محال اولیجه اکلاشیلان او محو اولمش
 سعادتلره تحسیرله کچه جکسه، نه قدر زواللی بر حیاتمز
 واردگی؟ فقط کچنلر، بواک مسعود اولمسی لازم کله رک
 کچن سنه لر اصل کچدی، زواللی چوجوق! اونلرده ساده،
 عمیق برمالل، ابدی بر انتظار مشتاقانه رغماً نه قدر
 ملول برهیچانک، نه قدر یکدنسق برهیچانک ایله، برصوک

بهار سمانی آندیران صولوقانی نه قدر نامتناهی بره چلاک ایله
 چکدی ! دیمک حیات بوایدی او یله می ؟ او کوزل ،
 منور ، مست حیات بوایدی ؟

حالبوکه اوشباب نور انورک سزه ویردیکی بره یجان
 پروازلر ، او سزی بیک درلو امیدلره ، چیاغینجه
 امللره سوق ایدن ، او تعالی ایچون یوکسکاکاری کافی
 کورمیه رک نامتناهی بی استحقاق ایدن مست و مغرور
 قانادلر ، او بر موسیقی نغمه سیله ، بر کوزل کوز ایله ، بر بدیع
 منظره ایله ، نهایت حیات و طبیعتک بوییک درلو
 کوزلاکلریله دائماً مسهور آمال چیرپندان قانادلر ، اونلر ،
 او یله ایسه اونلر نه ایچوندی ؟ سزی بو محاسن قارشیدینده
 دریندن دریندن فدای جان حسلریله تیترتن ، بر کوزل
 کوز ایچون اولمکی بر ساعات سرمستانه ، بتون حیاتی
 اوزون بر رؤیای نور و غرام دیه تاقی ایتدیرن اوقوت
 سحر نه ایدی ؟ اکر حیات بویله اوله جقسه نه ایدی سزده کی
 او حرارت که قارشیکزده بوشاغنی ، هچلاکلی ، مردار لغنی
 بوتون بشریت مضطربنه ک بوتون آهلری ، بوتون اینلری
 اثبات و تکرار ایتدیکی حالد سزه حیاته ینه سعادتلر ،
 سزه حیاته ینه صفوتلر امید ایتدیریوردی ؟ هرشی
 بوشه بو نیچوندی و نه ایدی ؟

عشق ... فقط سزاوند زده محروم اولمادیکنز ؛
ایشته سودیکزده ، حتی سولدیگزده ؛ انسانی
بر مدت اک علوی امللی حکم. انک بیله تخیل
وتمنی ایده میه جکی درجده محاسنه ، معالیه طبیعی
اوله رق سوق ایدن ، انسانه شوحیات ایچنده بر حیات
خیل یاشاتدیران اوقوؤ ساجرانه ... بوکاده مظهر
اولدیکنز : سودیکز و سولدیکنز . شهابکز اوقدر حار
و مشتاق ایدی که ایلک معاشقه لر کزده اونک یالاکز غرامیاتی
کوره بیلدیکنز ، هپ ذوق و شغف حس ایتدیکنز ، حیاتی
طانیهدن عشقی طانیدیکنز ؛ هم او یله کنج عشق لر که سزه
حیاتی طانیتمدی لر ، سوسلدی لر ؛ او یله عشق لر که سزی
خراب ایتک ایچون حیاته ، حیاتک المریله برلشمدی لر ،
سزه دائما مائی ، دائما علوی کوروندی لر . فقط بر کون
کلدی که آراق حیاتی طانیدیگنر حالده سودیکز ، آه ایشه
بوصوک معاشقه لر ، هله ، آه اوصوک عشق ، اواصل
حیاتک جدیتی طانیدیگنر زمانده او ککزه چیقان قادین !
بوملوث حیاتک زده سزه بر سعادت ویره جک ، او حیاتی
تزیین ایده جک ظن ایتدیگنر ، بر حکمی حائز اوله جق ، بتون
بکله دکلر کزی نهایت کتیزه جک ، سزه حیاتی اونوتدیره جق

قیاس ایتدیکنیز حالده اوچ آیلق برمناسبت بهیمیه دن
 باشقه برشی اولیان ، جهان آمالکنزک اویتماشنر ثروتلریله
 شمارمش ، ممتاز ونزیه روحکزی اوزمانه قدر بیکارجه
 دفعه ایشتمدیکنیز ، یوز بیک دفعه اوقودیفکنز وحس
 ایتدم ظن ایتدیکنیز حالده باشکزدن کچمدیکی ایچون
 حس ایتدیکنیز ، اکلامدیفکنز ، بیامدیکنیز حیاتک بتون
 حیوانیایله یوران ، خراب ایدن اوقادین ! او طویدیفکنز
 نفرت عمیق ایله برابر حیاتکنزک اک شدیدالامل زمانی ،
 سعادت هیهچ اولمازسه اک یقین بولوندیغکنزه اینانیدیفکنز
 برزمانی رنگارله بویامش اولدیغی ایچون کندیسنی اونوتمق
 اوسعادت اونیوتمق قدر محال اولان قادین ، آه اوقادین !
 دیمک عشقده بویله ایدی ، اوده حیات کی ساده اوزاقدن
 کوزل ، دیمک اوده حیات کی ساده برسر ایدی اویله می ؟
 ایشته بونک ایچون یکی تشبثلردن آراق اوقدر عمیق بر
 کسلان طویورسکنز ، اوقدر مجروحسکنز که آنی به دائر تکرار
 املر حاصل ایتمکدن نخشیکنز وار ؛ هر شیئنه ، حیات ،
 عشق ، هپسی بوش اولدیغندن ، هر شیئک هپ بویله اوله جغنی
 اوقدر مطاق و آجی بر صورتده حس ایدیورسکنز ، آراق دایما
 دایما بویله اوله جغندن اوقدر اینسکنز که بوسنزه حیات حقنمه

کران، پک کران بر تائر ویریبور؛ شیمدی یه قدر حیاتک بتون
 مجادلرندن شاعرانه یأسلرله، انسانلر حفته کین آلود
 محاکمه لرله چیقارکن بوسفر حیاتی، دنیایی پک یقیندن
 کورمش، مجروح فقط مجروحانندن حایقده حایقده مشتی
 اولیه رق، بونک دائماً بویله اولدیغنی و دائماً بویله اوله جغنی
 حس ایدرک — قارشیسنده بردنبره اولومی کورن اودونجی
 کبی — حیاته، اوبویوک حیاته راست کلوب ماهیتنی
 اکلامش بر آدم کبی منائی ومتوکل چیقورسکز؛ اوقدر
 منائی که حتی اولومی دوشونمورسکز، دوشونه میورسکز؛
 شو طانیدجه سومدیککز حیات کبی صانکه اولومه ده یاقلا-
 شدجه اونی ده سومیورسکز؛ اونی فاجعه لره ترک ایدرک
 بر انسان کبی یعنی اولمکه بیله جسارت ایدمین مسکین،
 متذلل، دائماً بویله اوله جغندن امین اولدیغنی حیاته دها
 اییی ممکن اولدیغنی ایچون قانع، ایستدیکنی بولامیه جغندن
 نه بولورسه اونی آلمغه راضی بر سفیل اولیورسکز. نه
 بابیم، دیمک حیات بوایمش، دیورسکز. هانی اولکی
 حرارتلر، هانی اولکی علوی غرورلر نه اولدی؟
 بوتذلل آره صره اوقدر آغر، اوقدر ناقابل تحمل
 کلپورکه بمضاً باشکزی قالدی ررق تکرار مجادله یه حاضرلا-

نیورسکیز ؛ فقط حیات سزه مهاتله باقیور ، اوزمانینه اویله
مجادله سز بر مغلویت که سزی آغس ، دورغون بر ملال ،
بردین ، بردین ملال ایله محکموم ذات براقیور .
اوکیک زده هر درلو املدن معرا ، سوق آماله کاه جسارت
کاه تنزل ایتدیکیکیز ، برچول یکر نکلیکی ایله اوزانوب
کیدن ، هر کسک حیاتی کبی بهیمی بر حیات وار ،
صوکره ... آتی بیک سنالک جهد و تفکرک اکلامدیغی
برسر عظیم ودهاش اوکیده از یلیورسکر ؛ دیمک بویله ،
دائما بویله رنکسز ، رایحه سز ، بکلمه دن ، امید ایتمه دن
یاشایه حقه سکر ، بوشلق ایچنده ، خولبالر کزک ، املار کزک
انقاضی ایچنده سورونه جکسکیز ... و برکون موت اویله می ؟
کیتیمک ، کله مک اوزره کیتیمک ... دیمک بوقدر ، هپسی
بوقدردی ؟ اوقدر املر ، اوشبابلر ، اوعشقلر ، اواشتیقلر
بونک ایچون ، بومسکنت ، بوذات ، بوبوشاق ایچوندی ؟
یا اوحرا رتلر اوغلیانلر اونلر نه اولدی زوالی چوجوق ؟
هیچ اولمازسه اونلر بر سعادت کی شیلردی ، چونکه
هیچ اولمازسه اوزمان الدانیوردیکیز ، حیاتی بر شی
صانیوردیکیز ، املار کز واردی ، امیدلر کز واردی ،
هرشیئکیز واردی ... بر قوت واردی که اطراف کزده کی

۱. ثلاره رغماً بو حیاتی سزه اوزون بررؤیای نور وغرام ،
 عشقی ، مؤبد برلخن پرستش حائده کوستریوردی ؟ بونه
 ایدی ، نه اولدی ؟ باری او اولسون قالسه یدی ؟ اونرده ؟
 آه ، چونکه هر معاشقه ده بر کون کلوب ماضی به
 تحسیر ایتک ضروری اولدینی کبی هر حیاته بر آن
 اولورکه المزدن کنجلیکک ینی هر شیئک کیتدیکنی کورده رک
 باشمزی اکوب دوشونورز ؛ کورورز که بوقوت سحر ،
 شباب ایمش ، و شیمدی یاواش یاواش کیدیور ، یاشمز
 یکرمی بشه یاقلاشیور ، حیاتمک انورلی زمانی کچمشدر ؛
 شیمدی بونک هر شیئی نورلی مذهب کوسستن معنوی
 بخارقه انکیز تأثیرندن باشقه مادی ، جسمانی فائده لرندن ده
 محروم اولمقه ، وجودمزدده روحز کبی حیات ایله
 مصادمه ده پک قیمتی شیلر ضایع ایدمک علیل اولمقه
 باشلامشدر ؛ بوقوت سهحرکه هیچ بر زمانک هیچ بر
 قوتی هیچ بروجهله اعاده ایدمز ؛ برشهاب که ضیائی
 شهابیله رهین فاء ، بر قوت که حیاته رنک و رایحینی یالکیز
 اوویریورمش ، وبونی بز فرق ایتدن ، اوندن ممکن اولدینی
 قدر ذوق آلمدن ، طبقی کچن سعادتلرکی قیمتی صوکرده دن
 آکلایرق ، اوله تقدیر ایتدن بر اقمشز ، کچمش ، محو

اولمش کینمش ! نور و شغف نه حیاتده ، نه عشق
 کندیسینده دکل ، اصل بزه اونلره اویله مذهب کوسترن
 کینجلیکده ایمش ، و اوایسه آرتق الدجیمیه جک صورتده ،
 اسفدن باشقه برشی براقیه رق... آرتق اوچش کینمشدره :
 ایسته اوزمان اودرین ، اوبطی ملال ، ایچمزدده بو
 آجی اوزمان حاصل اولور ، بر آجی که نه برخرش ، نه
 بریأسدر ، فقط او قدر درین ، ررحزک اعماقه اوقدر
 هستواید که بوخیزی بوکر ، هنوز بیامدیکمز ، یکیا کیندن
 تحلیل ایتک ایستدیکمز بر حمله دوشونورز : وشبابه ،
 حیاتده هرشی اولدینی حالدده بر شهاب کبی نورلر ایچنده کچوب
 کینمش ویرنده ظلمتدن باشقه برشی قالمامش اولان بوشبابک
 کیتدیکنه اوزمان اسف ایدرز...

انفعال

بن ده ، ايشته بر چوق زمان اوليور كه بن ده « كچه لر »
 شاعر سغلی كی « آه ای یالکزلق ، آه ای فقیر لك ! »
 دیه صیزلایورم ؛ بر چوق وقت صانکه دنیا ده کیمسه سز
 اولق سویله جك بر مضفريت مش کبی بوندن غرب و وحشی
 ذوقلر طویار کن صوکره دن بردن بر یأس ، بر یأس و تعب ،
 صانکه بویالکزانی محظوظانه تالق ایتک قاتلانه بر مصارع
 ایمش و کندی می بیکس وزواللی کورمه مکه اوغراشیور -
 مشم ده مغلوب اوامش کبی بیتاب وزبون بر یأس و تعب
 چو کیور ، اوزمان ... آه اوزمان ...

لیکن ایشه شهرلر دن قاچدم . ایشه اوزاقلره ، ممکن

اولدیغی قدر بوانس-انلردن اوزاقلره قاچوب یالکزلغمی
اونوتمق، کندیمی اونوتمق ایچون بورالره قدر قاچدم؛ بکا
یالکزلغمی اخطار ایدم جک برکیمسهیه، برشیئه راست
کلمه مک ایچون، یالکزلق ایچنده یالکزلغمی اکلاماق ایچون
قاچدم؛ زیرا اوراده، شهرده بنی اوغلبهلق، او انسانلر
اولدیر یوردی. کوندوزلری ازدخام ایچنده، هرکسک
بربريله اوغراشدیغی بومهرکده نعلسه سوروکاکن،
سوروکله بیان حیاتم، سفاتم اقشاملری بریوک اولوردی،
اوموزلرمی قیران، وجودمی ارن بریوک اولوردی؛
سوروکله مزدم؛ هرکسک اینن، کیرکجه اینن ردای
شب آلتنده قاچیشدقلری، اولرینه، «کندینک کیلرک»
یاننه قوشوشدقلری، هر طرفه بر حزن، بر تنه-الق
چو کدیکی زمانینه یالکزل قالان وابدیا یالکزل قالغه محکوم
اولان بن، اتملرمک آلتنده ازیایر، بویوکار آلتنده ازیایردم.
ایشته بونک ایچون قاچدم، غلبهلق یرلرک تنه-الشمسینی،
اوتنه-الق ایچنده یالکزل قالدیغمی کورمه مک ایچون قاچدم؛
بورایه، بهار یاغورلریله مستغرق ابراولان بورایه کادم؛
بورایه کادم که کندیمی اونوتهیم، دردیمی یازمقله مشغول
اولایمده اونوتهیم؛ کادم که یازیم، روحی یازیم، سفالتمی

یازیم... وایشته اون کوندرکه بورادیم ، ایشته اون کوندرکه دها سفیل ، دها یالکز ودها بدبختم ...

یازه میورم ، یازه میورم . بعضاً طغیان ایدیورم ، ایچمده کی آتشی « قارئین کرام » دنیلن برسوری لاقیدان کرام حضراتنه احساس ایتک ایچون بیک درلو اشکنجه لر آرمه سنده بیک درلو اشکنجه لرله اولمک ... بوده یچون ؟ لیکن بن بوسه سالت آرمه سنده ، بو آچلق ایچنده نصل ، نصل یازارم ؟ یازه جغمی دوشونورکن سه فالتمی دوش-ونیورم . خایر ، یازمه جغم ، ویازمه دن اوله جگم ؛ اونک ایچون دفتر اش-عاریمی قاپایوب بودفتری ، بودفتر سیاه سه فالتمی آچدم .

آه نه قدر آعلامق ایسته میورم ، او یله کلایورکه برکره آغلایه بیلسهم او قدر آغلایه جغم که حیاتمک بتون ایلریکی آجیلرینک بیله شمیدین تسایسنی بوله جغم . قلبمک بتون عصبیت متمرظه سیله برابر بعضاً احتیاج لر ، برانا ، بربابا ، بر قاردهش ، نهایت ، برائی دوست احتیاجیله کریان قالب کندی می او قدر بیکس ، سه سفیل کوری-ورم که کندی می اولدیغمی اونوته رق غایت آجیدیغم بر دوستمه آغلار کی اولیورم ؛ صوکره تخطر ایدیورم که فلا-

کتملرینه آغلامق ایستدیکم بو آدم کندیمدن باشقه سی
 دکلدر... آه بر آغلايه بيلسه م... ظن ایدیورم که آغلايه
 بياسه م قيرلره ياغمورلردن صوکره کان طراوت کبی بر
 تازه لك حس ایده جکم. فقط بتون یاشلرم بورایه، بوغازمه
 قدر کلیور، و بوغور، بوغور... آه الله آه، اغلامق ییله یوق!
 کز مک ایستدم، هیچ اولمازسه طبیعتک توکل ابدیسی
 قارشیدینده برتسلی، بر قوت قازانیرم دیدم، فقط هوانک
 بو یاغمور سنز بلوطلری، بو غوم اچینده سکوت ایدوب
 یاغمور بکله یین طبیعت بی نه قدر صیقیور. آه نه صیقنتیلی
 هوا بو... بیلیم که یاغمور یاغمیه جقمی؟ ظن ایدیورم که
 اوزمان تپه لرك اوستده طوران سیسلرك روزکار اوکنده
 داغیلشاری کبی بنده تطاریه ایده جک؛ خایر، نه برلمه
 شمس، نه بر قطره ما... یالکزلق قدر ملول بر سما،
 او قدر ملول بر منظره...

اوت، یالکزلق قدر ملول، بنم قدر ملول بر سما...
 بو آقشام هیچ اولمازسه تبدیل مناظر ایچون شهر یولنه
 چیقدیغم زمان عینی سکون اچینده، آلق بلوطلرك
 آلتده طبیعت بر شیئه منتظر کبی طور ییوردی؛ ایلک
 بوسه شمسله چیلغینیجه امیدانه رك تزه ایتش بتون

چیچکلرک بر برینه قاریشان رنکلریله طبیعت واسع بر
 هزاردن عبارت کورونیور ؛ فقط نه مادرانه بر شفقتی ،
 نصل بر توکلی وار ، یاربم ، بو کوزلرمدن یاش کتیریور .
 بتون بر قیشک ، اوزرندن کچوب حرارتلرینی چیکنه یین ،
 قوتلرینی ازن ، طوکدیران بر قیشک بتون تخریباتندن
 صوکره بر نظره ضیا ، اوینه هر قصوری عفو ایدن نینه لر
 کبی غیور وجسور ، یینه پر وعد و ثمره ، طبقی بر نینه
 لطفکارانی کبی یینه آئی ... آه نینه ، ایشته الک الیم جریحه
 قابم ... بکا اویله کلیورکه نهم اولسهیدی بکا هیچ برشی
 اولمایه جقدی ، بویله بسفیل اولمایه جقدیم ؛ وشیمیدی
 اوزمانلری ، بنمده هر کس کبی والدیم اولدینی
 زمانلری ، اوقیمتی بیانمدهن کچمش زوالی زمانلری
 دوشوندکجه . داء الصلاهیه بکزر . مؤلم بر عذاب ایله
 مضطرب اولیورم . صوکره قارده نیم ... آه بو زوالی ،
 زوالی قادین ؛ لیکن باق کوریور . یسک ، حیاتیمک بتون
 سفاقلری بی اغلاته مازکن ، آجیاقلر ، یالکزلقلر ارمه سنده
 کندیمه اغلایه مازکن یالکز سنی تخطر کوزلرعی یاشلرله
 بو غیور ؛ فقط نه در یاربم ، ایچمده کی بو کثیف اضطرار بلرله
 برابر بو یاشلری سیلانندن منع ایدن نه در ؟ اغلاسه م ،

اغلايه بياسم ... اغلاق ممکن اولسه ، ظن ايدييورم که ،
 سعادتدن اوله جکم ... آه بواچمی یاقان آتش ، بق سنی
 تخطر ایدنجه او قدر شدتاندی که آراق تحمل ایدمه جکم ...
 بتون حیانیکی ، تاصباوتدنبری بتون حیاتیکی دوشونیورمده
 هر ذره حیاتیکی چون آری بر ماتم طوتمق لازم که جک قدر
 خوار و سفیل ، بد بخت و ذلیل اولان بو حیانیکی نه قدر ، آه
 نه قدر یانیورم بياسم ... قلبمده کی بو آتشی ، بونی هر
 درلو آلامک یاننده هپسندن شدته یاقان آتشی نصل ،
 نصل یازمیم ؟ بونی هر کسه نصل اکلتملی ؟ اونلری
 نصل یاقملی ، نصل زهرمالی ؟ نصل حایقرملی که بن اولیورم ،
 نصل حایقرملی که بنی سنز اولدیریورسکز ، سنز ، سنز ...
 ظن ايدييورم که اونلره قارشى انحرار قدر ذوقلی برانتقام
 اولامیه جق !

بوسفالتلری نیچون یازملی ، بوباشقه لری ایچون
 اهمیتسنز اولان مسکین شیلری نیچون یازملی دیبوردم ،
 فقط دوشوندم که نیچون اکلتماملی ، نیچون کوسترمه ملی که
 بوسفالتلر ، حیاتلری نخریب ایدن ایشته بوسفالتلردر ،
 انسانلری انسانیتجه یارالایان ایشته بوسفالتلردر ،

وجدانلری ره این ایسته بویله برقاج غروشدر، روحلری
 کیراتن یشته بو برقاج پاره در ... فقط بونیچون ؟ بنم
 بوراده آج قالدیغی ، ییه جک برشی آلق ایچ-ون پاره
 بولامیهرق کیجهلری یالکیز و آج کچیردیکمی بوانس-انلر
 اوکره نیرسه نه اوله جق ؟ آلتش عصرلق فریادک افاده ده
 عاجز قالدیغی ، بتون دنیا ده میایونلرجه خلک « آجز » دیه
 حایقره حایقره اکلاته مدقلری شیئی بنم قلمم می یاپه جق ؟
 صوص آه ای گوشه سه-نده یالکیز و آج ایکله یین سفیل ،
 زواللی قوشجغز ! صوص ...!

چ

بازی هوا بویله اولماسه ... بو برکریه سز ، طبعی
 بنم یاشلرم کی برطوفانسز ، خشین برسکونتله ساکن
 هوا ... ظن ایدیورم که بتون المرم بوندن کلیور؛ هیچ
 یاغمور یاغمیه جقمی عجبا ؟ یاغسه ده اوزمان ده یاغموردن
 شکایت ایتیه جکمی یم ؟

بورایه ، بر دوستمک آجق یازی کچیرمک ایچون
 کلدیکی بوکوشه که اون بش کرن مدت ایچون کلدیم ،
 و بوراده شکر که براو طایله ایسه جق برشی بولا بیلدم. هوالر
 صوغوق اولدیغی زمان صوغوقدن شکایت ایدیورم ،

اويلاڭىڭ بويىلاڭىڭ عاكسى كىيۈر ، آتلىق دەپ بولغىچە ، اوت ، اوزمان دە
 مالال باشلاپتۇر ؛ اكر اوشۇسىدەم صوغۇق دىن شىكايەت
 ايدەڭگەم ؛ آمەنە خەلق ، دەھادىغىسى نەھەت كەڭ دىن شىكايەت
 ايتەم بىرەم ، چۈنكى رۇھىيەت كەڭ دىن ئايدەم ھېچ بىر شىلە قانغۇر اۈلەمگە ،
 ھېچ بىر شىلە ئىنسان اۈلەمگە مەھكۇم ... بۇرۇنكى بىر كىچىك
 وار ، قىسقا ئۆيىڭ ھىلە كار كۈزۈر بىر اولادى ؛ قىزىق پارە
 قازانمىق ئىچۈن يېڭىمى يالان سۈيىلەن بىر آدەمگەز ، طەبىئەت
 بىر يەنەڭ بىر قىزىق ؛ ايكى كۈن ئىچىدە كىيىن طەبىئەت ،
 يەنەم ، سود بولمىق ئىچۈن ئىدەم آۈرەم اولاننى ئالدى
 ئىچىدەم ؛ بىن ايسەم بولمىق بۇرۇنكى مەدەت اقامىمى
 آۈرەمگەز ، وھەتەمگەز ، وھەتەمگەز شاعىرى بولمىق كىيىن ئالدى
 مەدەت كەڭ زەھەرلە مەدەت اولامى ؛ « دىيەڭگەم . فقط ايشە
 دىن كىيىنكى بىر پارەمىز قالدۇرغۇم بولمىق تەبىئەت ئىچىدەم
 يەنەمگەز قالدۇرغۇم بولمىق ، دىيەڭگەز ، دىيەڭگەز اۈرەم بىر
 آۈرەم ، استانبولدىن پارەمگەز ھەتەمگەز جەمەزى ايلرى
 سۈرەمگەز بولمىق بىر آۈرەمگەز قازانمىق چايشىۈر ، فقط
 ھەتەمگەز اۈرەمگەز بىر « استانبولنى كىيىنكى ؟ » دىيەڭگەز
 بىر ئالدى وار ، پۈتتەمگەز سەتلىرى بولمىق كىيىنكى اۈرەم بىر سەتلىرى
 قونۇشىۈرگە اكر بىر كۈن تەخىر تەخىر ايدەمگەز استانبول

کیتیمکه قالفشسام بو آدم بش اون غروش ایچون بنم قائمه،
 کمال سلامت وجدان ایله قائمه کیره بیلیر، وفناده یامماز !
 ألمده پاره اولدیغنی بیلدکجه کوی برماندیره کبی، بر
 حقتلک کبی زنکین کورونیوردی؛ بنده پاره آزالدکجه
 اوده فقیراشدی، شیمدی بدرجهیه کلدی که ساده
 یورطه دن باشقه برشی قالدی. و بوده هرکون تاقص
 ایدیور. نهایت پنییره ایندک؛ ظن ایدرم یارین قحط
 اوله جق. کیم بیلیر، کیلارده کچن سنده دن قالمه برپارچه
 قوردلو پنیر وار، هر دیلمی یکرمی پاره یه کتیریور؛
 هرکون ایصمارلادیغی، جوار کویلره آدم لر صالیدیغی
 تأمین ایتدیکی ط-اووقلری او برکون کتیرمه مک ایچون
 کستاخ یالانلردن چکنمیه رک، کویده الحق اون بش کونده
 برکسیان قویون اتی بکلنه رک، بویله کیدیور.

و آرتق اونی چاغروب صوره میورم، هیچ برشی
 ایستیه میورم؛ اونک ایچون بوکیجه کزمه دن عودت
 ایدوب ده تیتیه تیتیه اوطیه کیردیکم، بو قوجه کرشکک
 ظلمتله بولانان مردیونلری آره سندن، یوکسک
 قپولرندن کچهرک ینه سفالتمه کومولدیکم زمان او قدر آج
 ایدم که حتی قوری ا کک ییه بیله جکدم؛ و چاغره میوردم،

اوت ، اوطانديغم ايجون صباحه قدر بايکه اويويه ميه رق ،
 فقط ينه او آدمی چاغره ميه رق ايکليه جگدم ... آياق سسی
 ايستدم ، ايکری يورويش-يله کلدی ، منغالك اطرافده
 شويله بر طولاشه رق ، بر آز سکوت ايده رک ه سکا برشی
 آليويه جگمی يز ؟ ه دیدی . اوزمان ، آه ايسته اوزمان
 قالقوب آغلايه رق کندیمی اولدير مک ايستدم ، منفعت
 ايجون اولسون ، بندن پاره قازانمق ايجون اولسون بو
 آدمک سويلديکی سوز بکا او قدر دو قوندى ...

فقط آرتق الويرر ، آرتق تحمل قالدی ؛ بونک ابدیاً
 بويه اوله جفی حقیقی کوز اوکنده ايکن دها زياده ياشامق
 ايسته مک ايجون انسان پک دنی ، پک چوق دنی اولمالی ...
 حالبوکه بنده ياشامق ايستردم ؛ هيچ اولمازسه بنده
 برزوجه نک ، اوخيالمک زوجه سنک روح صاف ومنور يله
 مست اولمق ، هيچ اولمازسه بويه پاک برسینه ده بر آی
 اويومق ايستمزمی ايدم ؟ آه اوکنج قیز ، او برکون راست
 کلديکم زمان بردن هر قادين کبی تاقی ايدمديکم ، ايلک فکر
 اوله رق ه آه ايسته زوجه م بواولسه ! ه ديه دوشونديکم ،
 هر حاليله بتون خوليامه توافق ايتديکینی طويدیغم کنج قیز ؛
 اونارين ، او بر قرنيل قدر نارين کنج قیز ... کیم بيلير

شیمدی بلکه برزوجه ، بلکه ده بر والده در ! آه بنم چو-
جو غمک والده سی اولق ایچون نه مانع واردی ؟ بو حیات نه در ،
بو حیات ، بو کنندی کو سترمه دن بزی اداره ایدن و حیات دینلن
شی نه در ، یاربم ؟ بو کج قیز ، یا خود بو کج والده بیایر می که
دنیا نك اك سفیل بر شاعری کنیدیسی ایچون بو سفاالتلر
ار سنده اسفلر ایدیور ؛ کویا داخل محرمیتی اولدقدن
صو کره محروم اولشم کی ، صو کره کلن بنم حقمی آلمش
کی آتشنر بر قیصقا نجاقله قاریشیق ، بیایم نصل ط- اتلی
بر اسف که ... زوجه م اولامدکسه بتون صفوتکله ، بتون
رقتکله باری بنم هم شیرم اولسه یدک ، بنم قار دشم اولسه یدک ده
بونی یاقان حسرتک زهرلی یاره لرینی ، قار دشمک زهرلی
یاره لرینی تداوی ایتسه یدک ، بوروحی قور تارسه یدک ...
آه اغلامق ، اغلامق ... اغلامیه جقمی یم ؟ هیچ
اغلامیه جقمی یم ؟ بویله ، بر کریمه سزمی اوله جکم ؟ حتی
ارقه مدن اغلایان ، اغلامیه جق کیمسه لر بولامیه رق ... باق ،
طبیعت بیله او قدر مغموم ونالان ایکن اغلامیور ، نه بر
قطره ما ، نه برلمه تسلیت ... بتون دومان ، بتون سیس ...
آه بریا غمور یا غسه ، آه بریا غمور یا غسه ده اغلامیه بیایسه م ،
واغلار گن اولسه م ...

ایوب یولنده

اون سنه در او طرفلری کورمه مشدی. اون سنه
قاضی کوینده ، آطه لرده ، استانبولده یاشامش ، حیات
صباوتنک کچمش اولدینی ایوبک وجودندن شبه ایده جاک
برحاله کلمشدی ؛ ایشته بو کون ، بو کیرلی روز کارلر آرمه سنده
داغهلانان التماعات ایله منور جمعه کونی ، بردن بره بیامم
انصل اورانی دوشوندیکی زمان او قدر مجهول بریر
کوروندی که کیدوب کورمک مراقفه دوشدی .

اولا آیوانسرایدن کچدی . لوبجده کوچوک ، درلو
رنیکرله بادانه لاش طوغه خانلر واردی ؛ کوچوک ،
دمیر پارماققلی پنجره لر آرقه سنده ، باصمه پرده لر آرمه سنده ،

ایچرینک زمین ظلمتند ترسم ایدن اختیار چهره لر ،
 پارلاق کنج کوزلر ، ایشله مشغول قادیلر کورونیوردی .
 بعض اولرک اوکنده یالین آیق چوجوقلر ، یراوطه لرند
 طوپراق اوستنه سریلیمش یاتاقلره اوزانه رق مشربه ایله
 صو ایچن قادیلر ، یره اوطورمش ، قپودن کیرن ضیانک
 اعانه سیله کرکف ایشله یین قیزلر کورونیور ، روجه
 ارمیجیه قاریشه یور ، سوقاقده حایقران سپورکه جینک
 سسیله اوراده اخشاب بویوک اولک اوکنده اودون یاران
 بکجینک چوجوقلرله شاقه لاشمی برروم مکنبنک
 پنجره لرندن چیقان ولوله ایله برله شیوردی . آردهده بویوک
 اولرده واردی ؛ بونلرک پنجره لرند تولار ، دانته لای
 یاصدقلر ، براسراف ترین عامرانه مشهوره اوایوردی .
 بو پنجره لرندن بکلمه کرن آراق سیاه لاشمش کچ قیزلر
 طاشیوردی . بعض قپولرده پارلاق پنجه اوسته محکوک
 برابه ، بردوقنور اسمی اوقونیور ، بونلردن بمضیسینک
 پارسدن کلدیکی تأمین اولنیوردی .

لونجه یی کچه منظره ده سفلالشمکه باشلادی ؛
 ویرانه لکار توالی ایدیور ، یانمش اولرک خراب اوجاقلری ،
 ییقلاش باجه لری کلیوردی ؛ بونلردن صوکره کیرلی بر

پوغاچه جی ، اسیکی اولر ، بر ویرانه ، بوش بر فرون ،
 کیرچ قویولری ، رنکی صیرتمش قولبلر ، آچیق قولرندن
 بانهجه بر ظلمت مخوفه ایله کوزی قورقوتان مائل انهدام
 اسیکی بنالر ... آیوانسرای قیوسنده بولدیغی زمان
 بورانک حالنه شاشدی .

بر کره واسع بریول واپور اسکله سنه کوتوریوردی ،
 بویولک ایکی طرفنده قیرمزی رنکلی بویوک ، اسیکی
 کرا اولری واردی ، پجیره لرنده کریامش ایپله چاشیرلر
 آسالمشدی . جاده نك اورتیه سنده بریکن سوپورتی ایله
 بر قالدیرم تشکل ایتشدی . صول طرفده عرب لقلرک
 کوبره لری بریکیرمشدی . اوراده بر عشوره جی بکلبور ،
 یاننده طوله صاتن باشی چاقیلی بر شیشمان عرب قاریسی
 تنجره سیک باشنده قهوه سینی ایچیوردی : بری طرفده
 صربه جیلر ، قوللری صغالی پانخوسیز چاکتیز بر طاقم
 آدملر اسکله لر اوطورمش ، قونوش یورلردی .
 اونک اک زیاده تیجینی موجب اولان شی بوراده شو
 نیم ازدخام ایله برابر شهود اولان سکون حیات ایدی .
 دکانلرینک قاراقلق ایچلرینه اسکله لر اوطورمش نارکیله
 ایچن نعلبندلر ، بر بغدادیخی مغازه سی ، بر طرفده قازغانک

باشنه اوطورمیش چراغیله قونوشه رق بکله ین اشکمه جی ،
اونک یاننده ایشبورطه لرله طیش-اری دیزدیکی لیونلر ،
یمورطه لر ، پورتقاللردن باشقه دسکا هنده کی تازه پنزلردن
پک منون کورونن بقال ، صوکره الاری قیرمزی بویالی
برفس قاباجیسی ، جاننده ایپله دیزلمش برچوق دیشلر
آصلی سیکلی بر بربر ، دها صوکره عجاجیلر واردی .
وبوزوق قالدیرملرک اورتلری هیچ برموسمده قورومیان
چاوردیله چوقورلاشوب کیدیوردی .

آو نسرای قپوسندن کچنجه ایلك مکتبئی کورمک
ایچون آدیملرینی صیقلاشدیردی . بوراسی آرتق خراب
ومتروک ایدی . چوجوقلغنده کنیدیسنه اوقدر واسع کلن
شو بنایی پک کوچوک کوردی ؛ تصورنده اوراسیله
یاودودک آره سی پک اوزاق ایدی . کوچوک برچوجوقکن
صوغوق قیش کونلری بومسافه یی یورومکله بتره مزیدی .
شیمدی بتون جاده نه قدر کوچوک ، نه قدر طار ، نه قدر
قیصه کورونیوردی ؛ دکرمنک ولوله سی هر طرفی طولد-
یریور ، شدتله سورولان یوک بارکی لرینک چینغراق
کورلیتلری ، سوروجیلرک نعره لری ، قالدیرمده کی سسلر
باش آغریتیوردی .

بوگون جمعه اولدیفندن یول غایه لاق ایدی ؛ کیدنلر
 و دونلر آره سندن فکرینک ملانی تزید ایدن برتحلیل
 ایله کچوردی ؛ اک اوفاق بر بهانه دن ذهنده بیک درلو
 خاطرات بردن حیات بویوردی . قره غولک یاننده بر
 مهاجر انی قیرمزی قوشاغنک آره سنه صوقش آرقداشنه
 « تیهابه ، ایشته بورادن اگری قویه چیقیورز به ! »
 دییوردی . شیمدی بویول بردن بره کوزینک اوکنه
 کلدی : اولامزاراق آره سندن کیدر ، صاغده برکوچوک
 اویغینی کچلدکن صوکره ینه مزاراق آره سنده خفیف بر
 یوقوشله اکگری قویه واریلیردی . بتون اونوتمش
 اولدینی چوجوقاق حیاتی کوزینک اوکنده جانلاندی ؛
 مکتب دونشلمرنده ، چانطه آله ، ممکن اولدینی قدر
 چوق کزیمک ایچون اوزاق یرلرده دولاشه رق کیندیکی
 کونلری ، اوه وارنجه کندیسنی بکله یین ، مراقی حرصلی
 بوسه لرله سوندیرن والده سنی کوردی .

اوزمان اوراده یادودوک همان یاننه دفن اولونمش
 والده سیله پدرینی زیارت ایچون یوانی قیردی ؛ فقط بردن
 کری دوندی ؛ تخطر ایتدی که بونلرک برنشانه سی یوقدی ؛
 هم اورایه کیدوب نه بایه جقدی ؟ کندی اونلره ، او

طویراغك التده یوق اولمش وجودلره غبطه ایدمك
 قدر فنا و مضطرب یاشیور ، بو حزن اولره آجیمقدن
 دكل كندی المرندن كلیور ایدی . وتوقف ایتهدن
 كچدی ، ایلرلهدی .

شیمدی یول طارلاشمش ، صول طرف بر بوستان
 دیوارینك التده كومولمش اولورك یری ، صاغ طرف
 بر صیره مشئوم ، قارا كلك ، قیرمزی رنگلی اسیكى ییچم
 اولر ایدی .

او كنده بر كومه قادین كیدیوردی ؛ بونلری
 تاییوانسرایدن بری تعقیب ایتشدی ؛ بری ، قالین چوبوقلی
 شام قاشندن ، بلدن قابا قابیویر یلمش چارشافك روزكارله
 طولوب شیشهرك بر فیچی شكلی آلان ائكیله سرسری
 سرسری یوریوردی ، بر نوع رقص دنيله جك غریب
 بر یوروشی واردی ، بوشیشان بر قادین اوله جقدی ؛
 آره صره روزكارله اوچوشان ائكك آلتندن صاری
 چورابلی آياغك اوزونجه اوچكسه سی اکیلمش قره
 اسقار پینلری کورونیوردی . آره صره صالنه رق اك
 كنجلرینه ، مور ایك چارشافلی ، تول شمسیه لی بر قادینه
 بر شیلر سویلیور ، وجودلرنده بر قهقهه دولاشیور ،
 صوكره هپ دونهرك آرقه لرینه باقیورلردی . شیمدی

مزاراغہ یاقلاشہرق طاشلرہ بقغہ باشلادیلر ، برینک یوزینی کاملاً قاپایان قالین پچہسی سیام بول چارشہفک اوزرنده بیاض بر لکک کبی قالیوردی . بونک ارغہ آنکی اوقدر قاقممشدی که روزکار طوقوندقچہ بیاضلی قرمزلی برپارچہ کورولہ بیایوردی . یادودوده شدتلی برروزکارک اوکنہ دوشمش بر توز بونلری بونالمدی . قارشیدن کلردن بمضلری قادینلرہ یقین کچہرک طانیق ایستر کبی دقتلی دقتلی باقیورلردی ، بمضلرینک یوزلرنده اوقدر یاغین بر تبسم قناعت و مومنیت واردی که بویوک بر شیئہ نائل اولمشلر دنیلہ بیایوردی . اورادہ اسیکی آشی بویابی سیاہلانش بر قهوه‌نک اوکنده صاری پیکہ خرقہ سیلہ ، بیاض ائتاریسیلہ ، شکر رنگ چورابلرینی نیم قاپایان اوکچہسی باصلمش قرمہ پانتوفله سیلہ بر بک صدقلی باستونہ دایانہرق کوز سوزیور ، قهوه‌نک چراغی قیرمزی چوبوقلی اوکلکک اوزرینہ براقیوردیکی آلدہ یاری پرندن بوغولمش بر ماشہ طوتیوردی ؛ قارشیدہ توز رنکنده جاکتی اوموزینہ آلہرق دیوارک دینہ اوطورمش بر بک احق احق کولہرک اوطرفہ بر سوز فیزلاندی :

— یامان شیلر !

ایکی قادین بر برینه تقرب ایتدیلر. شمعی یورویشلر نده
 بر آهنگ مسعودیت فرق اولیوردی. چراق ماشه سنی
 شیقیرداتهرق بر قهقهه فیرلاتدی، صوکره ایچری دونه رک
 بر کفر صالادی. مزارلقدکی اگری بوگری طاشلرک
 اره سنده چوجو قکر اویناش یورلردی؛ بری، باشنه
 باشمش کیرلی فسنگ التندن کوزلرنده زواللی بر ذکا
 پارلایان بر چوجوق، یشیللی صاریلی منتانی بوغان شکر
 رنگ پانطالونک پاچه لرینی صیغامش، قوندوره لرینی آله
 آلمش، بر سروی سپر آله رق صاری طونلی، بیاض
 کوملیکلی، چپلاق باشلی آتی یاشنده بر چوجوغه
 یانیته رق « بنی طوته منسک که! » دیوردی. وکوک
 قایلیوردی، اوقدر اوغراش یور، هان آلی دکه جک
 ایکن ینه قاچیریوردی؛ ارقده بر تخته پرده دن صوکره
 بر بوستانک خنده ک یشیللکاری روزکارلانیوردی.

قادینلر اوراده کی فروندن پینرلی پیده آلمغه
 دالمش لردی؛ اک کنجی کوله رک: « آ، الله اسیرکه -
 سین ... » دیور، رفیقه سی: « ایله بردانه ییه جکسک،
 والله خاطر م قالیر، همشیره ... » دییه زورلایوردی؛
 اختیار قادین کیسه سندن پاره چیقاررکن بر طرفندن ده

حریفک ویردیکی پیدملره بافرق : ه آ ، بوتوز ایچنده
 آیول ، بونک تمیزی ویر ! ه دیوردی . شیمدی چوجوقلر
 اویونلرینی بر قشیلر بو طرفه ککشلردی ؛ صاری طونلی
 کوچوک نهایت صبر ایدمیدی . ه خانم تیزه بریارچه
 ویرسهک نه ... ه دیدی ، کنج قالدین کرکه بشالادی ،
 شیشمان خانم اونی چکک قارشیدن کان بر مکتبلینی
 کوستردی ، اختیار کیسه نی جنبه طقمقله اوغراشیوردی .
 شیمدی بر کوشه دونیلهرک دفتردار قهوه لری
 کوروندی . اوزمان بتون فسخانه یولی ، تاسکی رشیدی نک
 قارشیدنه کی سبيله قدر بویوک جاره آچلدی ؛ بوراده
 قهوه لر غابهلق ، یول خنججا خنج ایدی ؛ کان کیدنلر
 آره سنده سلاملاشانلر ، یاقلاشوب قونو هرق کومه
 آشکیل ایدنلر واردی ؛ آرتق مزارلق بیتمشدی ؛
 قهوه ده کی خاق برشی بکلیورلر کبی اوطورمشلر ،
 نارکیلرینی ایجیورلردی . اوکلرندن کچنارک هپسندمه عینی
 ممنونیت تفرج مشهود اولیوردی . بتون بو ازدحام
 آره سنده یوللر دکیشیور ، حلواخانه قاپلریله دکانک
 اوکنی سوسلهین ، یشیلاکلر آره سنده طاندیلرله طولو
 طاباقلر یرلشدیرن بر آشچییه توجه ایدیور ، کوشه

باشنده کی عجمك فساك. ليله دونانمش دكاني اوكنده خاق
بريكوردی . قهوه جيلرك ندالری بربرینه قاریشه-یور ،
برصوجينك معند زبلی چينقردامقده دوام ايديوردی .
آره صره روزكار يولك بتون توزيني شه-تلی بره بوبله
قالديره رق بتون يولی قاپالايان بولو طار تشكيل ايديور ،
چكنلر بونك آره-نده غائب اوليور ، بمض قادين-لر
شمسيه ليله تحفظ ايديور لر ، ديكرلری آرقه-لرينی
دونه رك ، قاپامغه چالشدق لری شمسيه ليله اوغراشه-رق
بكليور لر دی .

اورادہ کی جامعہ اوکینڈہ رنگلی چارشاہ قمرلہ بر
برچوق قادیلر صاریقلی آدم لک آرمہ سندہ عسکرلہ
مقابلہ کورونیورلردی . بو آدم لک همان اکثری عسکر ،
مہاجر وخواجه طاقیدن ایدی . آرمہ بیاض الدیونلی
مکتبایلدہ واردی . فسلری موازنت زاویہ سنی کچمش
نفرلہ قیرمزی مندیللری اوموزلرنده آل البیورین
ترسانہ عسکرلری دزیلر تشکیل اندیورلردی .

آزایلریده جمعه بازارینک مقدمات ازدخامی کورولمکه
باشلادی ؛ آقار چشمه یولنده لقمه جیلر دیزلمشالر ،
عسکرلر بربرینه اکرام ایندیورلردی . اورادنده برقسم

خاق کله رک بورادن کیدنلرله برلشیور ، غلبه انی چوغا -
 لیوردی . شیمدی قادین اُرکک قارمه قاریشیق اولمشدی ،
 بعضیسی قادینلرک شمسیه لرینک آلتنه صوقولیورلر ، اوکله
 نمازندن دونن تسبیحلی اختیارلر بونلرک اوکندن حدتله
 کچبورلردی . اطرافدن قابا ، معناسز و پک چوغی غلیظ
 لافلر یوکسلیموردی ؛ اوفاق کولوشمه لر ، اسم چاغربشمه لر ،
 اشارتلر ، تبسملر هپ توزلرک کردبادی آره سنده مبادلہ
 اولونیوردی . گاه بر حیوان سرعتی برمش ایلہ کچبوردی ؛
 قادینلر اوکندن قاچیشیور ، هرکس یول ویریور ، عینی
 سکوته دوام ایدن آقین ایچندن قورتولنجه تکرار
 مجنونانه سورن سواری یه یولدن دونوب باقائلر بولو -
 نیور ، غلبه لق تکرار قاپانیوردی .

کونش شیمدی بر بلوطک آلتنه کیردیکنندن بوکیرلی
 کون متبدل روز کارک آلتنده بتون بتون مائمی بررنک
 آلیوردی . اوراده سـ بـلـک اوکنده برعربده قوپدی ؛
 خلق اوراده بریکبوردی . بر قسمی کوان ، بر قسمی
 آیرمق ایستین غلبه لغک آره سنده قالقان برشمسیه ایلہ
 ازلش بر فس کوردی ، « غیرک ناموسنه تجاوز ! » دیه
 سویانن اختیار بر آدمه فسنگ یمینسنی دوزاتن برکچ :

« هایدی یولکه آقشام اوستی خواجه ؛ اللهدن بلاکی آرامه ! » دینه میرلدانیوردی .

برکوجوک قیز قیرمزی حوطوزینک التده ائنده کی قیرمزی خروس شکرینک غایبارده لکه لری کورون اغزیله « بابا ، کلسه کئه ، آئنه م چاغرییور ... » دینه باشقهرلینک اوموزلرنده یوکسله رک ایشی آ کلامغه مراق ایدن باباسنی قواندن چکیوردی .

شیمدی بتون بتون بازاره کیرمش-لردی ؛ ازدحام صایجیلرک ایکی طرفه یایدقلى کرده وتلرک آره -نده صیقیشیور ، جریاننه برقارشیقلى عارض اولیوردی ؛ قارشیدن قارشیه کرین تنه لر بورایه برخلوت قوقوسی ، آمریقان قوقولی برکواکه ویرمشدی . رنکارنک باصمه طوپلری بربرینی ازیوردی . دیز چوکه رک اوطورمش صایجیلر بردلال ادای بلاغیله مشتریلرینی قاندریورلردی . ایچلرنده ماکنه انتظامیله آرشیونلاییلر ، آلدن قاپان مشترینی تکرار جاب ایچ-ون اوطوروب قالقه-رق سویلنلر ، قارشیدن قارشیه برچاریک اوستنی آلوب ویرمک ایچ-ون بریرینی چاغرانلر واردی . ایچ-لرنده لاقدیلری یینلرله طولو آبانی صاریقلی ، بوزچوخه

البسه‌لی اصنافلرده واردی که خلوص وصفوتله طاورا -
نیورلردی . مشتری‌سزلر متوکلاانه سکوت ایدیورلردی .
بتون کچنلر بو آرده سورونه‌رک ، طاقيله‌رق ، قاقیشه‌رق
آقیورلردی . شوراده بربرینه ملاقی اولمش ایکی قادین
آلائی کولوشه‌رک حجت ایدیورلردی .

باصمه‌جیلردن سوکره باقیرجیلر کلورلدی ؛ بونلرک
اوکی ده‌ها تنه ایدی ؛ آرقه‌لرنده ، دیوارک کنارنده چیچک
سرکیسی واردی ؛ بورادن انتشار ایدن بوی تازه آز
ایلریده کی بقالیه قوقولرینه قاریشیورلدی . برعرب قاریسی
صاغ آلله چکه‌سنده چارش‌افنی طوته‌رق صابونجی ایله
یازارلق ایدیورلدی . برپوته منکشه باشنده برچاوشله بر
قادین کولومسه‌یورلردی . اوتوده برزیتونجی « حاجی‌بک ،
حاجی‌بک ! » دیه براختیاری چاغرییور ، آرقه‌ده باصمه -
جیلرک اوغولتیلری هپسینی اورتیورلدی .

اک زیاده مراق ایدیه جک‌شی کزنلرک حالی ایدی ؛
بونلرک اره‌سنده سرعتله کچرکن قادینلره اوموز اوران ،
سوکره ایلریده برلشوب کولوشن کنجلر واردی ؛ مائی
چوخه‌دن البسه‌لی برطاقم آدملر هر یانندن کچدکلری
قادینلرده بر صیحه‌پیدا ایدیورلردی . بربرینه قاریشان

سوزلر « پاطله ، یومورجاق ، ائک قیراسین ؛ کوزک
کور اولسون ، الهی حریف ! » کبی شیردی .
کنارلرده موقت قهوه لر ترتیب ایدلمشدی ؛ جوارک
جمعه ایچون سوسلنمش بکاری آرقسی بیرتماجلی اوزون
خرقه لری بیاض انتاریلریله کان کچنی سیرایچون بورالرده
کومه کومه اوطورمشلردی . بونلرایچون هرشی بروسيله
استهزا اوله بیلیردی . روزکارتک صالادینی تخته لردن
بعضیلری دستکلرندن قورتیلوب دوشیوردی . بردوکه -
جینک اوکنده برقادین بریا کسینجی یاقالامش : « آدوستلر
امداد .. » حایقیرمه باشلادی ؛ هرکس اورایه طویلا -
ندی ؛ قادین ؛ شیشمان ، قیرمزی ، ایری کوزلو ، قالین
دوداقلی ، ترلی برقادینجیز ، تلاشندن نفس آلمقده کوچلک
چکه رک وقعیه یی بردرلو آکلاته میوردی . اوتیکی ، قورو ،
کیکلی ، بوروشوق بر اختیار قاری ، مستمندانه :
« خانمجنم ، والاهی دکل خانمجنم ، هله بریجک دیکله ... »
دیه یالواردقجه بریکی شیرانه چرپنهرق حایقیریوردی :
« صوص قاری صوص ، بنی فنا ایده جکسک ، کوزمله
کوردم ، پولیس یوقی پولیس ؟ ، غلبه لق صوکره اوتده
بره کتیلی یی دوکن برقارینک اطرافنه طویلانیدیلر .

دیلهنجیلر چوغالمش ، ایکی آدیلمده سزدن برشی ایستمه‌دن
یورومین بردانه‌سنه راست کلنیوردی .

اوراده یولی بوزولمش ، بر آقار چشمه‌نک صوبی
اورتده بریکمشدی ؛ بورادن شورایه بورایه قونیلشمش
طاشلره باصیلهرق کچیلیوردی ؛ بریکن خلقک جمله‌سی کچن
قادینلرک تالاشنی ، یاغره‌سنی ، پاچهلرینی سیرایدیورلردی .
آرتق یانغین یرینه کلشدی ؛ بوراده غیر مأمول بر
غلبه‌لق کوردی . بر ویرانه‌لکه اختیار قادینلر ، علیل
عربلر ، تازه دیلهنجیلر طوپلانمش-لردی ؛ ایچلرنده تخت-ه
باجاقلی ، آق صاقاللی اختیارلر ایله کوچوک حایلزلرده
واردی ؛ بتون البسه‌سی کوملکدن عبارت بر چوق
چوجوقلر قوشوشهرق آنالرینک آره‌سنده اویناشیور-
لردی . هرکس کلیوردی . اوزمان بوراده ات داغیله جغنه
دقت ایتدی ؛ قوبه‌ده بر قویون کسلیوردی . توقف
ایدوب تدقیقه قویولدی .

قوبه‌نک اوکی ریختیم کبی طولمشدی ، هرکس قپویه
وارمق ایچون اوغراشه‌رق اطرافنی ایتبور ، قاقیوردی .
ایچلرنده قادینلرده واردی . دککلی براختیار پنجره‌نک
یارماقلغنی طوته‌رق کندینی مدافعه ایدیور ، چیچک

بوزوغی برکچ کوپوکلای اغزیله بو ازدخامک اورتە سندن
 باغره باغره دیوارک دینه دیز چو کش آانی چاقیلی، قرمری
 یلدرمه لی بر عربه بر شبلر آ کلائیوردی . قیسه بویلی
 بر دیلنجی ایکی آدم اوتده طوران دالغین بر آدمک
 قولاغنه یاواشیجه دو قونوب صوکره کیزلنهرک اویون
 یاپیوردی . آرده آرپان بر قادین شیرانه یر قارامق
 ایچون حایقهرق ایلمکه اوغراشییوردی . براختیار
 خاتون ایاقده طوران ات یوزلی قیزل رنکلی بر قادینه :
 « س-ن-نم باجاغی نصل آیری یورمشک بقلم ؟ ، دیه
 جیقیش-یوردی . همان هپس-نک آئنده جغاره واردی .
 قیسه بویلی ، مائی یلدرمه لی بر قادین آئندن طوتدینی
 بیریق کوزلو چوجوغنک یاننده طوران اوزون بویلی ،
 فانیله یلدرمه لی ، ایجه سسلی عربله قونوشیوردی :
 — آ ، نه دیورسک آیول آبلأ .

دیوردی ، اوبکا بر کره اولسون نصلسکه کلدیمی ؟
 آراق بر ده-ا اونک یوزینه باقارمییم ؟ دوغروسق بن
 کبرمبر نه در بیلمم اما صای خاطر می صاییم خاطرکی ،
 دکلی یا ؟

صوکره متائی-انه ازدخامه باقهرق « امان یاربی ،

دیدي ، نه عارسز انسانلرده وار .. برکت ویرسین بزم
 علی اک اوکمه ... « مخاطبتک بیاض کوزلرنده کی انجماد
 حسده باقهرق » دون کیجه أبهنگ اوینه کیندیکنز ،
 دگلی ؟ بزکی قهوه دن کلیرکن کورمش ... »

ایکن بر کورتی سوزلرینی کسدی ؛ قربان یوزومش
 پاره لانیوردی ؛ و بودها زیاده اوفالمسی محال اولان کتیه
 بشر قایناشهرق ، صوقوشهرق ، بر دالغه کی اولدانی
 یرده چابالایهرق دها آزی ر استیعاب ایتکه چالیشیوردی ؛
 باشلرک اوزرنده شیمدی هوایه قاقان آلار صالانیوردی ؛
 آرده حایقیرانلرک ، چکیشنلرک ، دها شیمدین « بکا ،
 بکا ! » دیه اوزانانلرک حسابی یوقدی ؛ بتون ویرانه لکه
 داغلامش بکله شنلر هپ کلشله ، یولی قاپامشلردی .

بردنبره قیامت قوپور ظن اولوندی ؛ بو حایقیریشان ،
 اوزانان ، صوقولان انسانلرک آئنده قویون درت بش
 دقیقه ده داغیلدی بیدی ؛ اوراسی اویله بر حاله کلدی ،
 اویله چیغقلر ، اویله کفرلر ایشیلدی که بر پارچه یه
 آتیلان بوآللی آل اره سنده هانکیسنه ویره جکنی بیله ، یهرک
 هوایه فیرلایان داغیدیچینگ — دهر پارماقلاق آرقه سنده
 اولسه — قویون کی اوله جنی محققدی . صول پارچه لریده

اك اوكدە طوروب اك چوق قازانان جبارلره ویرمه مك
ایچون تا آچیغه فرلاتیویردیلر ؛ اوزمان هیچ بکلمزکن ،
ناکھان بویله بر آو بولان اوبتون آچیقده قالمش مایوسلر
یرە دوشن آنلرک اوزرینه آتیلدیلر ، یوزی قویون یرده
تپنهرک ، قاقیشهرق اوغراشیورلردی . نهایت اک معنلرندن
بش دانه سی قالدی ؛ بونلر توزک ایچنده بر چوق بوغوشدقدن
صوکره ایچلرندن بری حایقره رق قالدیدی ؛ آلدە توزدن
سیاهلشمش بر آق جکر واردی ، بر ندای مظفریتله
آچیلهرق صیچرایهرق دیواره چکیلدی ؛ بر دیکرینک
آلدە بر پارچه قره جکر قالمشدی . بو آدمک کوزلرنده کی
وحشت ظفری اصلا اونو تمیه جقدی .

بو تاثیر اوزرینه ، اورادن ، بو مجادلہ حیات
ازد خامکاهنه هجوم ایدوب خیرلاشهرق قوقلایان کوپکلری
آره لادی ؛ بو اولولرک آره سنده مسعود کورونن ، بو
سفالتک ایچنده یاشایه بیلن انسانلرک آره سندن قاچدی ،
قاچدی ...

بری برمنز ایچون

— سرمدہ —

مادام کہ حیات بویله برلش۔ دیرمک ایچون بزم کبی
اوزون مدت ظالم کیمسه سزلککلر ایچنده سورونمش ایکی
یتیم موجودیتی انتخاب ایتدی ، مادام کہ قدر بو ایکی
قیریق موجودیتی تعمیر ایچون بویله بر بویوکلک کوستردی ،
سکا یالکیز کیندک ایچون کمال حرمتله اوزانان المہ کل
بدبخت حیاتکی کمال امنیتله تسلیم ایت کہ مسعود اولالم ۔

اوقدر بری برمنزک اولالم ، اوقدر منحصراً ، اوقدر
شدیداً بری برمنزک اولالم کہ اوسفیل و بیکیس حیاتلرمنزک
شیمدیکی سعادت اواوکسوز ماضی یه بیلہ شامل اولسون ۔

هر جسمزده ، هر املمزده برابر ، حیاتک شوقلرنده ،
 سعادتلرنده اولدینی کبی المرنده ، مصیبتلرندهده برابر ،
 اوقدر صمیمی برابر ، اوقدر امثالسنز برابر اولالم که
 بویوک قدر بویله بلکه بر هوسله برلشدیردکن صوکره
 بومربوطیتده کی شعر علوی یه مفتون اولارق بزی یالکز
 حیاتک کوچوک سفالتلریله دکل اولومله بیله آیره ماسین .
 بریمز اول اولوب دیکرینی احتمالره غدا بر اقامق ،
 یاخود کری قالب ینه بیکس اولماق ، برلشنجه یه قدر
 کچن یالکزلقلری بردها تضمین ایتک ایچون موده بیله
 آیرلیه جق صورتده برابر اولالم ... فانیک ایچنده بر
 رابطه اولان بو حیاتمزدن صوکره ممات بزی ابدیت ایچنده
 برلشدیرسین .

۱۳۱۶

صوٹ

فہرست

فهرست

صیفه

۱

کلبك

۷

کنجلك :

۹

لوعه شباب

۱۱

عين وفا

۱۳

ما تعلم

۱۴

بنم اولسه يدك

۱۶

قيشدين صوكره

۱۸

ابدیا سن

۲۱

قادين احتياجي

۲۳

بنم قلم

۲۵

قله اوپاترا

۲۷

لاغر ان ويا

۳۰

حارپ

۳۳

خيالك

۳۵

عشق :

۳۷

مجران امل

۳۹

بر مسامره دن صوكره

۴۱

كيره چ بروننده

۴۳

كوزلوك بر سماكه

۴۵

بر نجم امل

۴۷

لانه تلاقي

۴۹

سن

۵۱

بنم عشقم

صفحہ

۵۳

شوخی

۵۵

ترانہ سعادت

۵۷

بخی سوئے

۵۹

نازد بر منہار

۶۲

فیر کتبہ

۶۵

صاحب لک

۶۶

عشق من صوکرہ

۶۸

اوقادینہ

۷۰

سقوط

۷۳

جیچکار کی

۷۵

سک کو ذلک

۷۷

سپاہین :

۷۹

باران بہار

۸۱

خلوت کو زلری

۸۳

بجر محیطہ

۸۵

ابر ملال

۸۷

سیدۃ غریام

۸۹

کیسہ سزلکارم

۹۱

اوج منہار

۹۴

مہتاب

۹۶

آلام وصلت

۹۸

ہیچ بریر

۱۰۰

سپاہین

صحنه

۱۰۲

موتہ

۱۰۳

کو پروده

۱۰۶

کو چوک شیلر:

۱۰۹

نيسان کيجہ سی

۱۱۱

نيسان صباحی

۱۱۵

بلبلہ قارشى

۱۱۶

کلیر کن

۱۳۱

صا چر

۱۳۵

مہربہ

۱۳۹

ملوت

۱۳۷

طہ واپورندہ

۱۵۵

بلاقى

۱۵۳

صوک مکتوب

۱۶۲

دکڑدہ

۱۶۵

صدقہ

۱۹۱

بالانجی دوست

۱۹۸

زہارم

۲۱۵

عشق و وفا

۲۲۷

فتارجی

۲۳۷

اسف

۲۵۲

انفعال

۲۶۳

ایوب یولندہ

۲۸۱

بری برض ایچون

